

4.
Diss.

1083

Bibl. Lipp.
N^o 2975.

Enter thep. count. 3 April 29. n. 54.

4. Si ad hanc questionem respondere ex parte aignati brevitas, & in his exemplis
h. n. positum transiit p. 10. p. 11. p. 12.

23 23 Augustus, fuit in fuit 0 q.

des bons sçent promisi, et malis pueris, q^z l'ont sçeu pueris, et bon sçit,

18
p. 3. Si tuini do pecunias, ut injusta sita fructus, piam repere, qd nego tibi ut

27 utroque casu coarctatus ad necessitudinem quae bonis moribus civilibus ibi quae iura

¶ huiusmodi qd nō pōt retinere, q̄ etia argueret ad aliquod iniustū argueret.

fui auctor filius alicuius juxta, et factus est faciat, et hoc habet regibus auctoribus. q.

2^o si p^{er} actus inter vivos sive p^{er} actus ultimos voluntatis, h^{oc} facit legat^{us} &
hereditas ea parte accipientis q^{ui}

Si regnata a l'Esq. di Valle aupre l'legato, et si l'encasione fare fitti,
 l'Esq. di Valle. di. 9 (3 l'encasione)

13. *fib. pl. sin.*, *fib. pinn. jun.* 3 *funa inj. tra.*

Pharyngitis etul pectus et facialis, et mea inter his impleat, et pectus injuria
3, ut ad pectus pectus, et pectus et facialis impleat.

~~Handl.~~ Abgelegt 5 Jhre med inden kind et Lickamen rationis. gr.

Si argumentor fidei sedes apud reges, vel principes rebus, vel
in neut. p[ro]p[ri]o q[ue]r.

4^e Diff. 1,083.

DIFFICILIS
CONDICTIONUM
MATERIA

Juridicè expensa,

Quam

Deo Trino, & Uno Auspice,

*Consensu & Autoritate Inclŷta Facultatis
Juridicæ*

Sub PRÆSIDIO

CHRISTOPHORI

De CHLINGENSPERG

Ab & in Stauffenbuech, J. U. Doctoris, Sacræ Cæsareæ
Majestatis Consiliarij, Codicis, & Juris Publici
Professoris Ordinarij, Legumque
Primarij,

Præfetti in Stambamb, & Öetting.

Publicæ disputationi supposuit


CONRADUS REISER, Schnaittacensis è Palatinatu
Superiore, Juris Utriusque Candidatus.

In Auditorio Juristarum, Mense Julio.

ANNO MDCCLX.

Horis ante & post meridiem consuetis.

INGOLSTADII, Typis Thomæ Grass,



ILLUSTRISSIMO
ET
EXCELLENTISSIMO
DOMINO DOMINO
LOTHARIO
FRIDERICO
L. B. de HUNDTHEIM:

Domino in Ilbesheim, Surelsach-
sen &c. Serenissimi Electoris Palatini &c. &c. Consi-
liario Intimo, Camerario, & Supremo Belli Commissario:
Ordinis Equestris S. Huberti Equiti & Commendatori
in Waldeck, Satrapæ in Dilsperg &c. &c.

Domino meo Excellentissimo, & perquam
Gratioso.

Illustrissimæ & Excellen-
tissime

DOMINE DOMINE



Apienter profectò præclarissimum Ju-
ris Consultorum lumen Jason in feu-
dorum præludio scripsisse videtur, Il-
lustrissime & Excellentissime Domi-
ne, singularem esse Legalis Philosophiæ præstanti-
am, quòd totum in ea Justitiæ resideat fundamen-
tum, quam & Prisci Astræam, quasi ad homines
mortales ex Astris, adeoque cælo demissam non im-
meritò nuncupârunt: Etenim quòd honestatis disci-
plina servetur, quòd fraudes & insidiæ propellantur,
quòd iniquitatis violentia coërceatur, ex Legum
virtute ac vigore proficiscitur, quòd Religio & di-
vinæ Aræ à prædonum immanitate & truculentia tu-
te

ta sint, quòd Respublica sint firmæ, quòd floreat
Regna, & immensa denique Orbis machina sua stabi-
litate consistat, Juris & Sacratissimarum Constitutio-
num beneficium est. Unde Isidorus præclare ait,
Leges conditas esse, ut earum metu audacia coërcea-
tur humana, tutaque sit inter improbos innocentia,
& insolentium formidatò suppliciò nocendi temeri-
tas refrænetur. Annus nunc quartus abiit, ex quo
Aristotelicis imbutus præceptis etiam publicè dis-
putatis me totum Jurisprudentiæ studio dedidi, olim
quàquà per vires & Dei providentiam, & Magnos
Patronos licuerit, in foro Sacrae Themidi litaturus.
Ut verò hisce studiis meis decorè finem & coronidem
imponam, volui rursus virium mearum in publico
Doctissimorum Virorum confessu periculum facere,
atque in literariam descendere arenam. Hic Rho-
dus, hìc saltus, hìc Duce, hìc Patrono, hìc Gratioso
Mæcenate, ad quem respiciant hæc certamina mea, &
labores, opus est. Et horrerem certè, Vastissimis Il-
lustrissimæ ac Excellentissimæ Dominationis Vestrae
immersam negotiis mentem hisce obscuris pagellis
interpellare, nisi nòssem, etiam Solem & reliqua Cæli
sydera non ita montibus affulgere, ut non aliquando
etiam ad submissas revisant valles. Patiatur igitur
Illu-

Illustrissima & Excellentissima Dominatio Vestra, ut
audeam etiam ignotus (palam me faciam devotissi-
mis obsequiis) in hisce minimis Maxima, quibus Bo-
mo communi & Patriæ & Imperii velut Atlas inter
hæc turbatissima totius Europæ tempora suecollat,
Consilia interfari. Non numero, nec enumero vir-
tutes & merita tanti Principis tanti Consiliarii, sed ta-
citus admirror, probè gnarus, quàm laudari nolint, qui
maximè merentur, quàmque minor sim, quàm ut, etsi
velim, Nominis factorumque magnitudinem cele-
brare possim. Ad meredeo, meamque causam bre-
viterago, inter postremos, eosque fidissimos Illustris-
simæ Excellentiæ Vestræ Servos cupio imposterum
numerari. Suffecerit, vel licuisse hunc supplicem
libellum, tenue infimæ servitutis monumentum, tam
Gratiosis manibus inserere.

**Illustrissimæ & Excellentissimæ
Dominationis Vestræ**

Devotissimus servus


CONRADUS REISER

APPROBATIO THEOLOGICA.

Commentarius iste in Quinque Titulos Libri quarti Codicis, de Conditione indebiti, Causa Datorum, & tribus sequentibus; sicuti nihil continet contrarium bonis moribus, aut veritatibus Fidei: Ita difficilem admodum, & arduam, ac intricatam de Conditionibus Materiam, facili, perspicua, ac clarissima methodo solidissime pertractat. Neque id mirum, cum cum natus sit Authorem Magnificum, qui tot jam Nominibus, ac Monumentis in Lucem editis, in florentissima Universitate Ingolstadiensis, inclaruit, ut fama Illius, ac litteratae Victoriae, hinc quidem ad Tiberim, illinc verò ad Sequanam usque, in Triumphata maxime Aurelianensi Causa, gloriosissime penetrarint. Habet proinde, unde jure merito sibi gratuletur Doctissimus Dominus Defendens, quòd sub talis ac tanti Magnifici Viri Praesidio descendere possit in Arenam publicam, in qua suam pariter Doctrinam, & hic, & alibi pro capacissimo suo Ingenio, summaque industria, eximie sibi comparata, valeat quam doctissime, & quidem securus victoriae, felicissime propugnare.

Ita censeo

FRANCISCUS SCHILCHER, Soc. JESU
Theologiae Moralis Professor Ordinarius, &
pro tempore Facultatis Sacrae Decanus.



APPROBATIO JURIDICA.

ASSERTIONES praesentes, quibus difficilis Conditionum materia industria planè singulari expensa solidissime exponitur, dignissimae sunt, ut pro debita Clarissimi Domini Auctoris laude lucem aspiciant, Nobili autem Domino Defendenti occasionem praebeant, insignem in Jurisprudencia factum progressum publicè ostendendi.

Ita censeo.

JOANNES FRIDERICUS de CHARDEL,
Jurium Doctor, S. C. Majest. Consiliarius, Institut. Professor Ordin. & Juridicæ Facultatis
p. t. Decanus.

Præfatio.

Non ignoro equidem, quid de Sparta publicè Jura profitentis, de officio vicissim discantis passim tradant Juris Interpretes, & in summa complectatur Anton. Perez. Cod. lib. 12. tit. 15. n. 4. & seqq. postremò, ait ibi n. 6. quod constitutio exigat in Magistris, idem & in discipulis publica Reipublicæ salus requirit, ut ad gradus Academicos non promoveantur, nisi qui judicio Amplissimi Ordinis digni fuerint æstimati, & ad severam normam explorati, ne cruda adhuc studia in forum propellant, ne initiatos se credant, & tantum in vestibulo Jurisprudentiæ hæreant. &c. In oratione ad Antecessores Justinianus (quem in Universitate nostra secuti sunt Serenissimi Legislatores Bavarici) Jurisprudentia Studio ritè absolvendo quinquennium præscripsit, & inde Anastasius Imperator vetuit quemquam Advocatorum aggregari consortio, antequam per statuta Legum tempora earum eruditioni noscatur inhæsisse. L. 3. §. 4. Cod. de Advocat. divers. judicium. Nec furi duntaxat Crivili Justiniano hodie danda est opera, verum etiam Feudali, Canonico, Publico, quod Universi juris Studium longioris certè esset tractus, quam ut quinquennij metâ concluderetur, nisi privata, qua dicimus hodie, Studia & Collegia, eoque tendentes publici juris facti Libri, ubi res methodicè tractatur, aliquid conferrent opera præty, ut ex recepto usu à tempore jam longo videatur quadriennium sufficere posse, contra quam existimat Wisenbach. ad lib. 1. Cod. tit. 17. de veter. jure enucleand. Quidquid sit, harum Thesium Defendens est unus, qui & quâ virtutem, quâ scientiam spectes, dignissimè ad gradus Academicos anhelat, cuique aliquando tunc juxta promissâ Imperatoris Respublica, Superis bene volentibus, in partibus concedetur. Notuit ille sine publico etiam ejusmodi testimonio ab Academia nostra discedere, atque sic disputationis aliquod à me argumentum flagitavit. Cùmque inter alia dissentius negotia proprium elaborare tempus non pateretur, hanc difficilem, contragrosam, spinosam, ut vocat Andr. Cludius, & in multis hætenus nondum satis discussam conditionum materiam prope in terminis, quibus ante annum publice pralegeram, consignavi. Difficile non fuisset in integros, & ampliores tractatus cum Andr. Cludio, quem in manibus habeo, singula negotia diffundere, sed sicut hoc præscriptus lectionibus publicis terminus, atque præcepta docendi ratio non admisit, ita suffecerit, in terminis Thesium consistisse, & desiderijs D. Defendentis satisfecisse; dubitarim etiam, an præstet multa & multos legere, vel multam.

CAPUT

CAPUT I.

De Conditione Indebiti.

ASSERTIO I.

SUMMARIA.

1. *Explicatur quid sit in Jure vindicare, & quid condicere.*
2. *Conditio alia vocatur incerti, alia certi; inde lis Ultramontanos inter, & DD. Citramontanos.*
3. *Exponitur presentis materia & argumentum disputationis.*

VIndicare rem aliquam in jure, nihil aliud est, quàm aliquid sibi asserere, & suum esse dicere, sive id dominium sit, aliudve jus, sive possessio, quam in re habemus, & nobis defendimus, quo sensu actiones in rem in genere vindicationes dicimus. *tex. in §. 15. Instit. de actionib.* Condicerem verò nihil aliud est, quàm denuntiare, eò quòd olim moris esset, si quis debitorem suum judicio convenire veller, ut prius ei condiceret, hoc est, diem certum denuntiaret, quo in jus veniret, & liti prosequendæ adesset. *d. §. 15. Instit. cit. tit. & quamvis hæc conditio sive denuntiatio in omnibus judicijs fieret, sive in rem, sive in personam ageretur, cum tamen successu temporis ex duabus istis actionibus prior certum ac specificum nomen fortiretur, & rei vindicatio in specie diceretur, altera tamen proprio careret, nomine generis retento sola actio in personam cepit conditio vocari, & sic actiones personales omnes in genere Conditiones vocamus. tex. & Interpret. in cit. §. 15. Inst. de actionib. L. certi 9. ff. de reb. credit.* Ulterius quia id, quod petimus nobis dari, vel certum est, vel incertum,

A

ideo

ideo Condictio duplex constituitur. Et incerti vocatur, quæ rem incertam nobis debitam petimus, vel stipulamur, Condictio autem certi appellatur, per quam certum quid dari petitur, quod, quale quantumque sit, apparet, atque sic dicitur condictio certi ex mutuo. *tex. in prin. Inst. quibus modis re contrab. oblig.* Condictio certi, si certa sit stipulatio, & incerti ex stipulatu, si incerta sit. *tex. in princ. Inst. de V. O. L. 75. ff. de V. O.* Exinde controvertunt DD. Ultramontani & Citramontani, ut videre apud Bacchov. *tract. de actionib. disput. 4. thes. 10.* & Arnold. Vinn. *lib. 3. Inst. tit. 15. in princ. n. 15.* utrum Condictio certi ex mutuo, vel stipulatu specialis sit, an generalis, id est, utrum utraque hæc condictio propriam & distinctam ab alijs certi conditionibus habeat naturam, vel an sit ejusdem naturæ in genere cum cæteris, & cum his, ex quacunque causa competant, sub communi genere conditionis certi contineatur? prius placet Citramontanis, quorum nomine Bartolus & reliqui Itali Juris Interpretes veniunt, duplicem certi conditionem statuentibus, unam specialem, ex mutuo, & stipulatu, alteram generalem, quæ competat ex causis & obligationibus cæteris, ex quibus certum debetur, quam superiori ut speciem diversæ naturæ opponunt. *cit. Bart. Accurs. Castr. Jason. in L. 9. ff. de reb. credit.* posterius Ultramontanis visum est, qui duntaxat unum commune genus certi conditionis agnoscunt, sub quo tam ea, quæ ex mutuo aut stipulatione, quam quæ ex alijs causis competit, contineatur, & ejusdem naturæ, quæ sententia verior est per *text. in L. 24. ff. de reb. cred. d. L. 9. ff. eod.* qui locus satis apertè ostendit, in genere unam esse certi Conditionem, in quo quæcunque sit causa petendi, petitio omnis certi conveniat, sive petatur ex mutuo, sive ex stipulatione, sive ex causa legati, sive ex causa furtiva. Et sicut apud Philosophos non sunt entia multiplicanda sine necessitate, ita nec secundum J.Ctorum scita actionum pluralitas sine urgenti ratione est admittenda, ut loquitur D. Arnold. Rath. *discurs. de reb.*

reb. credit. assert. 75. n. 2. Porro sicut actiones in rem causam habent proximam & remotam, ita & hæ conditiones nascuntur vel ex conventionem seu contractu vero, vel quasi, vel ex delicto & maleficio, & utroque vel vero, vel quasi, variisque causarum figuris. text. & DD. in *L. 1. ff. de O. & A.* Bacchov. tract. de actionib. disput. 4. ibes. 4. Mihi inpresentiarum animus est, eas Conditiones in specie examinare, quas Codicis Jura singulari titulo donaverunt, ut est *Condictio indebiti*, *Condictio causâ datorum*, *Condictio ob turpem causam*, *Condictio furtiva*, & ex lege.

A S S E R T I O II.

S U M M A R I A.

1. *Datum ob causam, quatenus de eo repetendo agitur, duplicis generis est, vel enim datur ob causam præteritam, vel ob futuram.*
2. *Datum ob causam præteritam veram non repetitur, siue honesta fuerit, siue turpis.*
3. *Si falsa est, inter voluntariam & necessariam subdistingui oportet.*
4. *Priori enim casu denegatur repetitio, licet errore ductus causâ præterita veritatem mihi falso persuaferim.*

ITaque materiam hanc de indebito, quæ elegans est, & per omnes ferè juris nostri partes diffusa, ut loquitur Ant. Faber. in *L. 1. ff. de condiction. indeb.* debita ratione tractaturus, præmittendum duco, id, quod ob causam datur, quatenus de eo repetendo agitur, esse duplicis generis, & vel datum esse ob præteritam causam, vel ob futuram, veluti do tibi decem, quia negotia mea curasti, quia liberos meos hæredes scripsisti: ob futuram verò, puta, dedi tibi fundum, ut me alas, do tibi Stichum, ut Pamphilum manumittas, vel filium meum à te arrogatum emancipes, quæ distinctio, licet verbis paulò alijs, clarè proponitur in *L. damus. 52. ff. h. t. & L. 1. ff. de condict. ob turp. caus.* Sunt hæ causæ, sicuti ipso genere inter se planè distinctæ, ita

quoque juris effectū quoad datī repetitionem prorsus dissimiles, atque ideo ex hac generis varietate & distinctione tituli tam in Digestis, quàm in Codice proponuntur *de conditione indebiti*: item *de conditione ob causam datorum*: item *de conditione ob turpem causam*: Quod ob causam præteritam datum, repeti non potest, in primis si causa vera est, qualiscunque ea demum fuerit, sive honesta, sive etiam turpis. *L. meretricem. ff. de condict. ob turp. caus.* & quidem ex hac ratione, quod id hac mente datum sit, ut si causa sese ita habeat; dans voluerit penes accipientem manere, contra dantis autem voluntatem repetitio institui nequit. *L. si ego. ff. si certum petat.* obstante scilicet pacti exceptione, qua agentem contra suum pactum meritò refelli in confesso est, *L. juris gentium. §. sed cum nulla. ff. de pactis.* Quod si verò causa præterita, ob quam quid datum fuit, falsa est, ita ex voluntate dantis subdistingui oportet, quod causa præterita vel sit voluntaria, quæ scilicet, etsi maxime vera esset, nulla tamen dandi seu solvendi necessitate dantem ipsum obstringeret, utpote qui non fuerat ad solutionem præstandam obligatus, puta, *do tibi 100. quia negotia mea curasti, quia consul factus es.* Aut verò est necessaria, seu obligatoria, ex quâ jure quid debetur, ac proinde ea secum trahit necessitatem rei debitæ solvendæ, quemadmodum ipsa obligationis definitio evincit. text. & DD. in *princ. Inst. de oblig.* Priori casu, quo videlicet ob causam præteritam voluntariam seu non obligatoriam quid datum est, repetitio denegatur, licet causa falsa fuerit, puta, *do tibi 100. quia negotia mea bene curasti.* Si ve enim omnino non curasti, vel curasti malè, tamen indistinctè datum non repetam, non modò si sciam negotia mea à te curata non esse, & nihilominus dederim, hoc ipso enim constat me donare voluisse, sicuti cautum est de indebito ab eo soluto, qui scivit indebitum esse *L. cujus per errorem. ff. de R. J.* verum etiam si errans mihi falsò persuasi, negotia mea à te curata esse. text. apert. in *dict. L. damus. § 2. ff. b. t. quia*, inquit

Jctus

Actus in *L. in summa. 6 §. id quoque. ff. eodem. donare volui.* & rectè quidem ex ipsa donationis definitione, si quidem illud donari censetur, quod nullo jure cogente conceditur. *L. donari. 82. ff. de R. J.* cum igitur is, qui dicit, aut putat negotia sua gesta esse ab alio, sciat, aut scire debeat, se etiam in negotijs verè & bene gestis non tamen obligari, ut pro opera quidquam præstet. Interpret. in *L. 2. ff. de administr. tut.* & nihilominus dederit sciens se cogi non posse, profectò hoc ipso intelligitur donare. in *dict. L. donari. ff. de R. J.* Errat quidem is, fateor, qui dat ob falsam causam & præteritam, & consequenter eatenus in causam dandi non consentit *L. si per errorem. ff. de jurisdict. §. L. 2. ff. de judic.* sed quòd putet se non teneri, ut quid v. g. nomine negotij gesti det, in eo neutiquam errat, quoniam id revera ita se habet, quare, si cum id sciat, vel scire debeat, nihilominus det, consequens est, eum non per errorem, sed consultò, seu scienter ac prudenter dare, adeoque repetitionem ejus, quod dedit, nequaquam habere, ex quo capite indebiti conditionem illi, qui amico adhuc in coelibatu viventi ex errore munus transmittit nuptiale, denegat Lauterbach. *conclus. forens. exerc. 24. thes. 6.*

A S S E R T I O III.

S U M M A R I A.

1. Limitatur præcedens assertio, nisi de contraria dantis mente appareat.
2. Res sub conditione negotij gesti, alteri donata, & adhuc extans rectè vindicatur; si sine dolo malo consumpta est, condicatur.
3. Ponitur notabilis differentia inter ultimas voluntates, & dispositiones inter vivos.
4. Datum ob causam præteritam necessariam, si ea falsa est, meritò repetitur.
5. Et quidem per conditionem indebiti, qua dicitur actio in personam seu pers. nalis.
6. Solvens indebitè, etsi erret in causa, adhuc transfert dominium.

1. Ceterum quod aperto juris textu jam stabilivi, id, quod ob causam præteritam etiam erroneam seu falsam datum est, repeti non posse, cum hac limitatione accipi debet, nisi de contraria dantis mente appareat, ut scilicet non aliter datum velit, quam si causa, ob quam dedit, vera esset, quod vel ex præcedentibus ipsius dantis sermonibus intelligi potest aperte contrariam suam mentem testantis, vel etiam ex conceptione causæ adjectæ, cum ea scilicet non per modum causæ, seu rationis redditæ, sed per modum conditionis exprimitur, puta, *do tibi 100. si negotia mea curasti.* text. in *L. 2. §. fin. & L. seq. ff. de donat.* quoniam ea vis est cujusvis conditionis, ut si deficiat, seu quod in idem recidit, falsa est, statim infirmet id, quod promittendo, vel solvendo, vel etiam aliud quidquam agendo sub conditione geritur. §. *Conditiones. Inst. de V.O.* Seu interim futurum, seu etiam præteritum tempus conditio respiciat, quamvis vera & propriè dicta conditio non sit, nisi quæ in futurum confertur. *L. cum ad præsens. 36. cum L. seq. ff. de reb. credit.*
2. cui consequens est rei sub conditione negotij gesti, alteri donatæ adhuc extantis dominium ab ipso donante, tanquam manente vero Domino, rectè vindicari, utpote quod nunquam ab eo recesserit. *L. qui absenti. 38. §. 1. ff. de acquirend. possess.* Si verò forsan pecunia, quæ data erat, sine dolo malo fuerit consumpta, condici poterit, id est, actione in personam repeti. *L. si ergo. 18. in fin. ff. si cert. petat.* nam quibus ex causis dati adhuc extantis rei vindicatio conceditur, ex iisdem causis consumptæ pecuniæ conditio datur. *L. rogasti 11. §. ult. in fin. ff. iam d. tit.*
3. Interim mihi cum Accurs. & Anton. Fabro in suo *Rationali. ad d. L. damus. 52. ff. h. t.* notabilis videtur differentia inter ultimas voluntates & dispositiones inter vivos, quòd, cum in ultimis voluntatibus detur actio pro legato ex sola & præcisa voluntate testatoris, consequenter locus esse possit exceptioni doli, si verisimile sit, testatorem aliàs legaturum non fuisse, juxta text. apert. in *L. cum tale. 72. §. falsam. ff. de condit. & demonstrat.*

monstrat. ne aliàs contra voluntatem id fiat, quod ex voluntate proficisci deberet: verùm in dispositionibus inter vivos, quæ non ex unius, sed ex duorum consensu, & voluntate dependent, non admittantur quæstiones voluntatis, an, qui promissit ob causam præteritam voluntariam, non aliter fuerit promissurus, nisi id vel ex verbis conventionis expressè constiterit, vel ambo contrahentes consentiant, alioquin propositum in mente unius ex contrahentibus retentum nihil operetur. L. 2: §. sed si. 7. ff. de condiç. ob caus. L. si repetendi. 7. Cod. cod. Atque hætenus, si quid datum est ob causam præteritam falsam, quæ voluntaria fuit; si verò ea fuerit necessaria, qualis est in indebito per errorem soluto, tunc si falsa est, meritò quod ex ea per errorem fuit solutum, repeti potest ex hac aperta differentie ratione, quòd, qui scivit se non teneri ob causam præteritam voluntariam, sive ea vera sit, sive falsa, & nihilominus sciens, ac prudens dedit, hoc ipso censeatur donare; e contra autem, qui dedit, tanquam deberet, ideòque veluti necessitate rei solvendæ adstrictus, & tunc in eo errans se debere putat, isque utique in tali errore constitutus donatum esse non vult, eò quòd rem in necessitate sive interim vera, seu putativa, ac proinde ex animo dantis ægrè obligante liberalis esse non censeatur. L. rem legatam. ff. de adimend. legat. id est, nemo intelligitur libertatem velle exercere in eo, in quo se ad præstandum necessitate cogi existimat, nam directè inter se contraria sunt spontè & liberè dare, quod est donantis, & dare coactè, quod est ejus, qui se putat debere, & ex illa putativa coactione solvit: mirum ergò non est, quòd in priori casu donatio repetitionem impediatur, in posteriori verò contraria solventis voluntas eam admittat. Quod igitur ob præteritam necessariam causam, siquidem hæc sit falsa, solutum fuit, ordinariè repeti potest, & quidem per specialem hanc actionem, quæ condiçio indebiti (aliquando etiam actio condiçionis vel simpliciter condiçio vocatur L. 1 §. ff. de condiç. indebit. L. 2. Cod. de condiç.

dict. ob. caus. dat.) communiter solet appellari, & actio est in personam ex æquo & bono inducta, nequis cum alterius iactura locupletetur. *L. jure naturæ. 206. ff. de R. J. & L. nam hæc natura. 14. ff. de conditione indebiti.* Dico actionem in personam esse; tum quod immediate ex obligatione nascatur, ideoque personam debitoris obligati non excedat. text. & Interp. in *§. omnium. Instit. de actionib. & L. actionum. ff. de O. & A.* tum etiam, quod actioni in rem opponatur, & tunc demum dicatur competere, si dominium rei traditæ in accipientem translatum fuerit. *L. dominus. 53. ff. b. t.* tum denique, quod nemo rem suam condicat, nisi à fure. *§. sic itaque discretis. Instit. de actionib.* & consequenter condictio veluti ad dandum, id est, ad dominium transferendum prodita, supponat id antea penes accipientem fuisse, alias scilicet inepte ab eo hac actione avocandum. *d. L. dominus. 53. ff. b. t.* Nec refert, quod dominium sine voluntate domini non transferatur. *L. id quod nostrum. ff. de R. J. L. 1. Cod. de reb. alien. non alienand.* ex adverso autem solvens indebitum sit in errore, adeoque non consentiat. *L. si per errorem. ff. de jurisdict. L. 2. ff. de judic.* cui proinde consequens videtur, dominium ejus, quod indebitè solutum est, manere penes solventem, ac proinde ab eo rectè vindicari. *L. in rem. 22. in princ. ff. de rei vind.* Respondeo enim, licet solvens indebitum in ipsa causa solvendi erret, quam scilicet falso putat subesse, alias non soluturus, quia tamen potestatem & voluntatem transferendi dominij habet, consequens est, id per subsequutam actualem traditionem etiam ex erronea causa factam transferri. text. & Interp. in *§. per traditionem. Instit. de rer. divis. & L. cum in corpus. 26. ff. de acquir. rer. domin.* quantumvis igitur per nudam traditionem dominium non transferatur, sed debeat justa aliqua & hæc illis causa ad id transferendum præcedere. *L. nunquam nuda. 30. ff. cit. tit.* sufficiet tamen, ut ea sit putativa, ejusque ratione facta traditio concurrente utriusque tam solventis, quam accipientis voluntate. *d. L. cum in corpus. ff. d. t.*

ASSER-

A S S E R T I O IV.

S U M M A R I A.

1. Est hac actio ex quasi contractu non ex vero contra Donellum.
2. Nisi expresse conventum sit, ut in casu apparentis indebiti solum restituitur, ubi nascitur actio præscriptis verbis, qua tamen conditionem indebiti non excludit.
3. Negatur hunc quasi contractum promutuum esse.

NEque est hæc actio tantum personalis, verum etiam, licet de contraria sententia sibi multum gloriatur Hugo Donell. lib. 14. commentar. Juris cap. 16. ex quasi duntaxat contractu prodita, quod præter expressos textus in §. 1. quibus mod. re contrab. obligat. & §. penult. Inst. de oblig. qua ex quasi contract. hæc quoque aperta ratio confirmat, quod, cum debitum solvitur, id agant partes, ut tollatur, non ut constitutur obligatio, sed quia errant, & consequenter censetur ab ipsis abesse consensus, indeque teste Jcto in indebito nascatur obligatio extra id, quod agitur, seu à solvente & accipiente intenditur. L. 3. ff. Commodat. Lex rem ipsam aliter interpretatur, habetque pro eo, ac si partes de restituendo cogitassent, quæ res quidem facere potest, ut actio seu conditio detur, non autem ut nascatur ex vero & propriè dicto contractu, cum in omni contractu res ita sit comparata, ut obligatio inde descendens oriatur non extra id, sed ex eo, quod agitur: licet interim Donello & alijs dissentientibus facile concedam, quod si expresse sit conventum, ut si appareat solutam pecuniam indebitam fuisse, ea restituatur, hoc ipso exsurgat contractus innominatus, scilicet, do ut des, ac proinde ob restitutionem in expressam conventionem deductam competat actio præscriptis verbis. L. 1. & seqq. ff. de præscript. verb. quò etiam facit textus in L. rebus. Cod. de rerum permut. ubi Imperatores pro generali regula tradunt, quòd rebus certa lege, seu conditione da-

dict. ob. caus. dat.) communiter solet appellari, & actio est in personam ex æquo & bono inducta, nequis cum alterius iactura locupletetur. *L. jure natura. 206. ff. de R. J. & L. nam hac natura. 14. ff. de conditione indebiti.* Dico actionem in personam esse, tum quod immediate ex obligatione nascatur, ideoque personam debitoris obligati non excedat. text. & Interp. in §. *omnium. Instit. de actionib. & L. actionum. ff. de O. & A.* tum etiam, quod actioni in rem opponatur, & tunc demum dicatur competere, si dominium rei traditæ in accipientem translatum fuerit. *L. dominus. 53. ff. b. t.* tum denique, quod nemo rem suam condicat, nisi à fure. §. *sic itaque discretis. Instit. de actionib.* & consequenter conditio veluti ad dandum, id est, ad dominium transferendum prodita, supponat id antea penes accipientem fuisse, aliàs scilicet ineptè ab eo hac actione avocandum. *d. L. dominus. 53. ff. b. t.* Nec refert, quod dominium sine voluntate domini non transferatur. *L. id quod nostrum. ff. de R. J. L. 1. Cod. de reb. alien. non alienand.* ex adverso autem solvens indebitum sit in errore, adeoque non consentiat. *L. si per errorem. ff. de jurisdict. L. 2. ff. de judic.* cui proinde consequens videtur, dominium ejus, quod indebitè solutum est, manere penes solventem, ac proinde ab eo rectè vindicari. *L. in rem. 22. in princ. ff. de rei vind.* Respondeo enim, licet solvens indebitum in ipsa causa solvendi erret, quam scilicet falsò putat subesse aliàs non soluturus, quia tamen potestatem & voluntatem transferendi dominij habet, consequens est, id per subsequutam actualem traditionem etiam ex erronea causa factam transferri. text. & Interp. in §. *per traditionem. Instit. de rer. divis. & L. cum in corpus. 26. ff. de acquir. rer. domin.* quantumvis igitur per nudam traditionem dominium non transferatur, sed debeat justa aliqua & hac ilis causa ad id transferendum præcedere. *L. nunquam nuda. 30. ff. cit. tit.* sufficiet tamen, ut ea sit putativa, ejusque ratione facta traditio concurrente utriusque tam solventis, quam accipientis voluntate. *d. L. cum in corpus. ff. d. t.*

ASSER-

A S S E R T I O IV.

S U M M A R I A.

1. Est hac actio ex quasi contractu non ex vero contra Donellum.
2. Nisi expresse conventum sit, ut in casu apparentis indebiti solum restituatur, ubi nascitur actio præscriptis verbis, qua tamen conditionem indebiti non excludit.
3. Negatur hunc quasi contractum promutuum esse.

NEque est hæc actio tantum personalis, verum etiam, licet de contraria sententia sibi multum gloriatur Hugo Donell. lib. 14. commentar. Juris cap. 16. ex quasi duntaxat contractu prodita, quod præter expressos textus in §. 1. quibus mod. re contrab. obligat. & §. penult. Inst. de oblig. qua ex quasi contract. hæc quoque aperta ratio confirmat, quod, cum debitum solvitur, id agant partes, ut tollatur, non ut constitutur obligatio, sed quia errant, & consequenter censetur ab ipsis abesse consensus, indeque teste Jcto in indebito nascatur obligatio extra id, quod agitur, seu à solvente & accipiente intenditur. L. 3. ff. Commodat. Lex rem ipsam aliter interpretatur, habetque pro eo, ac si partes de restituendo cogitassent, quæ res quidem facere potest, ut actio seu conditio detur, non autem ut nascatur ex vero & propriè dicto contractu, cum in omni contractu res ita sit comparata, ut obligatio inde descendens oriatur non extra id, sed ex eo, quod agitur: licet interim Donello & alijs dissentientibus facile concedam, quod si expresse sit conventum, ut si appareat solutam pecuniam indebitam fuisse, ea restituatur, hoc ipso exurgat contractus innominatus, scilicet, do ut des, ac proinde ob restitutionem in expressam conventionem deductam competat actio præscriptis verbis. L. 1. & seqq. ff. de præscript. verb. quò etiam facit textus in L. rebus. Cod. de rerum permut. ubi Imperatores pro generali regula tradunt, quod rebus certa lege, seu conditione da-

tis, si huic non pareatur, actio præscriptis verbis locum habeat, ita tamen, ut non negem, quin simul etiam competat conditio indebiti, quod sicuti text. in *L. 2. ff. h. t. evincit*, & tam verbum *repetitio* ibidem positum, quam ipsa rubrica ostendit, ita hujus actionis æquitas non debet per maiorem cautelam magis excludi, quam propterea, quod hæres sese ad legata solvenda, vel socius ad expensas, aut fructus præstandos expressè obligavit, ideo actio ex testamento, vel communi dividundo ex quasi contractu prodita cessare debeat. Et quamvis sint, qui hunc quasi contractum indebiti promutuum vocitant propter text. in §. *is quoque. Inst. quib. mod. re contrab. oblig.* ubi dicitur, eum, qui indebitum errore solutum accipit, re obligari, & ad restitutionem teneri actione condictionis, proinde ac si mutuum accepisset, ex ratione, quod ita solvens præsumatur in eventum apparentis indebiti mutuum dedisse; rectius tamen negatur, tum quod inter mutuum & indebitum illa inprimis sit differentia, quod indebitum non in solis rebus fungibilibus constituatur, sicut mutuum, atque sic conditio indebiti aliquando ad ipsam rem indebitè solutam extantem nascatur, tum etiam, quod res mutuo data non pereat ipsi mutuanti, ut res indebitè soluta. text. & DD, in *L. 65. §. 8. ff. de condict. indeb.*

ASSERTIO V.

SUMMARIA

1. Statuuntur tria requisita ad conditionem indebiti.
2. Primum requisitum ob similitudinem rationis ex æquitate etiam porrigitur ad promissionem ex errore factam, licet sine omni instrumento eo nomine creditori tradito.
3. Promittenti per errorem indebitum etiam datur exceptio doli.

VT autem competat conditio indebiti, alij plura, alij pauciora statuunt requisita, mihi videntur ea ad tria commode

dè revocari posse, primum est, ut quidquid sit solutum, seu (quod verbum solvere significat. *L. solutionis verbum. 49. ff. de solut.*) naturaliter datum vel præstitum solutionis causa tanquam debitum. Alterum ut indebitum sit, & tertium, ut fuerit per errorem solutum. Interim spectando primum requisitum, licet hujus actionis natura sit, ut non competat, nisi aliquid datum, aut defacto solutum fuerit, utpote quod aliàs repeti nequeat, ob utilitatem tamen & similitudinem rationis ex æquitate etiam porrigitur ad promissionem, quæ facta est per errorem, nec solum eo casu, quo obligationis instrumentum ipsi creditori traditum est (quoniam hoc ipsum ad veram ejus repetitionem datum fuisse utique sufficeret) sed etiam quando sola promissio facta est, sine omni instrumento eo nomine creditori tradito, cujus rei in hærede existimante, cum tantum ex dimidia parte successor esset, se solum & unicum hæredem esse, & ideo solutionem v. g. centum aureorum promittente, pulchrum exemplum suppeditat Jctus in *L. is qui. 31. ff. b. t.* ubi licet nihil solutum, sed tantum cautum, & promissum sit, nihilominus indebiti promissi conditio tali hæredi competere dicitur. *L. is qui. 31. ff. b. t.* Non solum verò conditio indebiti datur promittenti per errorem indebitum, sed etiam exceptio doli, qua se tueatur, cui enim datur actio, ei multo magis cæteris paribus datur exceptio. *L. 4. Cod. b. tit. L. 156. S. 1. ff. de R. J. Andr. Clud. cap. 1. de condict. indeb. n. 105.*

A S S E R T I O VI.

S U M M A R I A.

1. Conditio indebiti accommodatur etiam solvendi rem alienam.
2. Respondetur ad aliquam objectionem.
3. Ponitur secundum requisitum ad condictionem indebiti.

- 1 **O**portet ergò aliquid solutum esse, ut per conditionem hanc repeti possit, ita tamen, ut non sit necesse, rem solutam fuisse ipsius solventis, sed etiam sufficiat, eam fuisse alienam, quamvis enim à ratione juris videatur abhorrere, ut qui dat nummos alienos, eos possit condicere, eò quòd alienos nummos solvens non transferat dominium, ideòque non liberetur. *L. si alieni. 78. ff. de solut..* & consequenter nec possit condicere, cùm is demum condicere queat, qui dominium habuit, & is demum conditione teneri, qui dare potest, id est, dominium transferre. §. *si itaque. Inst. de actionib. L. ubi autem. 75. §. 1. ff. de V.O.* Respondeo tamen, quòd conditionis nomen per se nihil aliud significet, quàm repetitionem ejus, quod translatum est in alium, transferri autem potest aliquando dominium cum possessione, aliquando possessio sine dominio, seu interim ab initio actum id sit, ut dominium cum possessione, seu sola etiam possessio transferatur, si igitur dominium cum possessione indebitè translatum sit, conditio indebiti danda est ad repetendum cum possessione dominium, quod sicuti vix transfertur sine possessione (excepto legato, & donatione mortis causa *L. 31. & seqq. ff. de publ. in rem act.*) ita nec nisi per possessionem transit, cum qua semel fuit conjunctum *L. per procuratorem 8. Cod. de acquirend. possess.* quodsi autem sola possessio quoquo modo translata sit absque dominio, puta, si id penes solventem non fuerit, adeòque nec poterit ab eo transferri. arg. *L. nemo plus. ff. de R.J.* possessio quoque sola sine dominio condicetur. text. in *L. indebiti. 15. §. 1. ff. h. t.* hac enim ratione fiet ex utràque parte, ut neque abfuturum sit quidquam ei, qui solvit, cùm nihil transtulerit, nisi possessionem, quam recuperat, neque cum aliena jactura locupletetur is, qui accepit, cùm possessionem, quam solam acquisivit, ipsi solventi restituat, nil consequenter ex ea solutione indebitè facta retenturus. Alterum ad conditionem indebiti requisitum est, ut sit indebitum, quod fuit solutum. nam si verum debitum naturale
- 3

rale & civile fuerit, repeti nequit, tum quòd idipsum solvatur hoc animo, ne rursus repetatur. *L. qui sic. 55. ff. de solution.* ac proinde si debitum est, non possit adversus voluntatem & pactionem ejus repeti, scilicet ob exceptionem inde à solvente obijciendam. *L. juris gentium. §. sed cum nulla. ff. de pact.* tum etiam quòd, qui debitum solvit, esto maximè solvat ex causa præterita, tamen ex parte det ob causam futuram, ut videlicet sequatur liberatio, dat enim sui liberandi causa. text. & Interpp. in princ. *Inst. quibus mod. tollat. obligat.* consequenter certi juris est, id quod ob causam futuram honestam solvitur, si ea defacto subsecuta sit, repeti nequaquam posse. *L. 1. ff. de condict. caus. dat.* ut nihil dicam, si tali creditori competat actio ad exigendum, multò magis ei dandam exceptionem ad retinendum. *L. invitus. 156. §. 1. ff. de R. J.*

ASSERTIO VII.

SUMMARIA.

1. *Indebiti duo sunt genera, alterum ex re ipsa, alterum ex personis dantis vel accipientis æstimandum. prioris dua rursus species proponuntur.*
2. *Maritus ultra quàm facere possit, defacto dotem persolvens non habet repetitionem.*
3. *Sicut & filius familias exceptione Scti Macedoniani tutus pecuniam sibi creditam defacto solvens nequit repetere.*

Sunt autem indebiti genera duo, alterum ex re ipsa æstimandum, alterum verò ex ipsis personis dantis vel accipientis solutionem; indebiti ex re ipsa duæ rursus sunt species, prior, cum quid omnino non debetur, puta, si aut promissum omnino non sit, vel promissum fuerit inutiliter, puta, si vel justus deficiat consensus, vel ex fine introductæ obligationis, vel ratione rei in obligationem deductæ, vel ex parte personæ contrahentis defectus aliquis intervenerit, vel denique sub condi-

tione propriè dicta fuerit promissum. *L. cedere diem. 213. ff. de verb. signif.* Posterior species indebiti ex re æstimanda est, cum quid jure civili debetur, sed per exceptionem perpetuam, & in favorem debitoris comparatam infirmatur. *L. si in sortem. 26. §. indebitum. & L. qui exceptionem. 40. ff. b. t.* quo casu ex vulgata juris regula receptum est, nihil interesse, actionem ipso jure quis non habeat, an ea per exceptionem infirmetur. *L. nil interest. 120. ff. de R. J.* Duo igitur requisita ad repetendum ejusmodi indebitum sunt necessaria. primò ut exceptio sit perpetua, deinde ut non in odium creditoris, sed in favorem debitoris sit comparata. Perpetuæ exceptiones sunt doli mali, quod metus causâ, jurisjurandi, rei judicatæ, & pacti conventi de pecunia nunquam repetenda. §. *perpetuæ. Inst. de except.* Temporales verò & dilatoriz exceptiones, veluti competentiz, pacti temporalis repetitioni locum non faciunt. *L. in diem. 10. ff. b. t. & d. L. cedere diem. ff. de verb. signif.* Unde si maritus ultra quam facere possit, defacto dotem persolverit, non magis eam repetet. *L. unic. §. cum autem. Cod. de rei uxor. act.* quàm si debitum initio in diem certum contractum postea ante diem solvatur. dict. *L. in diem. ff. b. t.* quia debiti in diem certum contracti obligatio non modò naturalis, verùm etiam civilis statim nata est, cum dies non soleat adjiungi ad nativitatem obligationis suspendendam, sed tantum ad differendum effectum actionis. cit. *L. cedere diem. & L. centesimus. 46. in princ. Inst. de V. O.* Præter jam explicatam exceptionis perpetuitatem ad conditionem indebiti etiam requiritur, ut in favorem solventis sit inducta, qualis est exceptio SCti Velleiani, secus verò, si in odium creditoris fuerit comparata. dict. *L. qui exceptionem. 40. ff. b. t.* quemadmodum fit in exceptione SCti Macedoniani. neque enim filiusfamilias ullo favore digni sunt, qui pecunias profundunt, & vitæ insidiantur paternæ, ut pecunias sibi comparent. ac proinde jam dicta exceptio in odium, ac poenam fœneratorum est introducta, sapè materiam peccati-

peccandi, inquit Ictus in *L. 1. ff. ad Scutum Macedon. malis moribus præstant.* iisque seu ad luxuriam seu ad aleam, vel quancunque prodigalitatis, & insanix juvenilis speciem ex mala naturæ suæ inclinatione jam aliàs propensis occasionem impiè præbent, hinc si filiusfamilias exceptione ScTi Macedoniani tutus pecuniam sibi creditam defacto solvit, nequaquam eam repetet. dict. *L. qui exceptionem. ff. h. t.* præsertim quòd in solutione jam facta deficiat ratio ScTi Macedoniani, nec filius amplius habeat occasionem insidiandi vitæ paternæ ad comparandam pecuniam, ut se ab ejus actionis molestijs, & incommodis possit liberare, à qua scilicet per factam solutionem jam antea liberatus fuit.

ASSERTIO VIII.

SUMMARIA.

1. Non tantum indebitum est, quod omnino non debetur, sed & quod alij debetur, si alij solvatur.
2. An verò, quod alius debebat, alius, quasi ipse debeat, solvens repetitionem habeat, dubium est, & hac de re dissidentia in spectum JCtorum responsa afferuntur.
3. Sequitur conciliatio *L. 19. §. 1. ff. h. t. cum L. 44. ff. eod.*
4. Possessor hereditatis bona fide creditoribus hereditarijs solvens hereditate evicta nil repetit à creditoribus.
5. Sed an eo casu possessor hereditatis in dubio potius hereditario nomine, quam proprio solverit, alia est opinio Bartoli, alia Accursij, quatenus utraque improbat.
6. Rejicitur monitio Ant. Fabri in *L. si quid possessor. ff. de petit. hered. si simpliciter sumatur.*

ET hucusque de indebito ex re ipsa duobus modis æstimando, quando videlicet revera vel saltem in effectu nullum debitum fuit, quod paulò aliter atque alijs exemplis & alijs explicat vel implicat Andr. Clud. *cit. tract. de condict. indeb. cap. 2. n. 5. n. 15. & n. 43.* quia verò non est necesse ad conditionem inde-

biti, ut nullum à parte rei debitum subfuerit, sed hoc ipsum sufficiat, ut vel ipse solvens omnino non debuerit, vel saltem non debuerit ei, qui solutionem accepit; sequitur nunc de indebito ex personis dantis & accipientis solutionem æstimando, nam *indebitum est*, inquit JCTus in *L. in Summa. 65. §. fin. ff. b. t. non tantum quod omnino non debetur* (id est, quod nec ab ipso solvente, nec ab ullo alio debitum est) sed quod alij debetur, si alij solvatur, aut si id, quod alius debebat, alius, quasi ipse debeat, solverit. Cujus responsi prior pars, si videlicet verum debitum putativo creditori v. g. ei solvatur, qui veri creditoris hæres, aut procurator esse creditur, propterea difficultatem non habet, quia, cum ei nulla fuerit quæsitæ obligatio, consequenter nulla etiam competat ad retinendam solutionem defensio.

2 At circa posteriorem partem difficultatem faciunt dissidentia in speciem JCTorum responsa, & quidem, licet iisdem quasi verbis, sensu tamen directè contrario concepta, ecce Pomponius JCTus respondet in *L. 19. §. 1. ff. b. t. quamvis debitum sibi quis recipiat, tamen si is, qui dat, non debitum dedit, repetitio competit. ex adverso Paulus JCTus hoc ipsum iisdem quasi verbis in L. 44. ff. b. t. differtè negat, repetitio nulla est*, inquit, ab eo, qui suum, id est, sibi debitum, recepit, *tametsi ab alio, quam à vero debitore solutum est*. Et de hac apparenti antinomia inter duos præclaros JCTos Stellam, & Zasium magna quidem extat contentio proluxa utriusque disputatione publicata, sed meo judicio non difficilis est conciliatio, ut dicatur multum interesse, an quis suo nomine solvit, quod alius debet, an alieno, id est, ipsius debitoris nomine, priore casu, sive si proprio suo nomine solvit, sicuti verum debitorem non liberat, ita soluti, tanquam suo nomine indebiti habet conditionem. *L. siquid possessor. 31. ff. de petit. hered. L. cum quis. 38. §. de peculio. ff. de solut.* in posteriori verò casu, sive si alieno nomine solutionem præstitit, tunc & liberat debitorem etiam invitum, nedum ignorantem. *L. solvendo. 39. ff. b. t. L. solutionem. 23. ff. de solution.*

solutio. & sibi conditionem seu repetitionem nullam acquirat. *d. L. repetitio. ff. h. t.* Sed potius actionem negotiorum gestorum contra eum, quem sua solutione liberavit, esto quoque ejus liberandi animum non habuerit. *L. qui utiliter. 45. §. 2. ff. de negot. gest.* Et hoc sensu in *L. de hereditate. §. Cod. de petit. hered.* rectè statutum est, possessorem hereditatis, qui bona fide creditoribus hereditariis solvit, ea postmodum hereditate evicta ideo nil posse à creditoribus repetere, *quia suum receperunt.* Quemadmodum Gloss. cum Bart. & alijs in *d. L. si pœna. 19. §. 1. ff. h. t.* rectè interpretata est. Nec tamen probare possum, quod Bart. ibidem addit, possessorem hereditatis videri in dubio potius hereditario nomine, quam suo proprio solvisse, puto enim hanc præsumptionem juri & rationi contrariam esse in *d. L. si pœna. 19. §. 1. ff. d. t.* & *L. cum quis. 38. §. de peculio. ff. de solut. Licet pro se,* verba sunt Ulp. in *L. filius familias. ff. de in rem vers. videatur solvisse.* & *L. si à patre. §. Cod. h. t.* adeò quidem, ut nec probanda sit limitatio Accursii existimantis censerì possessorem nomine heredis solvisse, si solverit post litem contestatam, aut saltem post motam controversiam, nam qui non erubescit litigare cum vero herede, ac de jure hereditatis cum eo contendere, cur potius veri heredis nomine, quam suoolvere præsumatur, sed utroque casu in dubio præsumendum est suo nomine solvisse, esto etiam sciverit, debitum esse hereditarium, cum se heredem esse putet, & consequenter ad se proprio nomine solvendi necessitatem pertinere: neque enim quòd solvit pecuniam quasi hereditariam, & à se quasi herede debitam facere potest, ut videatur eamolvere nomine hereditario, quia sicuti hereditas post additionem nulla est, veluti facta jam patrimonium heredis, ita & quisquis bona fide adiit hereditatem alienam, cum eam putet ad se pertinere, utique debitum suum & proprium esse existimat, quod tamen à parte rei est hereditarium. Quin imò nec puto simpliciter & indistinctè verum esse, quod subtilis Ant. Faber. in *d. L. si quid*

possessor. ff. de petit. hæred. monet, quasi post litem contestatam possessor, cum habeat justam causam dubitandi de jure suo, multò prudentius faciat, si non suo, sed hæreditario nomine solvat, ut exoneret hæreditatem, & consequenter cum liberet, qui per judicis sententiam verus hæres declarabitur, cum tamen juxta paulò ante tradita sibi hoc modo adimat conditionem indebiti, quam ex duplici capite utilius instituere potest, quòd videlicet accipiens solutionem indebitam non modò potest esse magis solvendo, sed etiam facilioris forsan conventionis, quàm sit is, ad quem hæreditas verè & à parte rei pertinet.

ASSERTIO IX.

SUMMARIA.

1. Ponitur tertium ad conditionem indebiti requisitum.
2. Eriam qui dubitans indebitum solvit, soluti habet repetitionem.
3. Explicatur, quid sit error juris, & error facti.
4. Rejicitur RR. Sententiâ rectius cum veteribus statuitur, juris errorem ad soluti repetitionem sufficere, modo nulla antè subsuerit obligatio.
5. Quod præter juris textus etiam ratione stabilitur.

Tertium ad causam repetendi soluti requisitum est, ut indebitum solutum sit per errorem, nam *cujus per errorem dati*, inquit JCtus in *L. 53. ff. de R. J.* repetitio est, ejus consultò *dati est donatio*. Et meritò, quoniam sicuti is, qui ignorans indebitum solvit, non facit ex vera, sed quod in idem recidit, saltem ex putativa necessitate, adeoque animum donandi, seu liberalitatem, quæ cum necessitate non consistit, exercendi non habet, *L. rem legatam. ff. de adimend. legat.* ita is, qui sciens se non debere, ac proinde nulla necessitate ad solvendum cogi, & nihilominus dat, hoc ipso donare, & meram liberalitatem conferre intelligitur. *L. donari. 82. ff. de R. J.* adeoque nullam habet repetitionem, aperta ejus voluntate refragante. *L. cum nullam. & L. seqq. Cod. de condic. ob caus. dat.* Adeo quidem, ut etiam,

etiam, qui dubitans indebitum solvit, non rectè idipsum o-
lim repetierit; et si enim ita dubitans non hoc ipso errare dicen-
dus sit, cum (quod tamen ad verum errorem requiritur) non
pro certo sibi persuadeat debitum esse, ideòque Veteres JCi
voluerint indebitum ab eo solutum repeti non posse, quasi vi-
delicet dubitationem ipsa solutione defacto subsecuta transu-
lisse & quodammodo transegisse videretur, cum transactio sit
de re dubia, adeòque etiam de solutione rei dubiæ facta. E-
nimverò hoc Veterum argumento non obstante Justinianus
Imp. in *L. fin. Cod. h. t.* quæ est una ex 50. decisionibus, statuit,
sive quis dubitans, seu errans, indebitum solvat, indistinctè
posse solutum repeti, eò quòd sive quis dubitet, seu erret, cer-
tum sit, eum non habuisse animum donandi, nec posse in eo
præsumi transactionem, cum totum id solverit, quod pete-
batur, nulla autem potest esse transactio, ubi totum solvitur,
quod debetur aut petitur, sed cum actor ita accipit, ut partem
ejus remittat, quod petitur, vel ita remittit totum, ut aliud
quid ejus vice recipiat. *L. transactio. 32. Cod. de transact.* Qua-
lis verò debeat esse error, ut conditionem soluti indebiti pa-
riat, valde controversum est. Est error alius juris, alius facti, ille,
cum jus ignoratur, ut si hæres sibi beneficium Falcidiz compe-
tere ignarus integra solvat legata. *L. error. 9. L. ult. Cod. ad L. Falcid.* facti error est, cum factum nescitur, veluti si quis solvat
integra legata, putans hæreditatem sufficere. text. & DD. in *L. 1. ff. de jur. & fact. ignorant.* Clud. tract. de condic. indeb. Cap. 1.
n. 12. & quidem inter RR. Interpp. plerique negant cum Jaco-
bo Wifenbach *ad pandect. lib. 22. disput. 43. thes. 41.* & Lautter-
bach. *ad pandect. lib. 2. tit. 6. thes. 19.* cit. Clud. *n. 17. & seqq.*
juris errorem, seu ignorantiam ad soluti repetitionem sufficere.
arg. *L. cum quis. Cod. de jur. & fact. ignorant.* Verùm contra-
riam sententiam veteres unanimi voto rectius amplexi sunt,
modo nulla antè subfuerit obligatio, ac proinde quod solveba-
tur, omni jure fuerit indebitum, puta exempli causâ, si ex plu-
ribus

ribus hæredibus unus solidum debitum per errorem juris sol-
verit, cùm tamen ultra quotam suam nullo modo obligaretur,
aut si parens vel dominus ultra peculium ipsum pro filio, vel
servo errore juris præstiterit, vel denique, si quis rem jam legi-
timè præscriptam ex juris ignorantia priori domino restituere-
rit; pro qua sententia præter Ulp. responsum in *L. 1. ff. ut in pos-
sess. legat.* ubi aperte cavetur, satisfationem per juris errorem
indebitè præstitam benignè condici posse, stringit etiam text.
in *L. si post divisionem. 3. Cod. de jur. & fact. ignorant.* ibi: *Osten-
de igitur testamentum bona fide veri deficere, vel juris ratione
stare non posse.* Ecce juris error in casu ibidem proposito igno-
rantie facti æquiparatur, quod ipsum in specie Papinianus cla-
rissimè decedit in *L. si in testamento. §. 1. & vers. quasi dico. ff. de
fidejuss.* ibi: *habebit quidem pro decem, quæ ipso jure non debuit,
conditionem.* Esto id negat Gloss. à DD. communiter & re-
ctè improbata, sicuti testantur ibidem: Castrensis, Bart. Bald.
& reliqui Interpp. Classici. Accedit, quòd ratio conditionis
ex æquo & bono dari solita, ne videlicet, quòd alterius sit, apud
alterum sine causa remaneat. *L. hac conditio. 66. ff. b. t.* in pro-
posito locum habeat, neque enim, quòd ego solvendo in ju-
re erraverim, hoc justam tibi retinendi causam ullò modò præ-
bere potest, indeque omnes leges conditionem indebiti dene-
gantes qualemcunque saltem obligationem supponant, sicuti
videre in *L. error. & L. fin. Cod. de L. Falcid. L. 2. Cod. de fideicommiss.*
& L. fideicommissum. Cod. b. t. neque solutum per errorem juris aliter
prohibetur repeti, quàm si subsit justa aliqua ratio, ob quam re-
petitio inhibeat. Matth. Wesenb. in *paratl. ff. b. t.* August.
Berous. *vol. 1. Cons. 56. n. 20.* ubi hanc opinionem verissimam
esse affirmat. Modest. Pistor. *Consil. 5. n. 6.* Licet ex adverso eam
esse manifestum errorem nostra ætate primùm notatum ab
Æquin. Barone, asserat cum multis aliis Doctissimus Donell.
lib. 4. Comment. jur. Civil. Cap. 14. Qui tamen nec ipse Duaren-
nus *ad b. t.* nec etiam Cujacius *lib. 19. quæst. Papiani,* nec Ju-
lius

lius Pacius Centur. 4. assert. 6. cum aliis dissentientibus paulò ante præmissa Achillea argumenta attingunt, necdum solvere conantur.

ASSERTIO X.

SUMMARIA.

1. Proponitur facti species quadam super text. in L. cum quis. 10. Cod. de jur. & fact. ignorant.
2. 3. Denegatur in primis in hac facti specie repetitio per allatos quosdam textus, sed male.
4. Confirmatur sententia nostra.
5. Ostenditur captiosam esse Neotericorum hac in re dissentientium responsionem.
6. Explicatur text. in L. 19. §. 1. ff. mandat.

A Ntequam ab hac difficultate pedem removeo, in gratiam juniorum tex. in L. cum quis. 10. Cod. de jur. & fact. ignorant. plenius excutio. Sciùs pater conventus ex contractu sui filij peculiotenus per imprudentiam seu errore juris solvit plus, quàm esset in peculio, quæritur an excessum possit revocare hac conditione? Negabis in primis per text. in d. L. 10. Cod. 2. cit. tit. ubi palam dicitur, quòd jus ignorans & indebitè solvens non habeat repetitionem, cessat repetitio, per ignorantiam enim facti tantum repetitionem indebiti soluti competere tibi notum est. Deinde nunquid textus est pro te apertus in L. si is. 21. ff. b. t. Si is, cum quo de peculio actum est, per imprudentiam plus, quàm in peculio est, solverit, repetere non potest. Suum scilicet, ut Anton. Faber in d. L. 21. ff. b. t. argumentatur, recipit hoc casu creditor, cui solidum à patre (idem est de Domino respectu servi) solvitur, & consequenter indebiti conditione teneri non potest ex regula L. repetitio. 44. ff. b. t. ubi satis clarè statuitur, repetitionem nullam esse ab eo, qui suum recepit, tametsi ab alio, quàm vero debitore solutum sit. Et cum Ulp. præfato

loco loquitur de eo, qui solvit, cum esset conventus actione de peculio, importunum videtur & impertinens, credere factam esse alio nomine seu filij, cum pater suo nomine fuerit conventus. Ut taceam, in dubio præsumendum esse, quemlibet suo nomine potius, quam alieno solvere. *L. 4. L. 97. ff. de solut.* Ita quidem communis, sed male, cum enim iniquum sit, per eos, quos in potestate habemus, fieri conditionem nostram deteriorem, ultra id, quod à nobis habent in peculium *L. 1. Cod. ne filius pro patr.* nec ipsi, qui cum filijs contrahunt, aliud intueantur, quam peculium, quod habent, tanquam proprium ipsorum patrimonium à rationibus Dominicis separatum *L. 5. §. ult. L. 19. ff. d. t.* atque sic pater ultra peculium non teneatur, consequenter quoad excessum solum nulla subit obligatio, arg. *L. 1. §. fin. ff. de pecun. constitut.* ex principio paulò ante tradito hoc casu repetitionem habet ex æquo & bono, ex quo hæc conditio unice descendit. *L. 66. ff. h. t.* nec potest de iniquitate excipere, cui quid solum est, quamvis per ignorantiam juris, quod ipsi nullo modo debetur. Arnold. Vin. *ad §. 6. n. 3. Inst. de obligat. quæ ex quasi contract.* Meliusque est favere repetitioni, quam adventitio lucro per *L. non debet. 41. §. 1. ff. de R. J.* Udalric. Zasius *ad rubr. h. t. n. 5.* Paul. Christinæ. *vol. 4. decis. 8. n. 3.* Movet me in super, & non parum, quod traditur in *L. 8. ff. de jur. & fact. ignorant.* scilicet nemini in damnis amittendæ rei suæ ignorantiam juris nocere, ex quo perspicue evincere mihi videor, etiam id, quod per errorem juris indebitè solum est, condici posse: nam si hoc negamus, illud fateamur necesse est, errorem juris etiam in amittenda re sua cuique nocere contra *d. L. 8. ff. cit. tit.* neque video, quid ad hoc sine cavillatione responderi possit. Et profectò illa Neotericorum cum Jacob. Wisenbach. dissentientium responsio captiosa est, quod condicens non laboret de re amittenda, sed amissa: Si enim per errorem juris solvens ita rem suam amittat, ut nullam habeat repetitionem, utique juris error in damno amittendæ rei

rei

rei suae ei nocet: neque verò de tempore conditionis instituendae, sed factae solutionis quaeritur: negatque Papinianus JCtus, errantem in jure rem suam amittere, videlicet sic, ut eam nunquam possit repetere; & quod ibidem dicitur, ignorantiam juris suum petentibus non nocere, id ad omnes pertinet de damno vitando laborantes. Neque refragatur his conclusis 6 tex. in L. 19. §. 1. ff. mandat. Nam illic proponitur species, ubi duo de damno vitando agunt, debitor, qui exceptione perpetua se tueri poterat, & fidejussor, qui, cum id non ignoraret, nihilominus tamen solvit, negaturque hoc casu fidejussori dari actionem mandati, de conditione verò ibidem nullum habetur verbum. Quod verò dicitur, juris ignorantiam nocere L. 9. ff. de jur. & fact. ignorant. sic accipiendum est, non prodesse, lucro non afficere, cæterum nec damno.

A S S E R T I O XI.

S U M M A R I A.

1. Satisfit contraria sententia argumentis.
2. Explicatur textus L. repetitio. 44. ff. h. t.
3. Statuuntur quaedam regulae circa conditionem indebiti observanda in ordine ad errorem juris vel facti.
4. Si haeres integra legata ex testamento minus solenni vel fideicommissum errore facti solverit, repetet. Sed an solo jure civili, vel etiam jure naturae & gentium? controversum est. Negativa latius probatur.
5. Verum rejicitur tandem, & dissolvuntur illius argumenta.

VT nunc oppositis satisfaciam, non equidem ideo, quod error juris intercedat, mihi denegatur repetitio, sed quòd simul, uti jam insinuatù, naturalis, qualis qualis interveniat obligatio, justam facit retentionem, atque ad hujusmodi aut similes casus accomodandi sunt omnes loci Codicis, & Digestorum, in quibus fortè aut errori juris denegatur repetitio, aut errori facti

- facti tantum tribuitur, ut in memorata *L. 10. Cod. de jur. & fact. ignorant.* Atque ita etiam textus in *L. 11. ff. b. t. commo-*
dè intelligi potest, de eo casu, quo Pater vel Dominus solvit no-
mine ipsius filij vel servi, ut enim pater ex constituto per erro-
rem juris suo nomine in solidum facto tantum quoad peculij
vires obligatur d. L. 1. §. fin. ff. de constit. pecun. ibi: Et ideo &
pater & dominus de peculio obstricti si constituerint, tenebuntur
usque ad eam quantitatem, quæ tunc fuit in peculio, cum constitue-
batur, ceterum si plus suo nomine constituit, non tenebitur in id,
quod plus est, ita quoque ultra ejus quantitatem per errorem
solutum repetere potest, si suo nomine solvit, non filij nomine.
L. 2. ff. d. t. Clud. tract. de condict. indeb. Cap. 1. n. 39. & seqq.
- 2 Quod verò attinet textum oppositum in *L. repetitio. 44. ff. b. t.*
 fatetur ipse Anton. Faber sibi quasi contrarius ibidem, multum
 interesse, an quis suo nomine solvat, quasi ipse debeat, quod ali-
 cui debet, an verò alieno nomine illius scilicet, qui verus debi-
 tor est, ita ut priori casu repetitio sit per conditionem inde-
 biti, quia indebitum est, non tantum, quod omnino non debetur,
 sed & quod alij debetur, si alij solvatur, aut si id, quod alius
 debebat, alius quasi ipse debeat, solvat. *L. in summa. 6 §. §. fin. ff. b. t.*
non verò posteriori casu sit repetitio, quò facit text. in L. de
hereditate. 5. Cod. de petit. herod. L. si quid possessor. 31. in princ. ff.
- 3 *ead.* Intuitu horum summam hujus rei complector, & sequen-
 tes regulas statuo. Prima si nulla prorsus subest obligatio, so-
 lutio facta ex indebito naturali & civili simul repetitur, sive re-
 petitionem parit, nulla habita differentiâ, an errore juris vel fa-
 cti solutum sit. Secunda aut solutio facta est ex præcedente
 aliqua obligatione naturali verâ, & efficaci, ut oritur ex pacto
 nudo, & rursus non distinguitur inter errorem juris, vel facti,
 quia utroque casu probabilius cessat repetitio. Tertia regula,
 si ex parte solventis subest aliqua obligatio, non quidem natu-
 ralis efficax & strictè sumpta seu plena, qualis oritur ex pacto
 nudo, sed naturalis qualiscunque minus plena, seu honestatis
 po-

potius, & in ordine ad repetitionem distinguitur, an errore juris solutum sit, vel facti, ut in primo casu negetur repetitio, non in posteriori, propterea si hæres integra legata ex testamento minùs solenni, vel fideicommissum errore juris solverit, nihil repetet; si verò errore facti, repetet, & hoc dicitur explorati juris esse *L. 7. Cod. h. t.* sed hæc repetitio, si scilicet errore facti solutio talis præstita est, procedetne solo jure civili, veletiam jure naturæ, & gentium, adeoque in foro conscientiarum? negat Jacob. Wisenbach ibidem præter morem conscientiosus hac apodixi: Qui naturaliter & jure gentium aliquid præstare obligatus est, si errore & perperam solverit, id repetere nequit *L. 16. §. naturales. 4. ff. de fideicommiss. L. 10. ff. de O. & A. L. quia. ff. ad Scrum. Macedon.* atqui legatum testamento imperfecto relictum hæres naturaliter & jure gentium præstare obligatus est, ergo. Probat minorem, quia septem testium solennitas ex mero jure civili descendit: ex ratione autem juris gentium tres aut duo saltem testes probandæ testatoris voluntati sufficiunt. *L. ubi numerus. 12. ff. de testib. cap. cum esses. extra de testament.* Et naturaliter hinc obligationem nasci, videntur probare textus in *L. 2. Cod. de fideicommiss. L. in testamento. 38. ff. de fideicommiss. libert. L. si sponsus 5. §. si quis rogatus. 15. ff. de donat. inter vir. & uxor.* facit, quod cum incertis personis subtilitate juris inutiliter legetur, solutum tamen repeti non possit *§. cum incertis. 25. inst. de legat. & in specie L. 5. Cod. de religios. & sumptib. funer.* ad conscientiam provocat Imperator Alexander verbis: *Militis voluntatem, quam circa monumentum sibi faciendum testamento expressit, & pater & mater ejus hæredes negligere non debent, nam etsi delatio hoc nomine præteritis constitutionibus amota est: invidiam tamen & conscientiam circa omissum supremum ejusmodi officium & contemptum judicium defuncti evitare non possunt.* Insuper facit, quod cum quinque tantum testibus adhibitis testamentum sit nullum. *L. si unus. 12. Cod. de testament.* obligatur tamen hæ-

res civiliter clausulâ codicillari adjecta, quæ hoc tantum habet momenti, ut arguat, hanc fuisse voluntatem defuncti. Præclare Plinius 4. *epistol.* 10. & 5. *epist.* 7. *Bonis*, inquit, *hæredibus satis est nosse voluntatem defuncti, quamvis jure destituatur.*

- 5 Verum enim verò satisfacies hisce oppositis inprimis si distinguas inter obligationem naturalem plenam, & minus plenam seu honestatis cum Clariss. D. Ignatio Rath *ad tit. de obligat. n.* 24. & *segg.* deinde si assumas illud principium contra cit. Witsenbach. *ad pandect. lib. 1. disput. 4. th. 16.* atque dicas, etiam leges civiles, quatenus sunt justæ in foro externo, non penales, vel in præsumptione fundatæ obligare seu procedere in conscientia. S. Th. in 1. 2. q. 96. art. 4. & rursus 2. 2. q. 104. art. 1. tandem verò cogites, Alexandrum Imper. ad conscientiam respexisse latius sumptam, etiam gentilibus non incognitam.

ASSERTIO XII.

SUMMARIA.

1. *An, qui duas res alternativè debebat, per errorem verò solvit utramque, conditione instituta repetendæ rei liberam habeat electionem?*
2. *Afferantur diversæ JCtorum sententiæ.*
3. *In quo conflictu Justinianus illi dat recipiendi electionem, qui & damni habuit.*
4. *Non videtur licere Judicibus, Præsidentibus, & Cancellariis negligere majora, ut ajunt, veta, & sequi saniora & minora.*

- 1 **I**llam adhuc proponit veterum JCtorum controversiam Imperator Justinianus in *L. penult. Cod. h. t.* si quis duas res alternativè debebat, veluti Pamphilum aut decem, per errorem verò solverit utrumque existimans se debere conjunctim, qui sub disjunctione debebat, an conditione instituta sicuti antè solvendæ, sic etiam repetendæ liberam habeat electionem? Ulpianus, Marcellus, & Celsus JCti creditori accipienti solutionem

nem eligendi concedunt arbitrium, utram rem reddere velit, an Pamphilum solutum, vel solutos decem, quasi jam debitor existat, & reus in conditione indebiti *L. si non sortem. 26. §. penult. in fin. vers. quamvis. ff. de condict. indeb.* Papinianus verò Jctus sublimissimus, & de quo dicitur: *Papinianus vincit singulos, cedit duobus*, contra & Julianus solventi integram relinquunt repetitionis electionem *L. cum is. 32. in prin. §. ult. ff. h. t.* ubi scriptum est, cum is, qui Stichum aut Pamphilum debet, utrumque simul solvit, & postea alter perierit, alterum non posse repeti, quia qui superest, in soluto remaneat. Nempe si uterque extaret, dari alterius repetitionem solventi, sensit Julianus. *in d. L. 32. §. ult. ff. h. t.* idem Julianus, cum is, qui Stichum aut Pamphilum debebat, vel hominem generaliter, solvit Stichum per errorem, existimans sese eum omnino dare debere, respondit posse condicere Stichum, & alium hominem dando liberari. Justinianus in hoc consuetu insuper habita 3 ratione, quòd ibi starent tres numero Jcti, duorum Juliani scilicet & Papiniani sententiam confirmavit, *ut ille habeat recipiendi electionem, qui & dandi habuit*, & videtur pro hac opinione fortior stare ratio juris, cum enim promissor electionem habeat in solvendo, eandem etiam habebit in condicendo, quandoquidem condictio indebiti resolvat solutionem, & reducat rem in pristinum statum; reddità verò pristina causa electio utique erat debitoris, nam indebitum non tantum solvit, qui nihil debuit, sed etiam qui minus debuit, quam solvit, solvit verò hoc in casu promissor plus dupliciter, & re, quia utrumque solvit, & causà, quia non est usus electione sibi competente, sed imò eam solvendo amiserat, cui consequens est, per conditionem debere plus illud eum recipere. Andr. Clud. cap. 3. n. 64. & seqq. Cæterum an argumento hujus decisionis, 4 ubi Imperator in dirimenda hac veterum Prudentum contentione non numeravit auctores & vota, vel suffragia, sed ponderavit, etiam permittatur Judicibus, Presidentibus, & Cancellarijs

rijs negligere majora, ut loquimur, vota, & sequi saniora, & minora, equidem non dixerim, utut enim melius cum rebus humanis ageretur, si ponderarentur sententiæ, non numerarentur arg. *L. 1. §. 6. vers. sed neque ex multitudine. Cod. de veter. jur. enucleand.* pertinet tamen ad Sctus auctoritatem, ut quæ numero vincit sententia, eadem rationis quoque pondere superior existimetur. *L. quod maior. 19. ff. ad municip. L. aliud est. 160. §. 1. ff. de R. J. L. nominationum 46. Cod. de decurionib.* ne alioquin, quod longè est acerbius, dissidia oriantur inter unius Consistorij Collegas & Consiliarios, si de singulorum dignitate & eruditione æquè, ac de litigantium jure disceptari oporteat, *nam qui volet ingenio cedere, rarus erit* apud Martialem, maximè propter naturalem hominum ad dissentiendum facilitatem. *L. 17. §. 6. ff. de recept. arb. de quare alibi.*

A S S E R T I O XIII.

S U M M A R I A.

1. Solutum ex ijs causis, quæ per inficiationem duplicantur, non condicuntur.
2. Assignatur ratio dictæ exceptionis.
3. Quod si tamen reus ex simili causa conventus non simpliciter modo, sed duplum solvisses, probabiliter totum posset repetere.
4. Quamvis hoc aliqui negent quoad causas pias, & concludant generaliter ad has causas ex errore solutum repeti non posse.
5. Exponitur text. *L. inde Neratius. 23. §. fin. ff. ad L. Aquil.*

1. Cæterum jam dicta regula indebiti, quod per errorem solutum fuerit, repetendi potissima hac exceptione limitatur, prodita in iis causis, quæ per inficiationem duplicantur. §. *fin. inst. de oblig. quæ ex quas. contract. nasc.* quemadmodum in primis accidit in actione Legis Aquiliæ, jam *d. §. fin. & L. 4. Cod. ad L. Aquil.* præterea in actione depositi miserabilis seu in quatuor casibus. *L. 1. ff. depositi*, & denique in actione legatorum

rum ad pias causas, five interim per damnationem relinquuntur, seu etiam quocunque alio modo, posteaquam scilicet hodie omnia legata ex constitutione Justiniani eandem naturam acceperunt, imò & fideicommissis sunt exæquata, atque ideo quod jam de legatis piis dictum, id etiam procedat in fideicommissis ad pias causas relictis. text. & interpp. in *L. 1. §. seqq. Cod. comm. de legat.* Ratio jam dictæ exceptionis est, quòd præterquam, si & in hisce causis per inficiationem in duplum crescentibus conditio indebiti locum haberet, facili negotio fraus fieret legis Aquiliæ, sicuti rectè advertit Duaren. *ad h. t. cap. 11.* Ita dico, quòd in jam dictis causis potiùs de dubio litis eventu (qui videlicet ob inficiationem rei conventi in duplum crescere potest) transactum, quàm indebitum solutum videatur. *L. 4. Cod. h. t.* quòd verò ex causa transactionis solvitur, esto antea fuerit indebitum, ideo tamen repeti nequit, quòd ipsa transactio sola & per se sit justa, ac sufficiens, & ut ita loquar, debitionis seu obligationis causa, *quoniam si lis fuerit*, verba sunt Jcti in *L. infumma. 65. §. 2. ff. h. t. hoc ipsum, quòd à lite disceditur causa videtur esse.* Quemadmodum ergò, quòd transactionis causa datur, non tam solvitur veluti jam antè debitum, seu ob causam præteritam, quàm potiùs ob futuram, nempe ut à lite discedatur, adeoque causam hanc, seu litis suspensionem postea scilicet sequi sufficiat, ita quoque in causis per inficiationem in duplum crescentibus, is, qui simplum solvit, ideo solvere videtur, ne forsan propter inficiationem, & dubium litis eventum in dupli condemnationem incidat, adeoque quasi transigendo per ipsius pretii solutionem periculum dupli redimere, cui & propterea minor injuria fieri censetur, quòd in potestate ejus sit, non confiteri, ut nec poenam inficiationis metuere debeat, potest enim neque confiteri neque negare, sed respondere se ignorare, & paratum esse solvere, si probetur à se deberi: quin & solvere potest sub hac expressa lege, ut si appareat esse indebitum, reddatur, quo pacto interveniente etiam

in jam dictis causis ob expressum contractum negotium repetitio soluti locum habet in *L. 2. ff. b. t.* Quin imò, quod plus est, probabiliter dici potest, quòd si ex *L. Aquilia* vel ex legato pio, aut deposito miserabili reus conventus non simpliciter modò, sed duplum solvisset; totum posse repeti, quia scilicet jam toto isto soluto (ultra quod litis aestimatio crescere non potuisset) præsumptio transactionis deficiat, nec conveniat textus in *d. §. fin.* & in *L. 4. Cod. ad L. Aquil.* utpote satis duos, & juri contrarios extendi, maxime in Ecclesia, quæ est cultrix & auctrix justitiæ, nec debet cum aliena jactura locupletari *cap. etsi clientulus. de alien. feud. feud. 2.* licet interim ex adverso quoad pias causas non parum stringat, quòd ab avia vel matre ratione neptis vel filia pro dote indebitè datum non possit repeti ex ea ratione, quia pietatis causa solutionem inhibeat. text. in *L. 32. §. 2. ff. b. t.* quæ ratio ibidem à JCto allegata cum satis generalis, & favorabilis sit, nonnulli concludunt, quòd pauperibus, Ecclesiis, & generaliter ad pias causas ex errore solutum repeti non possit.

5 Henr. Han. *ad b. tit. n. 7.* Nec refragatur text. in *L. inde Nera-tur. 23. §. fin. ff. ad L. Aquil.* ubi cavetur, quòd si quis actione Legis Aquiliae conventus falsò confessus sit, se damnum dedisse, & ejus aestimationem se soluturum promiserit, si tamen postmodum constet damnum ab eo factum non esse, ex hac sua confessione & promissione non teneatur? Respondeo enim hunc textum procedere, quando nullum omnino damnum à parte rei datum est, puta, si quis errore confessus sit, se servum Titii occidisse, aut vulnerasse, qui tamen adhuc vivit, & nullum vulnus accepit, quia falsæ confessiones ita demum ratæ sunt, si aut jus, aut naturam recipere possunt. *L. confessionibus. 13. ff. de interrogat. injur. faciond.* ne aliàs per fictionem & imaginem rei veritas adumbretur. *L. filio. 23. ff. de liber. & posthum. instit.* secus verò si damnum à parte datum fuerit, sed saltem ab aliquo quocunque tertio juxta text. in *d. §. fin. & L. 4. Cod. ad L. Aquil.*

A S S E R T I O XIV.

S U M M A R I A.

1. *Condictio indebiti cui datur?*
2. *Quod si plures solutionem præstiterint & plus solverint, quam debebant, cui datur repetitio?*
3. *Condictio indebiti personalis est, & regulariter contra tertium non datur.*
4. *Exceptio ab hac regula.*

Explicatis tribus requisitis ad conditionem indebiti necessariis reliquum est, cui, & adversus quem hæc actio datur, & præterea quid in eam veniat; datur autem hæc conditio ei, qui indebitum solvit, ejusque hæredi adversus eum, qui solum accepit, & ejus hæredem, utpote ex quasi contractu nata, adeoque inter eos competens, inter quos ejusmodi obligatio vel ex facto proprio, vel ex facto defuncti jure hæreditario intercedit. *L. si à patre. Cod. h. t. L. si fundi. Cod. eod. §. is quoque. inst. quib. mod. re contrah. oblig.* modò solvens, vel suo nomine solverit, adeoque is cum accipiente negotium aliquod gessisse censi possit. *L. si in alia. 33. ff. h. t. vel is, qui alterius nomine solvit, ejus tutor sit (quo casu ipsi pupillo conditio hæc datur. L. cum indebitum. 57. ff. h. t.) vel is, cujus nomine solum fuit, sive ab initio mandavit suo nomine solvi, sive ex post facto solutionem ratam habuit; quoniam sicuti rati habitio mandato æquiparatur. *L. vero procuratori. 12. §. fin. ff. de solut. & L. si fundus. 18. §. 1. ff. de pignor.* ita quoque nil refert, an alius meo mandato solvat, an vero ipse solutionem præstem, æquè proinde utroque casu conditionem habiturus. Hinc si fidejussor pro eo (secus enim foret, si proprio nomine solvisset) qui indebitum promissit, solverit, nequaquam condicet fidejussor, sed ipse promissor ex hac ratione, quòd mandans pro se fidejuberi, intelligatur etiam mandasse, ut pro se solveretur. *L. indebitum.**

tum. 47. ff. b. t. nisi ex post facto causa aliqua intervenerit, propter quam ejusmodi mandatum revocatum videatur, v. g. furor. *L. si quis. 48. ff. de acquir. hered.* aut aliud quid simile. *L. si fidejussor. 29. in princ. & §. 1. ff. mandat.* Quod si plures solutionem præstiterint & plus solverint, quàm debebant, v. g. duo fidejussores vel alij correi ejusdem summæ, puta, ambo, adeoque bis solverint 100, cum tamen semel, adeoque simul tantum 100. deberent, an utrique, an verò alterutri, & utri ex iis detur soluti repetitio, procul dubio in genere, seu in thesi loquendo, ex eo debet desumi decisio, uter ex iis indebitum solverit, & quantum, in confesso namque est eatenus vel uni duntaxat, vel utrique conditionem indebiti competere; ut autem in jam posita hypothese intelligatur, uter ex duobus illis v. g. fidejussoribus censeatur indebitum solvisse, extat in eam rem hæc veterum distinctio, ut multum referat, an duo illi correi vel fidejussores seorsim solverint, unus post alterum, an ambo simul, & pariter, sicut loquitur JCtus in *L. si pœna. 19. §. fin. ff. b. t.* ut discerni nequeat, uter prior & uter posterior solverit: etenim præcedenti casu, quia prior eorum solvit, quod verè debuit, utique dici nequit indebitum solvisse, meritò proinde ipsi conditio deneganda, & alteri soli concedenda erit, qui & quatenus indebitum solvit: in altero verò casu, quando ambo simul & pariter solverunt centum, utique ambo, & singuli quoque condicere poterunt, quia, cum neuter prior aut posterior solverit, non potest sciri, uter eorum solverit debitum, & uter indebitum, quia tamen certum est centum fuisse indebitè soluta, adeoque centum condici posse, consequens est, singulos, qui 100. solverunt, posse condicere quinquaginta, sive dimidiam partem, etsi enim singuli 100. debuerint, alterutro tamen solvente alterius quoque obligatio tollitur, quæ scilicet una & eadem fuit. His solis, ait JCtus Modestinus in *L. 49. ff. b. t.* pecunia condicatur, quibus quoquo modo pecunia soluta est, non quibus proficit, consequenter sicut personalis est, regulari-

lariter contra tertium non datur. *L. ult. §. fin. ff. de contrah. empt. & vendit.* Sanè in subsidium adversus eum, cui solutio profecit, aliquando dari hanc actionem, notanter tradunt Bart. Paul. de Castr. Jas. in d. *L. his solis. ff. d. tit.* Scilicet hisce duobus concurrentibus. 1. ut ille, qui indebitum accepit, non sit solvendo; deinde ut successor singularis causam habeat lucrativam, tunc enim benignè, seu ex æquo & bono, quæ mater est conditionum, solventi succurritur per *L. si eum servum. 23. L. si & me & Titium. 32. ff. de reb. credit.* Et hoc probatur similitudine mutui servo alieno dati, si namque hoc in rem Domini versum fuerit, hæredes quoque ejus conveniri possunt post annum, nedum Dominus ipse de peculio intra annum. *L. Ei qui servo. 7. Cod. quod cum eo, qui in alien. potest.* And. Clud. *cap. 6. n. 6. & seqq.* Interim hoc casu adversus accipientem non datur conditio indebiti, sed sine causa vel ex æquo & bono, ex ratione supra adducta, quia conditio indebiti ex quasi contractu indebiti descendit, qui cum singulari successore vel eo, cui solutio facta profecit, non est initus.

ASSERTIO XV.

SUMMARIA.

1. *Quid in hanc actionem veniat?*
2. *Dubitatur circa restitutionem fructuum.*
3. *Conditiones omnes stricti juris, sed non omnes unius sunt generis.*
4. *Quibus conditionibus fructus non consequamur?*

Quid autem in hanc actionem seu restitutionem veniat, insigne quidem extat Jcti responsum in *L. 11. ff. b. t. indebiti soluti conditio*, inquit, *naturalis est, & ideo etiam, quod rei solute accessit, venit in conditionem, puta, partus, qui ex ancilla natus sit, vel quod alluvione accrescit, imò & fructus &c.* Verùm quot sunt hujus responsi partes, tot ferè videntur dubitandi

- bitandi rationibus everti, & quidem ut duas priores brevitas causâ omittam, posterior pars fructuum restitutionem continens propterea majorem dubitandi rationem habere videtur, quod in confesso sit, fructus in actionibus stricti juris non venire, nisi ex die litis tantum contestata. *L. cum fundus. 31. ff. de reb. cred.* quoniam quale quid est, cum petitur, tale dari debet. *L. 2. ff. de usur.* peti autem tunc res intelligitur, cum litis contestatio fit, quæ scilicet, & priusquam fiat, actor non tam petere dicitur, quam velle petere. *L. amplius non peti. ff. rem rat. haber.* Sicuti nec in arbitrariis actionibus fructus veniunt ante litem contestatam. *L. præterea. L. penult. ff. de rei vind.* imò nec in bonæ fidei judiciis fructus restituendi sunt, sicut nec usuræ, nisi ex die moræ contractæ. *L. mora. 32. §. in bonæ fidei. L. usuræ. 34. §. L. in contraria. 37. ff. de usur.* Cum igitur tam conditio indebiti, quam ceteræ conditiones omnes stricti juris sunt. arg. *§. actionum. 28. Inst. de action.* consequens est, in eam non posse venire fructus, qui antelitem contestatam, & multò minùs ante moram percepti fuerunt, præsertim quod fructus non tam jure seminis, quam jure soli (quod utique fuit ipsius indebitum accipientis) percipiantur. *L. quis cit. 25. §. 1. ff. de usur.* & proprietatis causam necessariò sequantur. *L. §. ex diverso. 35. §. ubi autem. ff. h. t.* Ad hanc difficultatem ut debite respondeam, sciendum est, conditiones quidem omnes per se stricti juris, sed non omnes unius generis, & naturæ esse, nam aliquæ sunt, quibus condicimus, id est, adversarium nobis dare debere intendimus id, quod nostrum neque est, neque unquam fuit, veluti cum agimus conditione certi ex stipulatione, vel ex mutuo. *L. certi conditio. ff. de reb. cred. §. L. 2. ff. de usur.* Aliæ sunt, per quas intendimus nobis id dari oportere, quod nostrum aliquando fuit, hujusmodi conditiones sunt indebiti, & sine causâ, in prioribus conditionibus non possumus consequi fructus, nisi à die litis contestata. *L. cum fundus. 35. ff. de reb. cred.* quia non tam naturali,

turali, quam civili æquitate nituntur, neque potest actor dicere, se fructus illos habiturum fuisse, nisi à quo die petiit rem sibi dari, si data ei res fuisset, sicut & in rei vindicatione accidit. *L. praterea. 20. ff. de rei vind.*

A S S E R T I O XVI.

S U M M A R I A.

1. Quibus conditionibus fructus consequamur?
2. Evertitur fundamentum opposita sententia.
3. Minor in integrum restitutus fructus tam ante, quam post litem contestatam perceptos consequitur.

EX aliis autem conditionibus, quibus eam rem petimus, quæ aliquando nostra fuit, etiam fructus omnes ideo consequimur, qui à bonæ fidei possessore percepti sunt, quia cum naturalem habeant æquitatem, consequenter æquissimum sit, redire rem meam cum fructibus, quos utique percepissem, & haberem hodie, si ejusmodi rem non solvissem per errorem, aut sine causa, vel ob turpem causam, quemadmodum distinguit Jctus in *L. videamus generaliter 38. §. si autem. ff. de usur. L. qui se debere. §. fin. L. cum quis. 12. ff. de condict. caus. dat. §. L. in summa. 65. §. ei qui. ff. b. t.* Esto igitur certum sit bonæ fidei possessorem sola quoque perceptione fructus suos facere, saltem revocabiliter. *L. bonæ fidei 48. ff. de acquir. rer. domin. irrevocabiliter verò & absolute, si vel consumptio, vel usucapio accesserit. L. 4. §. post litem ff. finium regundor. §. L. 4. §. lana. ff. de usucap.* Et pariter sit extra controversiam, quòd accipiens indebitum plus sit, quàm bonæ fidei possessor, tanquam scilicet verus rei Dominus, adeoque videatur fructus bona fide perceptos nullo modo cogi per hanc actionem restituere, maxime si eos defacto consumpserit, dicendum tamen, quòd, qui condicit v. g. fundum indebitè solutum, illud ipsum Domi-

nium repetat, quod habebat, antequam solveret, & quod habuisset semper, si non solvisset per errorem, eodemque dominij jure fructus percepisset, non ille, qui fundum indebitè solutum accepit, utpote qui solutione non facta nec fuisset dominus, nec bonæ fidei possessor, atque ideo quæ ratio inducit ipsius fundi conditionem, eadem quoque dat causam restituendorum fructuum, & aliarum ejusmodi accessionum naturalium, quæ fundo suas sponte accesserunt, nec jus dominij est impedimento, quoniam aliud est de acquisitione fructuum, aliud de eorum lucro tractare. *L. 4. §. post litem. ff. fin. regund.* Et cum in proposito causa restituendorum fructuum sit antiquior, quam acquirendorum, non est mirum, nec rationi juris contrarium, causam veteris dominij potiore esse, quam novi, & consequenter ipsius condicentis, quam ejus, cui condicatur tam in ipsis fructibus, quam in dominio rei indebitè solutæ, ut videlicet causam dominij etiam fructuum causa sequatur, quemadmodum paulò ante ex *L. 5. ea. 35. ff. de rei vind.* dictum est, atque aliàs minor beneficio restitutionis gaudens, & ex eo v. g. fundum venditum sibi restitui petens omnes fructus inde perceptos consequitur ex ipsa scilicet restitutionis in integrum natura, quæ omnia in pristinum statum reponit. *L. quodsi minor. 24. §. restitutio. L. patri. 27. §. si pecuniam. ff. de minor. 5. L. unic. Cod. de reputationib. qua sunt in judic. restitut.* contra multorum erroneam opinionem hallucinanter putantium, emptorem v. g. quia bonæ fidei possessor est, usquedum petita sit restitutio in integrum, non alios fructus restituere teneri, quam quos ex die litis contestatæ perceperit, veluti exinde malæ fidei possessor factus, quod profectò juris rationi adversatur: sunt namque in judicio hujus actionis fructus restituendi non ob rationem malæ fidei (quæ ante litem contestatam sæpe nulla est) sed ex potestate actionis, cujus natura est, ut fructuum omnium restitutionem secum trahat, sive interim fuerit formalis restitutio in integrum, seu etiam conditio indebiti,

debiti, aut alia conditio ejus rei, quæ aliquando fuerit nostra, juxta supra allegatam Jurisconsulti distinctionem in *L. videamus. 38. §. si actionem. ff. de usur.*

A S S E R T I O XVII.

S U M M A R I A.

1. *Fructus in conditionem indebiti veniunt, quatenus possessor ex ipsis locupletior factus est.*
2. *Cui incumbat onus probanda locupletationis?*
3. *Accessiones & fructus naturales quomodo hic sumantur?*
4. *Usura non condicuntur.*

Ceterum quod dixi fructus in conditionem indebiti venire, sic intelligendum est, ut eatenus tantum veniant, quatenus possessor ex ipsis locupletior factus est; deducuntur ergo ante omnia non modo impensæ ad fructus percipiendos necessariae (utpote quibus duntaxat deductis fructus alias esse intelliguntur. *L. in summa. 65. §. 5. ff. h. t.*) sed nec hoc in restitutionem venit, quod lucro ipsius indebitum accipientis non cessit, hinc si e.g. tu Stichum à me tibi indebitè solutum postea sine fraude modicò distraxisti, condicam tamen non servum ipsum, quia in tua potestate non est, sed tantum æstimationem, nec tamen justam & veram, seu quam à parte rei valet, sed eam solummodò, quam ex venditione acquisivisti, veluti in hoc solo factus locupletior. *L. in sortem. 26. §. libertus. ff. h. t.* cui simile est, quòd si te per errorem indebitè permisi in domo mea habitare, hoc casu condicam non quidem habitationem ipsam, sed æstimationem, & quidem eam duntaxat, non quanti, inquit *locus, locare potui, sed quanti tu conducturus fuisses*, quod sicuti plerumque minus est pro conductoris scilicet persona, & qualitate, ita mihi sufficere debet, quòd conditionis hujus no-

mine tantum à te consequar, quantum ex causa conductionis fuisses præstiturus, si indebitam habitationem à me non habuisses, quia eatenus solum videris factus locupletior. dict. *L. in summa. §. in frumento. ff. h. t.* Clarius autem & notabilius, imò prima fronte ex interveniente debitoris facto à ratione juris alienum exemplum proponitur in modò cit. *L. in summa. §. 5. ff. h. t.* ubi qui servum melius indebitè accepit, & eum postea bona fide manumisit, dicitur non ad ejus pretium (utpote quod ad manumittentem non pervenit) sed tantum propter operas hujusmodi liberti, & hæreditatem patroni jure acquisitam teneri, cui consequens est, multò minùs periculum, seu fortuitum casum ad eum pertinere, qui rem indebitè solutam accepit, quantumvis verus ejus dominus sit, tum quòd hac actione tantum lucrum ipsius accipientis extorqueatur, tum etiam quòd debitor interitu speciei debitæ à sua obligatione liberetur. *L. si ex legati. 23. ff. de verb. oblig.* quoad onus verò probandæ locupletationis, illud quidem in confesso est, quòd in primis actor veluti affirmans probare debeat, rem vel ejus pretium semel ad Reum conventum pervenisse: ex adverso non æquè est expeditum, an hoc ipsum probari sufficiat, an non verò non insuper necesse sit actorem strictè docere, quatenus possessor locupletatus fuerit, adeoque acquisitum commodum vel obventionem rei vel pretij defacto etiamnum apud eum duret, quod inter plures alios tenet Felin. licèt nonnihil dubius in *cap. de quarta. n. 13. extra. de præscript. ex eo* fundamento ductus, quòd, cum bonæ fidei possessor hac actione non aliter teneatur, quàm quatenus locupletior factus est, text. in simili in *L. utrum. ff. de petit. hæred.* consequenter ejusmodi durantis qualitatis probatio sit necessaria: sed contraria meo judicio verior est sententia, scilicet ut postquam acquisitionem, seu obventionem semel factam actor probavit, Reus conventus docere debeat, se rem amisisse seu perdidisse aut inutiliter consumpsisse, tum quòd mutatio non sit præsumenda.

Fusè

Fusè Alciat. de *presumpt. regul. 2. presumpt. 52.* tum quòd ex frequentiori rerum usu nemo suum iactare presumatur, *L. cum de indebito. ff. de probat.* tum denique ex hac coadiuvante plausibili ratione, quòd possessori sapius facìle sit probare, quòd damnum vel amissio sibi contigerit, actori verò difficilimum & ferè impossibile, facultas autem probandi coangulari non debet, sicuti rectè opinatur Arrius Pinell. ad *L. 2. part. 2. cap. 4. n. 64. § 66. Cod. de rescind. vendit.* Veniunt itaque in hanc actionem accessiones & fructus naturales, quatenus scilicet is, qui indebitum accepit, iis fuerit factus locupletior, aut dolo malo fecerit, ne locupletaretur, hoc ipso, ne suus ei dolus profit, & indebitum solventi noceat, quasi pro locupletato habendus; veniunt, inquam, accessiones & fructus naturales non quatenus industrialibus opponuntur (nam & hosce etiam venire apertè demonstratum) sed quatenus distinguuntur à civilibus, qui videlicet à natura sua ex re ipsa non proveniunt, sed tantum propter rem, seu occasione rei per commercia vel negotiationes sive conventiones acquiruntur, unde etiam sit, quòd nonnunquam loco, sive vice fructuum esse dicantur, quales quoad propositum sunt ipsæ usuræ. *L. si navis. 60. ff. de rei vind.* quæ in conditionem hanc adeo non veniunt, ut nequidem ex tempore litis contestatæ debeantur, eò quòd teste Antonino Imperatore in *L. 1. Cod. b. t. actione conditionis ea sola quantitas repetatur, quæ indebitè soluta est.* quæ ratio non modò optimè concludit in eo casu, quo is, qui indebitam pecuniam accepit, eam apud se otiosam detinuit, aut aliàs sine ullo lucro expendit, verum etiam eòusque veriùs porrigitur, licèt is, qui pecuniam indebitè solutam accepit, eam defacto fœnori dederit, & usurarum lucrum inde perceperit, ut nec tunc (quidquid interim hac in parte in petitione hæreditatis obtineat Jacob. Cuiac. in ea & contra Accurs.) prædictum usurarum lucrum in conditione hac restituendum sit, tum quòd aliàs differentia

sententia inter fructus & usuras legibus nostris non obscurè probata (quòd illi scilicet veniant in hanc actionem dist. *L. in summa. 65. §. ei qui indebitum. 5. ff. h. t.* hæc verò non veniant cit. *L. 1. Cod. eod.*) nulla esset, siquidem nec fructus alio jure venire dictum sit, quàm quatenus iis possessor fuerit locupletatus, tum quòd indebiti solutio suo modo quasi mutuum sit, ideoque quæ actione convenitur is, qui accepit mutuum pecuniam, eadem quodammodo teneatur, qui indebitum per errorem solutum recepit. *L. 4. §. is quoque. ff. de O. & A.* etsi interim mutuum sit verus contractus, indebitum quasi, sicut quasi mutui datio, adeoque sicut ex mutuo, ita etiam ex indebito pupillus sine tutoris autoritate non obligatur, nisi fuerit factus locupletior. *§. is quoque. Inst. quib. mod. re contrah. oblig.* & consequenter sicut usuræ non debentur ex mutuo, esto mutuatarius ex pecunia sibi credita multum lucratus sit, *L. Titius. & ibid. Interpp. ff. de præscript. verb.* ita nec ex restituendæ sunt in hoc quasi contractu seu solutione indebiti dist. *L. 1. Cod. h. t.* Jacob. Cuiac. *lib. 8. observ. 34.* ut nil dicam, quasi per accidens esse, ideoque non venire in considerationem, quòd accipiens indebitam pecuniam defacto ex ea usuras perceperit, cum pecunia non habeatur ad hoc, ut fœnori collocetur, & usuram pariat, sed ut in necessarios vitæ usus expendatur, ceterasque res omnes astimet. *L. 1. ff. de contrah. empt. & L. 1. ff. h. t.*

A S S E R T I O XVIII.

S U M M A R I A.

1. Si inter accipientem & solventem controversia de indebito ipso nascatur, utri parti incumbat onus probandi?
2. Affertur distinctio facta in *L. cum de indebito. 25. ff. de probat.*
3. Miles, minor, mulier, agricola, vel similes quatenus probare debeant indebitum solutum fuisse?
4. Cautela pro creditoribus in ordine ad bene conficiendam debitoris Syntegram.

Post.

Postremò materiam hanc insigni ea quaestione finio, si inter accipientem, & solventem controversia de indebito ipso nascatur, utri parti onus probandi incumbat, an scilicet solventi, quòd fuerit indebitum, an verò accipienti, quòd debitum subfuerit? qua in re neutra ex contradicentium parte certi aliquid perpetuò statui potest; & quidem Jctus in *L. cum de indebito. 25. ff. de probat.* hanc distinctionem adhibet, ut multum referat, *an is, inquit, qui accepisse dicitur rem vel pecuniam, hoc negaverit*, id est, *planè inficiatus sit, quidquam sibi solutum esse, an verò ab initio quidem confiteatur sese accepisse pecunias, dicat autem indebitas non fuisse solutas.* Priori casu, qui mentiens, & ex verisimili conjectura se suspectum fecit (quemadmodum aliàs mendacium est indicium malæ conscientiae, & iniquitatis) meritò ei injungitur probatio, ut postquam de solutione facta per testes, vel per instrumenta constiterit, ipse docere debeat, id quod accepit, sibi verè debitum fuisse; posteriori verò casu, quia de nullo excipientis mendacio apparet, adeoque is nulla falsitatis præsumptione gravatur, decisio controversiæ ex iis facienda erit, quæ communiter & verisimiliter accidere solent, in quam rem text. insignis & huc pertinens est in *L. si pactum. 9. ff. de probat.* ubi cavetur, quòd, quamvis verum sit, excipiens probare debeat, quod excipitur, affirmando scilicet. *§. non solum. Inst. de legat. L. in except. 19. ff. de probat. & L. 1. Cod. de except.* si tamen inter debitorem & creditorem oriatur controversia, an in pacto etiam hæres, cujus nulla est in eo facta mentio, comprehendatur? respondet Jctus, *petitorum ipsum, non qui excipit, probare debere, non convenisse quoque de hærede.* Ex hac decidendi ratione, quia plerumque tam hæredibus nostris, quàm nobismet ipsis cavemus. *L. veteris juris. 13. Cod. de contrab. vel omitt. stipul.* quia igitur in proposito ex communi & verisimili consuetudine nemo præsuntur facillè pecunias suas jactare, & indebitas effundere, nec etiam, si præsertim homo diligens, & studiosus paterfamilias,

F

in

in causa solvendi errasse, merito ipsi alleganti se indebitum sol-
 visse probatio iungatur. dict. *L. cum de indebito. 2 §. ff. de probat.*
 cum quo etiam facit text. in *L. 1. Cod. b. t.* ibi: *si quid igitur pro-*
bare poteris, patrem tuum, cui bares extitisti, amplius debito per-
 3 *solvisse.* Nisi forte miles, minor, mulier, agricola, vel similis
 alia persona fuerit, quam verisimile sit ob simplicitatem sæpè in
 discernendo debito ab indebito labi, ideòque probationem de
 jure in eum transferat, quem arguit indebitum accepisse jam
 dict. *L. 2 §. 1. ff. de probat.* quemadmodum & aliàs in jure no-
 stro novum non est, personarum qualitatem attendi, & non
 semper ex rebus, verum etiam ex personis præsumptionem &
 verisimilitudinem desumi. *L. Pomponius. ff. de negot. gest. L. non-*
nunquam. ff. de judic. & L. iurjurandum. §. non semper. ff. de ju-
rejurand. Quæ tamen limitatio ita demum procedit, si is, qui
 solvit, totam summam indebitam fuisse contendit, secus verò
 si partem debitam fuisse confessus, alteram partem dicat inde-
 bitè solutam esse, hoc enim casu, inquit textus, *omni modo*, adeò-
 que ut sentit ibidem Glossa sine distinctione negationis & per-
 sonarum probatio ipsi auctori indebitum alleganti incumbit,
 quia ratio non patitur, ut is, qui solutionem accepit, & propria
 adversarii confessione intentionem suam pro parte fundatam
 habet, nihilominus onere probandi gravetur. dict. *L. cum de*
 4 *indebito. §. 3. & 4. ff. de probat.* ubi Ictus in fin. & hoc notabi-
 liter subjicit, quòd si non versetur quæstio, *de indebiti solutione,*
sed cautio, inquit, *indebitè exposita dicatur, & indiscretè*, id est,
nullà debiti causà insertà loquatur, ejusmodi confessio nullum
 contenti præjudicium afferat, sed eà non attentà creditor aliis
 probationibus debitum docere debeat. text. Bart. Castrenf. &
 passim Interpp. in dict. *L. cum de indebito. §. fin. ff. de probat.*
 cauti ergo & providi sint creditores, ut nullam debitoris syn-
 grapham acceptent, nisi causa debiti in ea exprimat, in di-
 cendo videlicet debitorem, ut caveat se debere ex causa in-

stru-

strumento obligationis inserta, ex qua à parte rei debet v. g. ex mutuo, emptione, locatione & alia simili.



CAPUT II.

De Conditione ob causam datorum.

ASSERTIO XIX.

SUMMARIA.

1. *Transitio & presentis capitis argumentum.*
2. *Causa quomodo hic accipitur?*
3. *Ad Conditionem ob causam datorum quatuor desiderantur.*
4. *Datum hic accipitur latius.*
5. *Causa intelligitur vel verbis palam expressa, vel potestate juris tacite comprehensa.*

IN præcedenti capite seu materia de indebito cautum erat de repetitione ejus, quod datum fuit ob causam præteritam, & quidem obligatoriam, seu necessariam, id est, quæ si vera foret, necessitaret ad solvendum, quidquid enim repetitur conditione indebiti, repetitur veluti indebitè solutum ob causam respicientem ad tempus præteritum, cum ei detur hæc conditio, qui solvit, quod per errorem putabat se jam antè debere. *L. damus. § 2. ff. de condic. indeb. L. 1. ff. de condic. ob turp. caus.* hoc verò loco agitur de repetitione dati ob causam futuram, si ea causa non sequatur, quem ob finem prodita est *conditio ob causam datorum* titulo 6. lib. 4. *Cod.* proposita, cui in Pandectis

respondet tit. 4. lib. 14. de Conditione causâ dati, causâ non secutâ, quomodo rectius legitur, quàm de Conditione causâ datâ causâ non secutâ, nullo scilicet coherente sensu, quò etiam facit text. in *L. fin. ff. jam d. t.* ubi *Ictus conditionem dati re non*
secutâ vocat, quoniam causâ hîc pro ratione rei futurâ accipitur, propter quam aliquid datum est. Oldendorp. *acti. fo-*
rensi. class. 6. art. 4. in fin. Ut autem huic actioni locus sit, quatuor ad eam desiderantur. Primum requisitum est, ut aliquid datum fuerit. Deinde ut datum sit ob causam futuram, seu ut aliquid sequatur. 3. Ut ob causam non inhonestam, ac denique ut causâ non sit secuta. Et quidem in primis aliquid datum esse, tam ipsa propositi tituli inscriptio de Conditione ob causam datorum, quàm ipsius restitutionis & repetitionis verbum
 4. supponit, modò tamen *datum* hîc accipiatur latius, seu quod naturaliter datum, seu etiam civiliter, id est, quod non verè à parte rei datum est, sed jure ipso pro dato habetur, puta, si creditor, cui v. g. 100. debebantur, ea suo debitori per acceptilationem remiserit, hac lege, seu conditione, ut is aliquid faceret, & e. gr. se expromissorem constitueret, quo proinde non constituto, id, quod acceptilatum est, condicetur. *L. 4. L. si mulier. ff. de condi. caus. dati non secut.* non quidem veteri actione, utpote per acceptilationem sublata. §. *item. Inst. quib. mod. tollat. oblig.* Sed proposita conditione causâ dati, causâ non secutâ, quasi ejusmodi remissio pro datione habeatur, & summa remissa quasi brevi manu, seu, ut loquitur *Icrus. celeritate actionum conjungendarum* ad debitorem pervenisse censetur. *L. 3. §. penult. ff. de donat. inter vir. & uxor.* Causâ futura secundo loco requisita (ut videlicet aliquid detur eo fine, ut postea aliquid sequatur) intelligitur à verbis palam & nominatim expressâ, aut potestate juris tacitè comprehensa, puta, cum dos sponsæ datur simpliciter, nec quid præterea verbis adjicitur, quoniam verbo dotis intelligitur subesse conditio, *si nuptiæ sequantur, vel ut nuptiæ sequantur. L. 7. §. fin. ff. de jur. dot.*
 adeo-

adeoque iis non secutis actioni huic locus erit. *L. 1. L. 6. ff. b. t. L. dotis. 68. ff. de jur. dot.* adeo quidem, ut si extraneus ante nuptias mulieri dotem dederit, & nominatim pactus sit, *dotem sibi soluto matrimonio reddi*, nihilominus ipse nuptiis non secutis repetitionem habiturus sit, non mulier. *L. si extraneus ff. b. t.* eò quòd utrumque, & prius quidem expressè, alterum verò tacitè pactus esse intelligatur. jam *d. L. si extraneus. ff. b. t.* Quo ad tertium requisitum, causam non inhonestam esse debere, ideo apparet, quòd ob turpem causam datum, etiamsi ea defacto non subsecuta fuerit, nihilominus tamen sæpe repeti non possit, quemadmodum sequenti capite declarabitur.

ASSERTIO XX.

SUMMARIA.

1. Duplex est causa, ob quam aliquid datum est, non secuta consideratio.
2. Si culpā accipientis causa non fuerit secuta, datum rectè repetitur.
3. 4. Quin imò causa fortuito casu non secuta repetitionis huic locus est, esto non in casum fortuitum collata sit.

Quia verò non uno semper modò, nec similiter accidit, ut causa, ob quam aliquid datum est, non sequatur, duplex est causa non secuta consideratio; aut enim non secuta amplius impleri non potest, sive interim, quòd ab initio fuerit impossibilis, sive quòd ex post facto impleri posse desierit, vel quæ etiamnum impleri & sequi potest, non tamen est de facto secuta, & rursus ut impleri amplius nequeat, dupliciter accidit, culpa scilicet & facto accipientis, aut casu fortuito. juxta text. in *L. penult. Cod. b. t.* culpā accipientis, cum hic potuit implere, nec fecit, atque ita facultatem implendi ex sua voluntate amisit, veluti cum Stichum ex acceptione dati manumittere aut dare debuit, & cum potuisset alterius facere, Stichus decessit.

Casu verò, cum quò minus causam posset implere, natura aut alienum factum obstitit, cui provisione sua occurrere, aut ob- sistere non potuit. arg. *L. quæ fortuitis. Cod. de pignor. act. ac L. ad eos. ff. commodat.* & quidem si culpà accipientis causa non fuerit secuta, nulla dubitatio est, quin possit datum repeti, cum sibi imputare debeat reus, quòd, cum posset & deberet, non ta- men obligationi suæ satisfecerit. *L. penult. § ult. Cod. b. t. l. 3. in prim. L. 5. §. fin. ff. cod.* Exemplum inter alia proponitur in *L. 2. Cod. b. t.* puta, si pater filiz suæ fundum hac lege donaverit, ut ipsa creditoribus satisfaceret, quòd si non præstitit, dicitur ibi- dem hæredi hæc condiçtio competere, ita tamen, ut ei in jam dicto casu juxta text. in *L. hæreditatem. 28. ff. de donat.* consu- latur etiam actione præscriptis verbis, quâ filia cogatur credi- toribus patris satisfacere, prout ipsi patri, seu danti placuerit, & quidem condiçtitia actio ideo locum habet, quia donatio fue- rit facta ob causam, nempe ut creditoribus satisfaceret, quod quia factum non est, meritò hac condiçtione agatur; actione verò præscriptis verbis ideo, quia contractum fuit negotium, do ut des, seu do tibi fundum, ut creditoribus satisfacias, quæ donatio non est pura, sed continens in se contractum innomi- natum, adeoque obligationem implementi ex acceptance rei datæ provenientem. Quòd si causa non sequatur casu, an tunc etiam datum repeti possit, fateor magnam inde difficulta- tem oriri, quòd nil queat accipienti imputari, qui implere, etiamsi voluerit, non potuit. *L. cum quidam. 17. §. pupillus. ff. de usuris.* Sed hac dubitandi ratione non attenda dico, etiam causà fortuito casu non secutà repetitioni huic locum fore, quod ipsum omnes concedunt, si causa non in potestatem ac- cipientis, sed in ipsum casum fuerit collata, quoniam id ex præ- sumpta contrahentium voluntate actum esse censeatur, suppo- ne v. g. dotem sponso pro muliere datam esse, ob causam vi- delicet, ut nuptiæ sequantur, & postea sponsam mortuam esse, adeoque nuptias casu prohibitas, nilominus tamen in con- fesso

fesso est ipsum, qui dotem dedit, posse eam repetere, veluti datam ob causam, quæ secuta non fuit. text. in *L. si extraneus. ff. de condict. caus. dat. L. 1. Cod. eod.* Sed etsi causa collata sit non in casum fortuitum, sed in factum & potestatem solius accipientis, nilominus tamen dati repetitio per hanc actionem conceditur, quamvis causa solo casu, & extra accipientis culpam non fuerit secuta juxta text. in *L. ex conducto. §. idem cum quidam. 6. ff. locati*, ubi, si dedi nautæ pecuniam, ut me, aut merces veheret, & id, navi casu amissa, non fecit, scriptum est, licere mihi vecturam repetere, hoc ipso, quod nauta munere vendendi functus non sit, esto per ipsum non steterit, quò minus vendendi munere fungeretur, sed navi amissa id casu contigerit. Similiter in *L. fin. ff. h. r.* cavetur, si dedi tibi pecuniam, ut mihi Stichum dares, Stichò postmodum mortuo me id repetere posse, quod ob Stichi præstationem tibi antea dederam.

A S S E R T I O XXI.

S U M M A R I A.

1. 2. 3. Resolvuntur sexus contrarii.

NEC refert, quò directe contrarium scriptum videatur in *L. naturalis. 5. §. 1. ff. de præscript. verb. si Scyphos*, inquit *Jctus, tibi dedi, ut mihi Stichum dares, periculo meo Stichus erit, ac tu duntaxat culpam præstare debes.* Quod nil aliud esse videtur, quàm, quòd, si Stichus mihi ex conventionione, & ob causam debitus perierit, mihi pereat, ideo tu ejus interitu ita libereris, ut nil possim amplius à te petere, idque consequens est ei Juris regule, ex qua receptum est, interitu speciei debitæ sine culpa debitoris contingente ipsum debitorem liberari, atque ita interitum & detrimentum speciei pereuntis esse creditoris. *L. quòd te. 7. ff. si cert. petat. & L. si ex legato. 23. ff. de V. O. et enim in jam d. L. 5. ff. præscript. verb.* dicitur Stichus mihi perire ob

ob causam debitus, hoc sensu, ut debitor à præstatione ejus, quod mea interest, liberetur, nec amplius ab eo Stichus peti possit, non etiam hoc sensu, ut scipios, quos dedi, repetere possim; nec est, si quis regerat, hoc modo mihi nihil perire, si videlicet recipio, quod dedi, satis enim eo respectu mihi perit, si forte multo pluris fuit Stichus, quam id, quod dedi, & quo
 2 repetito jubeor esse contentus. Difficilior adhuc locus est in *L. 3. §. 3. ff. de R. J.* ubi cavetur, *si tibi dedi 100, ut intra Calendas Stichum manumitteres, siquidem statim post id tempus decesserit, quo manumitti potuit, repetitionem esse, si minus cessare.* Adeoque si post Calendas decesserit, ideo datum repeti posse, quia culpâ tuâ manumissus non sit, die enim constituta non manumittens, sicuti debebas, moram fecisti, ac proinde jure merito te periculo exposuisti. *L. magnam. Cod. de contrah. & committ. stipul.* ex adverso si ante tempus manumissioni præfixum decesserit, ideo cesset repetitio, quod tunc Stichus ita perierit casu, & nulla tua culpa præcesserit, cum eum non manumitteres, qui enim in diem debet, is ante diem, esto vel maximè interpellatus, moram non fecit. *L. nulla. ff. de R. J. L. filiusfamilias. 49. §. fin. ff. de V. O.* fateor hoc Proculi Jcti responsum aperte sonare, si causa non culpâ accipientis, sed casu secuta non sit, datum ob eam causam repeti non posse; sed pro apparentis antinomiz conciliatione notandum est, hanc Proculi sententiam ibidem ab Ulpiano relatam ab eo aliâs sibi planè futuro contrario non aliter probari, quam quatenus is eandem in *L. 5. §. 1. ff. eod.* temperavit, ut videlicet Sticho, qui manumitti debuit, sine mora accipientis defuncto tunc demum repetitio cesset, si is, qui Stichum manumittere debebat, cum aliâs distractus ideo non distraxerit, quia eum ad conventam manumissionem servabat, quæ ratio veluti rei non amplius integræ justa est prohibendæ repetitionis, quamvis causa secuta non fuit, sicuti ex sequentibus apparebit. Vide tradita Anton. Fabrii in suo Rationali in *d. L. 3. §. 3. & 4. ff. de condict. caus. dat.*

dat. Maximam verò omnium difficultatem hic facit text. in *L. penult. Cod. h. t.* ubi aperte inter causam fortuito casu, & culpâ accipientis non secutam distinguitur, nec tantum quoad actionem præscriptis verbis concedendam vel denegandam (quemadmodum paulò antè ad text. in *L. naturalis. §. 1. ff. de præscript. verb.* insinuatum fuit) sed in ordine ad ipsam repetitionem dati, quæ scilicet ibidem admittitur, si causa dati ob culpam accipientis non fuerit secuta, denegatur verò, si casus ejus implementum impediverit, ita namque concepta sunt ejus rescripti verba, *pecuniam autem datam*, inquit Imperatores, si hæc causa, pro qua data est, non culpâ accipientis, sed casu fortuito non est secuta, minimè repeti posse certum est. Verum cum ad hunc textum planè difficilem sint diversissimæ Interpretum responsiones, & distinctiones, ut videre est apud Donell. *Commentar. jur. lib. 14. cap. 21.* Reinhard. Bacchov. in *Trentl. vol. 1. disput. 22. th. 2. litt. A.* Jacob. Wisenbach. ad *pandect. lib. 2. disput. 25. th. 3.* nimirum an casus fortuitus contingat in persona dantis, an in persona accipientis: Vel an causa, ob quam datum est, in facto consistat, aut in dando, aut etiam in tali facto, quod commodum principaliter dantis respicit: aut verò an casus fortuitus sit absolute talis, an tantum in persona accipientis, sicut omnia hæc latius repetit & explicat cit. Bachov. *dict. vol. 1. disp. 22. th. 2. litt. A.* non ineptè forsàn quis concluderet cum eo, propter diversitatem factorum & casuum vix hoc certâ regulâ posse definiri, atque sic rem hanc plerumque ex æquitate decidendam esse, quod & Jctos fecisse argui potest ex *L. 5. in princ. §. ult. ff. de condict. ob caus. dator.* ut scilicet in primis consideretur, cujus causa potior sit, accipientis, an dantis, ut ne morari debeat in damno: in dubio tamèn dixerim regulâ generali standum esse, quod casus fortuitus impletionem impediens faciat cessare condictionem. *dict. L. penult. Cod. h. t.* Bened. Carpz. *Jurisp. forens. part. 2. constitut. 35. defin. 24.*

A S S E R T I O XXII.

S U M M A R I A.

1. Secunda causa hujus actionis est poenitentia.
2. Confirmatur sententia præcedens assertionis.
3. Quando & cui concedatur poenitentia?

1 **E**T hæcenus de priori causa hujus actionis, quando nempe per eam ideo repetitur, quod datum est, quia causa non secuta amplius impleri nequeat: altera causa seu fundamentum hujus actionis est poenitentia ejus, qui dedit, utpote cui concessum est poenitere, esto alter paratus sit causam dati implere, puta, *dedisti tibi pecuniam* (scilicet non numeratam, alias enim foret locatio, sed pro re fungibili, aut veluti datam ut speciem) *ut Capuam ires vel Stichum manumitteres*, possum datum ex sola quoque poenitentia revocare. *L. 3. §. in princ. ff. b. t.* Idque adeo obtinet, ut quamvis post poenitentiam tibi denuntiata impleris, quod facere debebas, *perveneris Capuam vel Stichum manumiseris*, placeat tamen id tibi nequaquam prodesse, quò minus ex mea poenitentia tibi antè insinuata possum id, quod tibi dederam, liberè revocare. *d. L. 3. §. 1. ff. b. t.* Nec refragatur, quòd causa defacto subsequuta fuerit, ideoque datum ob eam causam jam secutam revocari nequeat. *L. 1. Cod. b. t.* nam cum poenitentia locus sit, ea facere intelligitur, ut deficiat ob causam datum videri, quod antea ob eam datum fuerat. Quòd si igitur ex sola quoque dantis poenitentia, id quod datum est, revocari possit, utique supradicta sententia, id, quod ob causam datum est, eam etiam casu non secuta, revocari posse manifestè confirmatur, cum ejusmodi poenitentia sit ipsi accipienti casus procul dubio fortuitus, utpote cui ipse nequeat obistere, etsi vel maximè veller, sicuti alias non dissimili facto casus fortuitus describitur in *L. cum. 10. ff. commo-dat.*

dat. Porro sicuti poenitentia solummodo conceditur rebus integris, ita verius est, eam duntaxat & nominatim ei permitti, qui dedit. *L. 3. § 5. in prin. ff. h. t.* cui consequens est, eandem facultatem hæredibus ipsius dantis nequaquam indulgeri, patet hoc in similibus aliis casibus, in quibus permixtum est danti poenitere, & eam poenitentiam revocare, quod dedit, ut videlicet soli danti liceat poenitere, non hæredibus, puta inprimis in donatione inter conjuges. *L. cum hic status. §. agit oratio. ff. de donat. inter vir. & uxor.* Deinde in rebus à parentibus collatis in liberos in potestate existentes. *L. donationes quas. 25. Cod. jam d. tit.* & denique in donatione mortis causa. text. in *prin. Inst. de donat.* nec mirum, cum & aliàs juris factum personæ defuncti cohærens ad hæredem non transiret. *L. non solum. 2. § tale. ff. de liberat. legat.* quòd autem ejusmodi personale factum sit poenitentia, ex hoc evincitur, quòd ea sit voluntatis propriæ, voluntas autem cujusque morte finitur, ex qua etiam ratione fit, quòd & mandatum morte mandantis dicatur finiri: quin & ex eodem fundamento locatio, licet aliàs ad hæredes transeat, si tamen fuerit ad beneplacitum locatoris vel conducentis, sive quamdiu voluerit contracta, eo mortuo ideo finiatur, quòd ejusmodi beneplacitum per mortem cesset, adeoque & talis locatio inde dependens. *L. 4. ff. locati.* aliud statuendum esset, si proposita conditio non ex causa poenitentiae, sed ex priori fundamento, ac proinde ideo institueretur, quòd causa, ob quam datum est, secuta non fuerit, siquidem ejusmodi repetendæ facultas non est personæ defuncti cohærens, sed rei ipsi seu causæ, & proinde tam ad hæredes, quàm ad fidejussores transitoria. *§. fin. Inst. de replicationib. & L. exceptiones. 7. ff. de exception.* Atque ex hac diversa agendi ratione majoris claritatis causâ priori casu etiam vocant conditionem poenitentiae, ut eam quoque compellavi *lib. 3. Institut. tit. 14. q. 21.*

A S S E R T I O XXIII.

S U M M A R I A.

1. Quandoque etiam causa non secuta inhibetur repetitio, veluti ex voluntate dantis.
2. Quod à sponso sponsa extra dotem datum est, an. & quando nuptiis non secutis repeti possit?
3. Quando ex incommodo accipientis repetitio denegetur?

1 **S**unt autem nonnulli casus, in quibus etiam causa non secuta inhibetur repetitio, & partim quidem, cum causa impleri certo amplius nequit, partim verò cum adhuc impleri possit, prioris generis duæ sunt rationes, voluntas dantis, & ipsius accipientis incommodum; ad voluntatem dantis duæ species datorum pertinent. Prima siquid sciens dedit ob causam impossibilem. *L. datum. Cod. h. t.* Ratio est, sicuti insinuavi, ex ipsius dantis voluntate deducta, quia, qui causam impossibilem scienter adjecit, non videtur hoc animo fuisse, ut ad ejus implementum sibi alterum obligaret. *L. non solum. 3 l. ff. de O. & A.* numeratio autem vel datio alicujus rei aliter non obligat. *L. non omnis. ff. si cert. petat.* secus verò si ipse dans causam, quæ à parte rei impossibilis erat, possibilem esse putavit, v. g. Titium, qui jam à parte rei liber, aut etiam mortuus erat, manumittas, si putavit eum adhuc servum esse, aut vivere, quo casu non minùs repetes, quàm si ob possibilem causam dedisses, quæ non esset secuta. *L. cum ancilla. Cod. h. t. L. 3. §. si liber. ff. eod.* quia videlicet, dum causam possibilem esse putat, eodem animo fuit ad repetendum, atque si verè possibilis fuisset. Ad eandem donantis voluntatem pertinet, quod à sponso sponsæ extra dotem datum est, & è contra, quamvis enim quod sponsus donavit sponsæ, aut vice versà, hodie intelligatur donasse ob causam futuri matrimonii, sicutamen jus constitutum est, ut si absque culpa acci-

accipientis contigerit, ne nuptiæ sequantur, iis non secutis nequaquam donatum repeti, veluti si sponsus nuntium miserit sponsæ, hoc enim casu nequit ab ipso datum repeti text. & Interpp. in *L. cum veterum. Cod. de donat. ante nupt.* ubi post relatam veterum sententiam existimantium, donationes in sponsum collatas etiam nuptiis quacunque ratione non secutis, repeti non posse, constitutio excipit, & eam sententiam ita temperat, nisi ex culpa ipsius accipientis nuptiæ non fuerint secutæ, veluti si sponsa, cui donatum erat, aut parentes ejus renuntiaverint, ex quo consequitur, si nulla ipsi accipienti culpa possit imputari, jus antiquum de ejusmodi donationibus ob causam non secutam minimè revocandis, incorrectum manere, tum quod exceptio firmet regulam in casibus non exceptis. *L. 1. ff. de R. J.* tum etiam quod, quæ specialiter mutata non sunt, ea veteris juris constitutioni relicta censeantur. *L. precipimus. in fin. Cod. de appellat.* Nec deest hujus rei æquissima ratio in voluntate, & affectu ipsius donantis fundata, quem scilicet constat sponsam amasse, & donando spectasse nil aliud, quam ut sponsam ad nuptias priori animo contrahendas beneficiò donationis factæ invitaret, cui voluntati seu animo repugnat, ejusmodi donationes repetere, si sponsa nubere parata id facere casu impediatur, neque mirum est ex noto sponsi in sponsam & vice versà affectu rem ita æstimari, ut quod datum aliquin repeti posset, dum tamen repeti nequeat, cum ab affectu profectum intelligitur. *L. qui in uxorem. L. si paterno. Cod. de negot. gest.* Ex incommodo accipientis justè denegatur repetitio, si res, quam alter, qui accepit, vicissim dare vel facere ex lege conventionis debet, non modò sine ejus culpa fuit amissa, verum etiam ipsa fides suscepta non implendæ conditioni causam præbuit, puta, ex gr. cum dederam tibi pecuniam, ut Stichum mihi intra certum tempus dares, aut manumitteres, is ante diem periit, in qua facti specie minimè repetam id, quod ob eam causam, licet non secutam, tibi dederam, si huic amissioni

sioni causam præbuit ipsa conventio, quod duobus modis potest contingere; primo quidem, cum Stichum potuisses distrahere, opportunitatem vendendi ideo omisisti, quia propter legem conventionis eum ad manumissionem conservabas. Altero verò si cum jussu tuo proficisceretur ad manumissionem, aut ut mihi traderetur, periit in ipso itinere, ejusque morti ipsa profectio ex lege conventionis secuta causam præbuit, puta, si vel à latronibus fuerit interfectus, aut ruinâ hospitii oppressus, aut submersus naufragio, vel denique vehiculo obtritus, cujus repetitionis denegatæ rationem naturalis æquitas propterea suggerit, quòd, sicuti is, qui accepit, non debet ex eo, quod datum est, ita nec vicissim accipiens propter conventionem, cui parere voluit, damno affici debet. text. in dict. *L. §. ff. b. t.* & sanè si nemini officium, quod ejus, cum quo contraxit, aut etiam sui commodi causâ suscepit, damnosum esse oportet. *L. si servus. 61. §. quod verò. ff. de furt.* multò minùs certè debet damnosum esse ei, qui ejusmodi officium implere ex voluntate dantis necesse habuit, & hoc sensu etiam accipi potest text. supra pro ratione dubitandi in contrarium objectus in *L. penult. Cod. b. t.* quam maximam hac in re difficultatem facere insinuavi.

ASSERTIO XXIV.

SUMMARI A.

1. Ex duabus causis proposita actio ex causa penitentia instituta eliditur.
2. Obligatio dantis qualis, & quando ex dicta causa repetitionem impediat?
3. Capta ab ipso accipiente causa impletio receptionem ex dantis penitentia institutam quando excludat?
4. Honorarium Advocato datum, ut causam defenderet, eo absque sua culpa impedito non restituitur.

5. Actio

9. *Actio hac contra quem competat?*

6. *Casus, ubi datum ob causam non secutam vindicari potest.*

PAriter duæ sunt causæ, ex quibus proposita actio ex causa poenitentia instituta eliditur, & consequenter si ipse accipiens paratus sit, eam causam implere, ob quam quid accepit, potest ipsius dantis poenitentia, adeoque ex ea instituta repetitio impediri, puta, obligatio dantis, & cepta ab ipso accipiente ipsius causæ impletio, qui sine damno inde incurrendo amittere nequit. Obligatio dantis repetitionem ejus ex causa poenitentia instituta impediens duplex est, una quidem, si ipse dans ad id, quod dedit, jam antea fuit obligatus, sicuti accidit in contractibus nominatis, puta, si jam perfecto inter nos emptio-
nis contractu tibi promissum centum florenorum pretium dedi, ut mihi equum venditum traderes, nequaquam ego poenitere, & pretium repetere, sed solummodo equum mihi venditum petere potero. *L. incivile. Cod. de rei vind.* nam cum ad pretium solvendum, aut dandum fuerim obligatus, ac proinde tibi eo nomine actio competierit, multò magis tibi debet prodesse exceptio, seu retentio. *L. 1. §. 4. ff. de superficie. L. 1. ff. de pign. L. invit. 157. §. 1. ff. de R. J.* altera obligatio à dante proveniens similiter poenitentiam impedire potest, quando is ad ipsam causam implendam erat obligatus, quam nunc ex poenitentia impedire cupiat, injustè videlicet conaturus id infirmare, quod ipse ultrò promoveret, & tueri deberet. text. & DD. in *L. vindicantem. ff. de evict.* quemadmodum contingit in rebus à sponso sponsæ aut vice versa donatis, quæ sicuti & arrhæ sponsalitiæ à donante revocari non posse supra dictum est, si sponsalibus nuntium remiserit. *L. cum veterum. Cod. de donat. ante nupt.* scilicet ex ea ratione, quod ipse, qui causam nuptiarum impeditivam ponit, ad eas contrahendas ex sponsalibus it obligatus, si nullum aliud subsit impedimentum, absurdum autem est, & rationi contrarium, ut liceat ei infirmare, qui pro-

- 3 promovere & implere debuit. Coepta ab accipiente ipsius causæ impletio receptionem ex dantis poenitentia institutam excludit, si coepta impletio ejusmodi, & ut accipiens eam sine damno amittere nequeat, puta si ad causam inchoandam & implendam sumptus necessarios fecit, cui proinde, quantum eo nomine aberit, tantò minus ipsi per hanc conditionem poterit extorqueri, ne videlicet propter fidem susceptam (quod æquitati naturali convenire non potest) damno afficiatur. *L. 5. in princ. §. 1. ff. h. t.*
- 4 quò sanè ad casum rei non amplius integræ, aut quod in idem recidit, impletioni ab accipiente coepta etiam referri possit honorarium, quod advocato datum, ut causam defenderet, & hic eam defendere paratus absque sua culpa vel ob intervenientem partium litigantium transactionem, vel etiam ob propriam ejus subsecutam mortem fuit impeditus, quo casu nec ille, nec hæres ejus ad salarium restituendum compelli poterit. *L. fin. Cod. h. t. & L. 1. §. in honorariis. 1. ff. de extra ord. cognition.*
- Ratio diversi juris in advocatis contra communem regulam ob causam datorum specialiter recepti duplex assignari potest, tum quòd advocatis datum, non mercedis, aut permutationis gratiâ, sed tanquam honorarium dari videtur, tum etiam, quòd promissa Advocati opera videatur talis esse, ut statim ab initio impleta censcatur, utpote, qui statim ab initio incipiat causam cognoscere, in ejus merita inquirere, & cogitatione in eas res incumbere, quæ ad victoriam ex tali causa obtinendam pertinebunt, & ad se instruendum in tali causa suo tempore discutienda, quæ ipsa opera, si salario dato non absolute digna est, saltem eatenus prodesse debet, ne datum aliter repetatur, quàm si per eum steterit, quo minus, quod erat reliquum, impleat, & susceptam causam agat, sanè illud favore minuendarum litium singulare est, quòd transactionis causâ datum ex poenitentia ipsius dantis revocari nequeat, ne lites resuscitentur, & immortales fiant. *L. fratris. 10. & L. 5. quod cui. 30. Cod. de transact.*
- Cœterum conditionem hanc (licu-

(sicuti & sunt reliquæ actiones) actionem personalem esse, ac proinde duntaxat contra eum, qui est nobis obligatus, ejusque hæredes competere, certi juris est. *L. actionum. ff. de O. & A.* ubi consequens est, eam nequaquam competere contra singularem ex alienatione successorum, puta, si res vendita fuerit ab illo, quam ob causam non secutam acceptat. *L. cum petitur. Cod. b. t. Oldendorp. in tract. de act. forens. class. art. 4. n. 6.* duabus tamen causis specialiter exceptis, ex quibus jure singulari cautum est, ut qui ob causam non secutam aliquid accepit, utili insuper in rem actione teneatur, quam proinde jure domini competere, nec dari adversus eum, qui nobis obligatus est, constat ex §. 1. *Inst. de action.* Prima exceptio est, cum quid est donatum ob causam eam, ut donatarius certa alimenta donanti præstet, quo casu si ea non præstat, favore alimentorum utili rei vindicatione convenitur. *L. 1. Cod. de donat. quæ sub mod.*

A S S E R T I O XXV.

S U M M A R I A.

1. Alius casus dati ob causam non secutam per vindicationem repetendi.
2. Dubitatur an hac actio ex vero, vel tantum quasi contractu oriatur?
3. Statuitur eam ex quasi duntaxat contractu nasci.

Altera exceptio fundatur in poena ejus, qui fidem in sponsalibus rupit, ideoque si per eum stetit, quo minus nuptiæ sequantur, id quod illi ob eas secuturas à sponso vel sponfa datum est, poterit à dante vindicari. *L. 15. Cod. de donationib. ante nupt.* aliis verò casibus, ad rem causâ non secutâ repetendam utilem illam rei vindicationem competere nusquam cautum, sed solam ipsam conditionem, sive actionem personalem,

H

lem,

lem, quæ proin ex ipsa obligatione, veluti causa proxima oria-
 2 tur; nemini quidem ullum, in hoc verò magnum plerisque
 dubium est, an ejusmodi obligatio ex vero, vel tantum ex qua-
 si contractu descendat, & licet Interpp. prius veritati confor-
 mius esse vulgò contendant per text. in *L. 3. §. quin imò. ff. h. t.*
 ubi actio hæc *ex contractu dari* dicitur, nec ego quoque infiri-
 ciari possim, quin minor videatur ratio, cur hæc actio ex vero
 contractu nascatur, quam conditio indebiti, eò quòd ipsa cau-
 3 sa adjectio efficere videatur, ut causâ non secutâ sit dati repeti-
 tio, eâque in conventionē censeatur deducta esse: hisce hîc ta-
 mē nequaquâ obstantibus nullus dubito, quin hæc actio æquē sit
 ex quasi duntaxat contractu, ac ipsa conditio indebiti juxta ea,
 quæ precedenti capite hac de re explicata sunt, tum quòd tend-
 dat ad contractûs ipsius resolutionem, tum quòd detur extra
 id, quod in conventionem expressè deductum est, quemad-
 modum in simili non absurdè docet Jctus in *L. 5. §. 1. ff. de pra-*
script. verb. ac sicuti supra de condiçt. indeb. dictum est, ita
 quoque in datione ob causam duo aguntur, alterum quidem
 expressè & juxta intentionem contrahentium (ut scilicet vicis-
 sim aliquid detur, vel fiat, quod constituit contractum verum)
 alterum verò tacitè, seu ex ipsa potius legum interpretatione,
 ut si non fiat, de quo conventum est, liceat rem datam repe-
 re, quæ tamen tanta conventio, & potius ex legis fictione in-
 ducta solummodò quasi, seu impropriè dictum contractum
 constituit, ex quo descendit proposita actio, adeoque sicuti in
L. 3. ff. commodati. de condiçione indebiti cavetur extra id,
 quòd inter partes ipsa actum est, cum tamen in omni vero &
 propriè dicto contractu res ita sit comparata, ut obligatio inde
 descendens oriatur non extra id, sed ex ipso, quod inter con-
 trahentes verè & expressè agitur. Lauterbach. *ad ff. h. t. §. 5.*



A S S E R T I O XXVI.

S U M M A R I A.

1. Introductio ad explicationem famosa L. ea lege 3. Cod. de condit. ob caus. dator.
2. Referuntur tres modi, quibus contingit alienationis prohibitio.
3. Proponitur textus d. L. 3. Cod. de condit. ob caus. dator.
4. Dubitatur, an pactum de non alienando impediatur translationem domini?
5. Ostenditur effectus huius rei.
6. Formatur casus d. L. 3.

ANtequam hoc caput concludam, non tempero mihi cum Reinhard. Bachov. de act. disp. 4. thes. 19. quin explicationem. L. ea lege. 3. Cod. de condit. ob caus. dator. pluribus, & prout meretur illius subtilitas & difficultas, subijciam. Ad huius legis evidentiam prænotat Sichard. ibi: n. 1. & seqq. quod, cum quisque rei suæ sit arbiter & moderator. L. in remandata. Cod. mandat. ideo potest quilibet donationi à se factæ, vel etiam emptioni & venditioni apponere legem, id est, conditionem, modum, vel gravamen, ut ipsi videtur, & hoc sensu dicitur passim, quod pacta dent legem contractibus. L. 23. vers. sed hæc ita. ff. de R. J. L. legem. 10. Cod. de pact. v. g. si dicatur, do notibidomum, sed hoc pacto vel lege, ne alienes, vocatur prohibitio alienationis, vel pactum prohibitorium alienationis, de quo pacto sermo est in cit. hac lege. Illa autem prohibitio alienationis tribus potissimum modis fieri potest, primo enim prohibemur alienare per legem, ut prohibentur tutores & curatores alienare res immobiles pupillorum, vel mobiles pretiosas. L. 1. ff. de reb. eor. qui sub curat. sic maritus prohibetur per legem Juliam alienare fundum dotalem. text. in princ. Inst. quib. alien. licet vel non. item tot. tit. ff. de fund. dotal. præterea prohibentur suo modo alienari res Ecclesiarum. L. jubemus.

mus. Cod. de SS. Eccles. & tot. tit. 5. de reb. eccles. non alienand. & hæc prohibitio dicitur fieri à lege. Secundo prohibetur alienatio per testatorem in testamento, ut cum dicit *Sempronius in bonis meis heredem instituo, vel Sempronio bona mea lego, ne tamen extra familiam alienentur*, inde fideicommissa familiarum Illustrium, & de hac alienatione loquitur Ictus in L. peto. 69. §. fin. ff. de legat. 2. & Imperator in auth. res quæ Cod. commun. de legat. Atque in hoc duplici genere prohibitionis, si contra ordinationem legis, vel voluntatem testatoris res alienetur, tunc ipsa alienatio est nulla, hoc est, illa alienatio non transfert dominium, sed salva manet pupillo, Ecclesia, vel heredi fideicommissario rei vindicatio etiam contra tertium quemcunque possessorem. Tertio autem modo prohibetur alienatio per contrahentes, quando eam legem vel pactum apponunt donationi vel emptioni & venditioni, *ne alienes*, hæc alienatio dicitur prohibita per pactum, & iste est casus dict. L. 3. Cod. de condict. ob caus. dator. verbis: *ea lege in vos collata donatio, ut neutri alienanda sua portionis facultas ulla competeret, id efficit, ne alteruter vestrum dominium prorsus alienet, vel ut donatori, vel heredi ejus conditio, si non fuerit conditio servata, queratur*. Hic Rhodus, hic Saltus. Inde difficultas, ut sciamus, an stante tali prohibitione alienationis, si donatarius rem ea lege donatam rursus alteri vendat, vel donet, anne transferat dominium in alium, & sic sit valida donatio, seu anne hoc pactum impediatur, ne res alienari cum effectu possit ab eo, qui sub eo pacto rem accepit, & anne dominium transferat in tertium, an verò tantum producat actionem personalem ad interese, vel estimationem, si contra pactum res fuerit alienata. Præterea in eo quoque dubium vertitur, cum in isto pacto prohibitorio videantur duo alternativè posita in lege? primò, ut non alienet fundum, secundo si alienet, seu si non fuerit conditio servata, queratur seu competat conditio, ad alternativam autem conditionem requiratur unam partem fieri veram, utra

utrum jam sit vera? an prior pars, quæ statuit, rem non esse alienandam, vel altera, quæ dicitur conditionem competere? & est hujus rei insignis effectus, nam si non potest transferri dominium, per illam donatarii vel emptoris primi alienationem, vel donationem, tunc non erit opus aliquâ conditione, quia alienatio facta perinde habetur, ac si non esset facta: manebit enim res penes donatarium, ut sic conditioni non fiat locus. Si autem est translatum dominium, tunc signum est valuisse alienationem subsequutam, & tunc nascitur conditio seu actio personalis contra illum donatarium, non autem contra possessorem rei, in quem est translata: atque sic, si à donatario condicam rem donatam, quam amplius non habet, hoc efficio, ut saltem mihi teneatur ad interesse. Ex istis ita præmissis facilis est casus figuratio, nempe Cajus donator Mævius donavit fundum Tusculanum, & tradidit eâ lege, ne Mævius donatarius eum alienaret: is spreta hac lege rem alienavit, queritur an dominium rei à Mævio sit translatum in accipientem tertium?

*ASSERTIO XXVII.**SUMMARIA.*

1. *Affertur sententia negans translationem domini in dato casu.*

2. 3. 4. 5. 6. 7. *Proponuntur argumenta hujus sententia.*

ET quidem inter alios videtur Antonio Merend. *Controuv. jur.* 1. lib. 1. cap. 31. non transferri dominium, si ve ponas, quod dominus convenerit cum alio de non alienando rem, quæ ejus est pleno jure; si ve cum quis in traditione rei suæ conditionem ponit, ne res alienetur. Imò movetur *L. fin. Cod. de reb. alien. non alienand.* ibi: *sancimus si ve lex alienationem inbibuerit, si ve testator hoc fecerit, si ve pactio contrahentium hoc admiserit, non*

solum dominii alienationem esse prohibendam, sed etiam ususfructus dationem, vel hypothecam, vel pignoris nexum penitus prohiberi. Quibus verbis videtur clarum esse Imperatorem Justinianum non solum prohibere alienationem, sed etiam ususfructus dationem & pignoris nexum, quando scilicet conventum fuit inter contrahentes, ne res alienetur, proinde si quis contra fecerit, alienatio erit non solum contra conventionem vel additum pactum, sed etiam contra Justiniani præceptum, eo quod ibi parificentur prohibitio alienationis à lege, testatore, & contrahentibus facta, consequenter alienatio ipso jure nulla erit: traditum est enim, quidquid adversus legis præceptum fit, inutile esse ipso jure, etiamsi non adsit decretum irritans. *L. non dubium. Cod. de legib.* itaque etiamsi admittatur pactum ex sua natura non posse impedire dominii translationem, tamen propter hanc legem, quæ specialiter prohibet alienari res, quas non alienari conventum est, seu quando ejusmodi lex vel pactum donationi vel emptioni & venditioni est additum, omnino inutilis alienatio erit. Secundo in traditione rei suæ licitum est legem, quam quis velit, ponere. *L. in traditionib. ff. de pact.* atque sic qui rem suam alteri vendere & tradere vult, potest vel plenum dominium, vel partem ejus transferre, cum liceat nobis de rebus nostris, ut volumus, disponere; itaque poterit etiam, qui rem suam alteri tradit, transferre dominium, sed sine facultate alienandi, est enim facultas alienandi non ita conjuncta cum dominio, ut non possit ab eo separari, ut videmus in pupillis & minoribus, furiosis, prodigis, atque ideo habet locum regula jam prius ex *L. penult. Cod. de pact.* & *L. in re mandata. Cod. mandati.* insinuata, unumquemque scilicet de rebus suis posse disponere, & posse quemlibet favori pro se introducto renuntiare; est verò facultas hæc alienandi res suas in favorem privatorum introducta, nec ulla lex ostendi potest, quæ prohibeat dominium à nobis abdicari posse. Tercio huic opinioni mirum in modum favere dicitur

text.

text. in præsent. *L. ea lege. Cod. de condict. ob caus. dator.* ubi Imperatores Valerianus & Gallienus à muliere quadam interrogati, quænam esset vis pacti in donatione positi, ne donatarii alienandi rem potestatem haberent, sic rescripserunt, *ea lege in vos collata donatio, ut neutri alienandæ suæ portionis facultas ulla competeret, id efficit, ne alteruter vestrum dominium prorsus alienet.* Videtis, quàm constanter respondeant Imperatores hujusmodi legem donationi adjectam efficere, *ne donatarii dominium prorsus alienent*, hoc est, ne alienando transferant dominium, si enim alienatio rei donatæ valida esset, atque acquirentem efficeret dominum, dici non posset, nec deberet, eam esse hujusmodi conventionis vim, ne donatarii dominium prorsus alienent, quod argumentum valde urget Ant. Merend. cit. loc. Quartò facit pro hac sententia text. in *L. si creditor. §. fin. ff. de distract. pign.* ubi si creditor apponit pactum rei oppignoratæ vel hypothecatæ, scilicet ne pignus vel hypotheca vendatur, tunc contra illud pactum debitor non potest vendere vel alienare; verba JCTi sunt: *Si pactum sit à creditore, ne liceat debitori hypothecam vendere vel pignus, quid juris sit, & an pactio talis nulla sit, quasi contra jus sit posita, ideoque venire possit, & certum est, nullam esse venditionem, ut pactiõni stetur.* Ratio dubitandi inde oriebatur, quòd cum ex juris dispositione liceat debitori alienare rem hypothecatam, videretur istud pactum inutile, quasi contra jus factum, quo tamen non obstante concludit JCTus, *certum esse, nullam venditionem esse, ut pactiõni stetur.* Hoc est, nullam esse venditionem quoad hoc, ut ex ea lædatur pactum, quanquam enim tunc contractus validus sit. *L. rem alienam. ff. de contrab. empt. & vend.* nihilominus, cum dominium transferre venditor non possit, in tantum, & ne offendatur pactum, venditio nulla est, ergò &c. Quintò ad hanc ipsam sententiam firmandam 6 insuper videtur plurimùm conferre, quod scribit Imperator Justinianus in *L. fin. Cod. de pactis. inter empt. & venditor.* dum ait:

ait: cum enim venditor vel alius alienator non alia lege transferre jus suum passus est, nisi tali fretus conventionem, quomodo ferendum est aliquam captionem ex varia pati cum interpretatione? Si proinde Imperator hoc loco aperte profitetur, non licere alienare res, quas non alienari conventum est, præterquam in casibus in conventionem præmissis, utique captionem contrahentes paterentur, si alienatio valeret in specie, de qua nobis hic sermo est, cum facta fuisset in casu prohibito, donatistæ enim mens fuit, ne dominium à donatario transferretur, ex qua causa donationi hanc legem apposuit. Denique huc etiam applicatur textus in *L. ea quidem. §. Cod. si mancip. ita fuerit alienat. ne manumitt.* ubi dicitur, quod si mancipium ea lege venerit, ne manumittatur, tunc si etiam manumittatur per emptorem, illam manumissionem esse nullam, tanquam factam contra prohibitionem vendentis, ergo &c. Et si tibi dono vel vendo prædium, ut singulis annis Marvio alimenta præstes, si tu non præstas alimenta & prædium alienas, nunquid possum hoc prædium vindicare. *L. 1. Cod. de donat. que sub mod.* quidni non ergo etiam in casu *L. 3. Cod. h. t.* & hæc sunt potissima argumenta, quibus Ant. Faber. *decad. 87. de error. pragmat. error. 5. 6. 7.* Ant. Merend. *d. lib. 1. Controv. 31.* Sande de probib. rer. alien. *part. 4. cap. 2. n. 18.* post Rogerium, & Martinum, paucosque alios utuntur.

ASSERTIO XXVIII.

SUMMARIA

1. Juxta aliquos in alternativa d. *L. 3.* ultima pars est vera, prior falsa.
2. Affirmatur pacto de non alienando non inhiberi translationem dominii.
3. 4. 5. 6. 7. 8. Stabilitur conclusio ratione & variis legibus.
9. Exponitur sententia Joann. Brunem. in d. *L. ea lege. 3. Cod. h. t. n. 6.*
10. Assignantur fontes, in quibus adducuntur contraria argumenta.

Quid.

Quidquid sit, communis Interpretum, & ut ex Cynote-
 statur Bachovius, omnium Modernorum sententia ad-
 verbiatur, ita quidem, ut juxta aliquos in illa alternativa nostra
 legis ultima pars sit vera: prior autem sit falsa, eo quod non ob-
 stante illa prohibitione possit nihilominus donatarius vel ven-
 ditor rem alienare, id est, transferre dominium, hoc enim alie-
 nationis verbo continetur. *L. alienationis verbo. ff. de V. S.* Si-
 chard. in *d. L. ea lege. n. 5. Cod. de condict. ob caus. dator.* ubi ra-
 tionem dat, quod nisi posset donatarius rem alienare, & sic
 alterius dominii facere, frustra esset inducta hoc loco condi-
 ctio ob causam: quæ nunquam competit, nisi cum est transla-
 tum dominium. Paulo aliter ex Bachovio Wisenbach ibidem,
 ubi equidem concludit, translatum esse dominium, quia con-
 dictio donatori & venditori datur in alienantem, non vindica-
 tio in tertium possessorem, verba verò hujus legis, *ne alteru-
 ter dominium alienet*, videntur hisce Interpretibus arguere
 mentem & voluntatem donantis, ut non præcisè falsa dicantur:
 Sequentia autem *velut donatori vel heredi ejus condictio*,
 denotare effectum juris, si pactio non sit servata; scilicet ut
 donatarii condictione teneantur, atque sic falli ajunt, DD. qui
 alternativam propositionem ibi somniant: puta ut alienatio sit
 nulla, aut condictio detur. Quidquid sit de hoc pacto con-
 ventionis vel traditioni rei adjecto, non inhiberi translatio-
 nem dominii, intrepidè concludo cum communi ex sequenti-
 bus motivis. Et inprimis ex solidissima hac ratione, quod pa-
 ctum non possit ex se afficere rem, sed tantum personam, cum
 sit nuda conventio, quæ non nisi actionem personalem pro-
 ducit: neque traditio facta ex justa causa purè & sine condi-
 tione suspensiva impedire potest dominii translationem,
 quod cum sine controversia translatum supponatur in pri-
 mum accipientem, nulla ratio reddi potest, propter quam
 porro dominium transferri nequeat. Facit text. in *L. si ita quis.*
135. §. ea lege. ff. de V. O. verb. ea lege donatum sibi esse à Seia
 I
 scr-

- seruam, & traditum, ut ne ad fratrem ejus, aut filium, aut uxorem, aut socrum perveniret: scripsit, & hæc ita stipulante Seia spondit Titius, qui post biennium hæredes relinquit Seiam & fratrem, cui ne serviret, expressum erat. Quæritur an Seia cum fratre & cohærede ex stipulatu possit agere: respondit posse in id, quod ejus interesset. Huc pertinet tertio text. in *L. penult. ff. de pact.* ubi J. C. P. Pomponius dicit, quod nemo paciscendo efficere possit, ne sibi locum suum dedicare liceat, aut ne sibi in suo sepelire mortuum liceat, aut ne vicino invito prædium alienet. Adfertur text. Ipse noster in *L. 3. Cod. de condict. ob caus. dator.* ubi donatori, qui rem donavit ea lege, ne alienandi facultas donatori competeret, datur condictio, si contra legem donationis factum fuerit, quæ actio est personalis. *L. 2. Cod. eod.* & ideo cum deficiat actio realis, quæ possit adversus eum, in quem alienatio facta erat, agere, consequenter non poterit rem recuperare ob dominium translatum, aliàs donatori licet possessori rem auferre per rei vindicationem. Ulterius ex eo moventur, quod pactum, ne intra certum tempus divisio fiat, non impediat venditionem & translationem dominii, etiam si ex vi pacti contineatur, ne res alienetur. *L. in hoc judicium. §. ult. ff. communi divid. L. idemque. 16. §. fin. ff. pro socio.*
- 8 ultimo adducitur text. ex *L. si sterilis. 21. §. si tibi 4. & 5. ff. de act. empt.* ubi Paulus J. C. sic loquitur: Si tibi fundum vendidero, ut eum conductum certa mercede haberem, ex vendito eo nomine mihi actio est, quasi in partem pretii ea res sit, sed et si tibi fundum ita vendidero, ut nulli alii eum, quam mihi venderes, actio eonamine ex vendito est, si alii vendideris. Hoc casu est pactum, ut nulli alii venderes, & tamen hinc non oritur alia actio, quam ex empto, id est, pro eo, quod interest, ut indicant illa verba, quasi in partem pretii ea res sit, ut probat text. in *L. 1. ff. eod.* ut proinde pactio hujusmodi translationem dominii non
- 9 impediatur. Non omittenda denique est sententia Joan. Brun- nem. in *d. L. ea lege. 3. Cod. b. t. n. 6.* cui videtur genuinus sen-
sus

sus esse hujus legis, si quis duobus rem donasset hac lege, ut neutri alienanda suæ portionis facultas ulla competeret, alterum horum actum videtur, videlicet, ne dominium ab altero prorsus alienetur, vel ut donator re alienata habeat conditionem hanc, quando verò ipsa alienatio impediatur, id hic Imperator non videtur explicare, sed alibi, nimirum si pactum ita sit conceptum, ut significet resolutionem contractus, tunc ad priorem dominum ipso jure redibit dominium & sic alienatio defacto erit nulla. *L. si cum venderet. ff. de pign. act.* idque exemplo pacti legis commissoriæ & additionis in diem ostendit Roland. de Valle *vol. 2. Consil. 62. n. 41.* quando verò pactum non significat resolutionem contractus, nec sibi donator expressè reservavit dominium, vel simile quid, tunc dabitur conditio personalis, ad quem casum ideo restringere auctor iste non vult hanc legem, ne fateri debeat, Imperatorem de jure dubitasse, quod ipsi est difficile. Ad argumenta in contrarium responderi Wisenbach, & imprimis ad *L. 7. §. ult. ff. de distract. pignor.* quòd huic responso Marciani ea constet ratio, quia creditor paciscens de non alienando pignore, retinet jus in re, cujus vigore à quovis possessore eam avocare potest. Oppignoratio enim rem ipsam afficit, non ita pactum. Pluribus Cyphan. ibi, & imprimis cit. Bachovius Antonio Fabro sufficienter, & hic more suo acerbè nimis, ut videre ibi, quando illum propter hanc sententiam novatorem & thra-
sonem compellat. Et certè si privatus quisque pactò tantum efficere posset, multorum dominia redderentur incerta, & utilitas publica pateretur: prout per hoc, quòd testator in ultima voluntate possit ita dominii transitum prohibere, & fideicommissa introducere, & in Bavaria, Bohemia, & Austria scimus decretum esse, non valere hujusmodi dispositiones quomodocunque favorabiles etiam in conservationem familiarum, nisi certo modo publicentur, ne scilicet aliàs creditores inscii toties, & tam graviter decipiantur.

CAPUT III.

De Conditione ob turpem causam,
 conditione furtiva, & conditione ex lege, &
 sine causa, vel injusta causa.

A S S E R T I O XXIX.

S U M M A R I A.

1. *Conditio ob turpem & injustam causam in quo distinguantur?*
2. *Differentia inter conditionem ob turpem causam, & conditionem ob causam datorum.*
3. *Triplex est turpitudinis consideratio.*
4. *Casu, quo turpiendo ex parte solius accipientis versatur, data est repetitio.*
5. *Afferitur exemplum turpitudinis ex parte solius accipientis, cui ratio dubitandi in contrarium & ratio decidendi subjungitur.*

P Ræpositus Codicis titulus *de condit. ob turpem causam* inscriptus paulò aliam in Pandectis rubricam habet, videlicet, *de condit. ob turpem, & injustam causam*, separat enim hæc Pandectarum inscriptio duas hæc causas tanquam diversas, etsi quoad vim hujus conditionis eundem effectum habeat, ideoque Accursius eas quidem, sed malè confundat, *turpis enim res dicitur*, quæ est contra bonos mores, *injusta* verò, quæ contra jura & leges. *L. conditiones. & LL. seqq. ff. de condit. institut.* neque verò quidquid est contra jus aut leges, confectum etiam est contra bonos mores saltem naturales, licet è contra, quidquid est contra bonos mores, etiam sit contra jus.

ius civile, cuius videlicet primum & potissimum præceptum est (quo cætera duo includuntur) *honestè vivere*, esto alias dici soleat, non omne, quod licitum, id est legibus impunitum est, etiam *honestum* seu decorum, & iustum esse. *L. non omne. 144. ff. de R. J. & L. semper. 42. ff. de ritu nupt.* Quæ inter hanc conditionem *ob turpem causam* & conditionem *ob causam datorum* priori explicatam capite differentia sit, ostendit Jctus in *L. 1. ff. b. t.* dum dicit, omne quod datur, vel dari ob causam honestam, vel turpem, si datur ob causam honestam, ita demum repeti, si causa secuta non fuerit: at verò id, quod datur ob causam turpem, aliquando repeti, etiam si res fuerit secuta, pro cuius meliori intellectu distinguit Jctus, cum ob rem turpem aliquid datum est, an turpitudine sit ex parte accipientis tantum, an sola ex parte dantis, an verò ex parte utriusque; aliud enim & aliud juris in hisce casibus constitutum est: incipiens autem ab eo casu, quo turpitudine sit ex parte solius accipientis, ait hoc casu esse repetitionem, etiam si causa secuta sit, in eaque differre conditionem ab illa, de qua in capite præcedenti actum est, utpote quæ juxta paulò antè dicta necessario requirat, ut causa secuta non sit, nisi proponatur secuta post moram, aut post poenitentiam antea infirmatam, adeoque perinde habeatur, ac si secuta non esset. *L. 5. §. 1. & ibid. inter pp. ff. de condit. caus. dat.* Exempla prioris casus, scilicet turpitudinis ex parte solius accipientis affert Jctus in *L. 2. ff. b. t.* veluti si dederim tibi 100. ne sacrilegium committas, aut furtum, vel ne hominem occidas. Ratio quidem dubitandi in contrarium hæc stringit, quòd cum turpe sit sacrilegium, aut furtum facere, vel hominem occidere (cum sint hæc omnia non modò contra leges, sed etiam contra bonos mores, & publicam honestatem lædant. *L. generaliter. 26. & seq. ff. de V. O. L. conditiones. & L. seq. ff. de condit. instit.*) consequenter à contrario sacrilegium aut furtum non facere, & hominem non occidere honestum sit, ac proinde quod eam ob causam

datum est, ob turpem causam datum videri nequeat, verum decidendi ratio in eo consistit, quod honeste quidem faciat, quisquis à furto, sacrilegio aut homicidio abstinet, sed turpiter facit, qui ut se abtineat, pecuniam ab aliquo accipit, debet enim sua cuique innocentia esse præmium, nec amore pecuniz, sed solius virtutis, adeoque nec poenæ formidine à sceleribus abstinendum est. Et ad publicam utilitatem maximè pertinet, ut sola legum autoritate coërceantur homines, ne delinquant, qui solo virtutis amore ad innocentiam invitari non possunt, quæ nunquam debet esse venalis. *L. 7. § si ob maleficio. ff. de pact.* nam qui pecuniam accipit, ne maleficio committat, hoc ipso testatur, se id commissurum fuisse, si pecuniam non accepisset; quod ipsum per se turpe est, quoniam turpitudine delictorum omnium non tam in delictis ipsis, quàm in voluntate delinquendi consistit, esto cogitationis poenam nemo in foro externo patiatur. *L. cogitationis. 18. ff. de poen.* sic Papinianus. Idem eadem ratione pronuntiavit, liberos ad paterna obsequia meritis provocandos, non autem pactioibus astringendos. text. in *L. si quando. 35. Cod. de inofficio. testam.* accurate more suo Clariss. D. Arnold. Rath. *disput. de interdict. pareg. §. 6. & 7.*

ASSERTIO XXX.

SUMMARIA

1. Proponitur secundum turpitudinis ex parte solius accipientis exemplum.
2. Pecuniam accipiens, ut depositum restituat, conditione ob turpem causam pariter, & actione depositi tenetur.
3. Quid hoc in casu intersit inter actionem bonæ fidei & stricti juris.
4. 5. Danti pecuniam ad legatum vel fideicommissum consequentum conditione duntaxat, non etiam actio ex testamento accommodatur: & quare?
6. Actio ex testamento in quibus imitetur actiones bonæ fidei?

Alte-

Alterum exemplum ab Ulp. allatum, in quo pecunia non turpiter datur, sed tamen turpiter accipitur, adeoque ex parte solius accipientis turpitudine versatur, ac proinde conditioni huic locus est, in eo verificatur, si dederim tibi pecuniam, ut mihi rem apud te depositam redderes, in quo ratio dubitandi & decidendi ferè eadem est, quæ in exemplo priori, qui enim depositum reddit, esto accepta eo nomine pecuniâ, facit tamen, quod deberet, nil ergo turpiter facit; sed tamen verum est, eum accipere pecuniam ob turpem causam, cum accipiat præcisè ob id, ne sit perfidus, qui alioquin, si non accepisset pecuniam, perfidus futurus fuisset: nam quid aliud est, pecuniam te accipere, *ut depositum mihi reddas*, quàm ipso facto demonstrare, te non velle restituere, nisi pecuniâ detur? atqui parum distat à fure, qui depositi restitutionem denegat, quia hoc ipso furtum faciat, ideoque etiam conditione furtiva tenetur. *L. si quis inficiatus. 13. §. 1. ff. depositi.* neque ergo multum interest, si pecuniam accipias, *ne furtum facias*, seu *ut depositum reddas*, licet in uno casu dandæ pecuniæ causa sit affirmativa, alia verò negativa, quoniam in effectu tota res eodem recidit, & utroque casu turpitudine versatur non quidem ex parte dantis, sed ex parte accipientis tamen, adeoque non impeditur proposita conditio, imò & actio depositi, (quæ 2 veluti bonæ fidei ob usuras & alia incrementa pinguior est. *L. mora. 32. §. in bonæ fidei. L. 34. & 36. ff. de usur.*) pariter accommodatur, si pecuniam acceperis, ut depositum restituas. *L. ult. in fin. ff. b. i. L. fin. ff. depositi.* in quo tamen casu pluri- 3 mum refert inter actionem bonæ fidei & stricti juris, nam in actione bonæ fidei procedit, ut scilicet præter conditionem ob turpem causam etiam detur actio bonæ fidei ex ipso contractu orta, generaliter enim observandum est, bonæ fidei iudicium nullam posse recipere præstationem, quæ contra bonam fidem turpiter adjiciatur. *L. 5. ff. de usur.* depositarius autem accipiendo pecuniam, ut depositum reddat, quod ultrò & spon-

sponte restituere tenetur, turpiter facit. *L. 2. ff. b. t.* ideoque dolum admittit, & fidem quodammodo frangit, quasi non fuisset restitutus, si pecuniam ei non solvisset deponens. *cit. L. fin. ff. b. t.* mirum proinde non est eam præstationem venire in actionem bonæ fidei, sicuti & cætera omnia, quæ sunt ex bona fide & æquitate jam *cit. L. fin. L. bonæ fidei. ff. de actionib. empt.* quod in contractibus stricti juris diversum est, ex quibus nec dolus ipse vindicari, sed tantum per actionem seu appositam exceptionem doli purgari solet. §. *in bonæ fidei. Inst. de act.* idque est, quod JCtus in *cit. L. fin. ff. b. t.* respondet, *si, ut id, quod mihi ex stipulatu vel testamento debebas, mihi præstares, pecuniam tibi dederim*; conditionem duntaxat pecuniæ datæ eo nomine competituram, non etiam actionem ex stipulatu vel ex testamento, nempe quia hæ actiones stricti juris sunt, nec minus actio ex testamento, quam ex stipulatu, quemadmodum text. in *cit. L. fin. ff. b. t.* optime probat, junctâ *L. aliâs. 6. ff. de in li- tem jurand. & L. si hæres. 5. ff. de eo, quod cert. loc.* quantumvis in nonnullis imitetur actiones bonæ fidei, puta in fructibus, & usuris legatorum vel fideicommissorum ex die mortis præstandis. *L. in minorum. 3. Cod. in quib. caus. L. si quis servo. & L. Titia Scio. §. usuris. ff. de legat. præstand.* propter voluntatem testatoris scilicet, quæ non fuit, ut hæres in præstatione legatorum moram faceret, sed ut statim, & plenè illa præstaret. *L. si cui legatum. 92. in fin. de condit. & demonstrat. L. in fideicommissaria. 18. ff. ad Scitum Trebell.* nihil autem testator dixit, neque cogitavit de eo casu, quo legatarius vel fideicommissarius pecuniam hæredi daret, ad legatū vel fideicommissum consequendum, & ideo non potest actio ex testamento porrigi ad pecuniam repetendam, sicuti nec ad aliud quidquam; quod legato vel fideicommissio non continetur, & hoc est; quod dici solet, actionem stricti juris non posse extendi, scilicet ad aliud quidquam extrinsecum, & in contractu vel in testamento non comprehensum. nam sicuti quidquid adstringendæ obligationis est, id

nisi

nisi verbis palam exprimatur, pro omisso haberi oportet. *L. quidquid. 99. ff. de V. O.* ita nec ex testamento agi potest, nisi ad hoc ipsum, quod legatum, vel fideicommissum relictum est, ne alioquin eveniat, ut in re testatoris liberaliores simus ipso testatore, quod foret absurdum. *L. debitor. 59. in fin. princ. L. facta §. si sub conditione. ff. ad SCtum Trebell.*

ASSERTIO XXXI.

SUMMARIA.

1. *Premium furem indicanti datum extra repetitionem est.*
2. *Quod tamen superiori conclusioni directe adversari videtur.*
3. *Sed explicatur distinguendo, an quis pecuniam accipiat, ut furem indicet, an verò ne indicet, cujus rei differentia assignatur.*

ENim verò magnam videtur facere difficultatem, quòd in *L. idem. 4. §. 4. ff. h. t.* cautum sit, si tibi indicium, id est, præmium indici seu indicanti dari solitum dederò, ut supitum meum indices, vel furem rerum mearum, non poterit repeti, quod datum est. adeò quidem, ut licet tantum sit promissa pecunia, nec præstetur, cum parata sit in eam actio præscriptis verbis. *L. solent. 15. ff. de præscript. verb.* ubi Iustus Ulp. dicit, non modò eos, qui sic pecuniam accipiunt, non esse fures, sed nec videri illicitum esse, hoc quod datur, adeoque non timeri hanc conditionem. Quod certè cum supradictis nequam consistere, sed ea potius directe evertere videtur; etenim si verum est, quod paulò antè fuit insinuaturn, eum, qui pecuniam accipit, ut id faciat, quod sponte & ultrò seu gratis, & ex sola honestate facere tenetur, v. g. ne delictum committat, vel ut mihi rem depositam reddat, hoc ipso censerit turpiter accipere. *L. fin. ff. h. t.* consequenter qui ad indicandum furem indicium, id est, aliquid accipit, quod detur in præmium futuræ indicationis, aut saltem ad provocandam indicationem,

cationem, hoc ipso pariter intelligitur turpiter accepisse, re-
 ètè proinde hac conditione conveniendus, cum quis cogatur
 gratis facere omnia ea, quæ ad publicam utilitatem pertinent,
 inter quæ non postremum illud est, ut delicta nocentium sint
 nota, ne alioquin impunita remaneant. *L. 18. ff. de injur.* Ita
 ratiocinatur Ant. Fabr. in *L. 4. §. 4. ff. h. t.* Ex quo objectioni ut
 3 obviæ eatur, dici debet, multum referre, an quis pecuniam
 accipiat, *ut furem indicet*, an verò *ne indicet*. posterius hoc
 turpe est, sed non item prius, cujus rei differentia, relictis va-
 riis aliorum responsis in eo consistit, quod adversus publicam
 utilitatem sit, id facere, per quod crimina detegi ac puniri ne-
 queant, quod sit accepta pecuniâ, *ne fur indicetur*, siquidem
 talis accipiens hoc ipso profiteatur, se indicaturum fuisse, si
 pecuniam non accepisset, quam voluntatem seu facultatem
 indicandi sibi præripit accipiendo pecuniam, *ne indicet*: is ve-
 rò, qui pecuniam accipit, *ut indicet furem*, nil facit contra
 publicam honestatem, quin potius prodest Reipublicæ, ut sci-
 licet magis indicet, utpote hoc ipso se obstringat ad indican-
 dum, quod alioquin nullo jure nec naturali, nec civili facere
 seu indicare tenebatur: quamvis igitur indicare mihi furem,
 ut mihi pro sis sine omni tuo incommodo, & honestum sit,
 & ex officio honestatis fortè non dissimile illi, qui errantiam
 monstrat, quia tamen jure quis ad id non obstringebatur, ac
 proinde sine scelere prætermittere potuit, non debet pecuniæ
 seu potius incitamenti seu invitamenti alicujus acceptio tur-
 pis dici, secus verò si ejusmodi factum sine pecunia omitti non
 potuisset, nullo proinde dignum præmio, sed potius coercen-
 da datio, quâ aliquid eam ob causam ipsi per se & ex legibus
 spontè & gratis faciendum obligato datum fuit.

A S S E R T I O XXXII.

S U M M A R I A.

1. Qui dat judici pecuniam pro sententia in mala causa per corruptio-
 nem obtinenda, repetere nequit.
2. Sed

2. Sed andans aliquid, ut in causa bona pro se pronuntietur, repetet?
Verius negatur, ipsique injungitur pena jactura litis.
3. Judex vero in tripulum fisco applicandum à Justiniano Imp. condemnatur; & quid si datum sit ad maturandam causam.

QUOD si pretium judici dederis pro ferenda pro te sententia, distinguas, an in mala, vel bona causa? priori casu res expedita est, quod ob parem utriusque tam dantis quàm accipientis turpitudinem proposita condictio seu repetitio cesset. *L. 3. ff. b. t.* posteriori verò casu magna est dubitatio, an condictio ob turpem causam locum habeat, quod verius negatur, cum talis dans teste Ulp. Jcto æquè ac prior crimen contrahere, & judicem corrumpere videatur. *L. 2. §. 2. ff. b. t.* idèoque ab Antonino Imperatore puniatur, ut litem perdat, & actionem suam amittat. *L. 1. §. Auth. seq. Cod. de pœn. jud. qui malè iud. eò quòd dissidentia justæ sententiæ*, inquit Imperator, *in pecuniæ corruptione spem negotij reposuerit*. quia munera obscurare solent oculos judicum, ne veritatem deprehendant, & facillè fieri potest, ut judex largitionibus & promissionibus obcæcatus à justitiæ tramite deflectat. Nec sanè video, quid pro dissidente Bartolo, & eum secuto Duareno responderi possit, quemadmodum enim poena jacturæ litis, quam Antoninus Imperator induxit, ad alium pertinere non pòtest, quàm ad eum, qui bonam causam habuit (cum jactura malæ & injustæ litis nulum damnum esse queat) ita negari non potest, quin crimen contrahat, & delinquat etiam is, qui pecuniam judici dat, ut bene pro se judicetur, porrò delictum & crimen ubicunque est, ibi etiam necesse est adesse turpitudinem, & consequenter pecunia judici data, ut pro dante bene judicetur, non potest facere, ut huic conditioni locus sit, cum nequeat facere, ut eò minùs turpitudine ex parte dantis quoque versetur. Ita iterum Anton. Fab. in *d. L. 2. §. 3. ff. b. t.* An ergò, inquires, judex pecuniam turpiter acceptam retinebit? Ita certè si non

Caput III. De Conditione ob turpem causam,
 ei cum alio res esset, quàm cum ipso, qui dedit, & sicuti jam dictum, ob turpitudinem à se commissam non mereretur habere conditionem, verùm in favorem fiscaliter hodie provisum, ut lucrum hoc turpe extorqueatur Judici, *auth. novo jure. Cod. de poen. jud. qui malè jud.* Lauterbach. *bic. §. 8. & 9.* ubi nec aliud dici debere ipsi videtur, si datum sit ad maturandum judicium dissent. Ant. Perez. *bic. n. 7.*

A S S E R T I O XXXIII.

S U M M A R I A.

1. Turpitude ex parte dantis sufficit ad denegandam conditionem ob turpem causam.
2. Datum meretrici libidinis explenda causâ à dante repeti nequit.
3. Juxta Jctum in L. 4. §. 3. ff. h. t. mulier turpiter facit, quod sit meretrix, sed non turpiter accipit, cum sit meretrix. inde gravis contentio inter DD.
4. Nos distinguimus turpitudinem Politicam inter & naturalem.
5. Datum ante fornicationem non minùs turpiter accipitur, quàm datur, etiam naturaliter loquendo.
6. Publica meretrix peracta libidine ex multorum sententia rectè etiam exigit promissum.
7. Occurritur alicui objectioni.
8. L. si flagiti. ff. de V. O. quomodo accipiendâ?
9. Adulterina, incestuosa, aut alia nefaria fornicaria pretium post rem turpem acceptum rectè in conscientia retinet, non item promissum rectè exigit in foro externo.

¶ **A**Tque hæcenus ubi vel utriusque, scilicet tam accipientis, quàm dantis, vel etiam solius accipientis turpitude versatur, quo solo posteriori casu conditio hæc locum habere solet, è contra verò ad eam denegandam sufficit turpitude ex parte:

parte solius dantis, imò suadet eam magis denegari, quàm si etiam accipientis turpitude accederet, adeoque ipsi accipienti posset aliquid imputari. Posita igitur turpitudine dantis non est laborandum de turpitudine accipientis in ordine ad hanc condiçionem denegandam, utpote quæ ex sola dantis parte æstimatur, & sicuti paulò ante dictum, tunc solummodo conceditur, quando ex parte solius accipientis turpitude versatur, qui proinde nec retentionem, nec ullum aliud juris remedium meretur. E contra ipse dans, qui sua datione potius delictum impedire conatur, legis auxilio & condiçione hac dignus censi debet. Jam ad casum difficiliorem, si quid datum meretrici libidinis explendæ causa? Et dubium non est, quòd id à dante repeti nequeat, quia nec dubitare quisquam potuit, quin hoc casu censeatur turpitude antè fornicationem commissà saltem ex parte ipsius dantis (quam vel solam ad hanc condiçionem denegandam sufficere, paulò antè traditum) sed in hoc difficultas, & quidem satis magna consistit, an tali casu versetur etiam turpitude ipsius accipientis? Et ecce JCtus hoc negat expressè in *L. 4. §. 3. ff. h. t.* & quidem ex hac ratione adjecta, *quòd mulier turpiter faciat, quòd sit meretrix* (cum id fiat contra jus naturale) *sed non turpiter accipiat, cum sit meretrix*: quæ JCti verba licet utique aperta sint, & omnino evincant, ex ejus sententia nullam hic accipientis meretricis turpitudinem versari, videtur tamen res ipsa contrarium loqui, & JCti sententiam improbare, tum, quòd si dantis turpitude hac in re versetur, non possit non accipientis turpitude simul deprehendi; si enim turpiter facit, qui dat, ut fiat maleficium, turpiter etiam facit, & quidem multò turpius, qui accipit, ut id ipsum perpetret: tum etiam, quòd meretrix propterea accipiat, quòd pudicitiam prostituat, cui consequens est, ut turpiter quoque faciat, cum libidinis causa accipit, quia & tunc pudicitiam prostituat, & simul ex ea turpitudi-

dine quæstum facit, ut proinde in hac ipsa receptione duplex quasi turpitudine verferetur, scilicet prostitutio, & sordes. tum denique, quòd omne pactum turpe sit, quo quis ad delinquendum invitatur, quia libidinis merces in meretrice ad hoc tendit, ut se danti prostituat, sine qua se non tam turpiter gereret, ac proinde hoc turpi lucro ad se prostituendam, & consequenter ad delinquendum invitatur. Anne ergò tam clarum JCTi responsum pugnat cum ratione, & veritate? Ita videtur multis cum Jacob. Wisenbach. ad ff. lib. 12. disput. 25. thes. 8. & hic ad Cod. ubi hanc rationem leoninam, futilem, & contemnendam putat, Mihi placet sub distinctione respondere, & quidem negativè, si Ulpianus accipiatur politicè, seu ut ita loquar, de politica turpitudine, & de suo tempore, seu sæculo, quo ipse vixit, & quo lupanaria seu separata meretricum domicilia tolerabantur, imò Veneri edificabantur templa, & mulieres corpus suum vulgare solitæ, licentiam stupri apud Ædiles impetrabant, ne in poenam L. Juliae inciderent (quam opinionem etiam iis Rebus publicis convenire volunt, in quibus nescio ex cuius boni prætextu etiamnum hodie lupanaria tolerantur) secus si JCTus accipiatur de naturali turpitudine, hujus respectu videtur ejus responsum cum ipsa rei veritate non consistere, nec quoad eam turpitudinem inter accipientem & dantem interesse: aut enim loquimur de ejusmodi acceptione
 3. & datione antè fornicationem commissam, aut post? priori casu certum est, tam acceptionem, quàm dationem naturaliter turpem & illicitam esse, utpote de re turpi factam, & quæ sine peccato nequeat impleri. Ludov. Molin. de J. & J. tract. 2. disp. 94. vers. tertia pars. Card. Lugo de J. & J. disp. 18. sect. 3. n. 46. cum actus venereus ejusmodi promissione à solutione ad eum ordinata intentus utriusque tam maris, quàm foeminae turpitudinem habeat. Didac. Covarruv. ad cap. peccatum part. 2. §. 2. n. 2. vers. deinde. Quòd si verò ejusmodi datio seu solutio

olutio post ipsam fornicationem peractam sequatur, quando
 proinde res turpis jam transiit & esse desinit, tunc nec ipsa da-
 tio turpis est, quatenus iustitiam commutativam respicit, &
 tendit ad compensationem seu mercedem usûs corporis à
 meretrice præstiti, & pretio æstimabilis, indeque vendibilis
 Covarruv. jam dict. loc. adeò quidem, ut publica meretrix
 post libidinem peractam ex multorum sententia rectè etiam 6
 exigat promissum, imò & absque promissione consuetum præ-
 mium, cum ea censenda non sit gratis, sed ob solitam & tacitè
 conventam mercedem copiam corporis sui fecisse. *L. 4. §. sed*
de quod meretrici. ff. h. t. videantur tradita Covarr. & Molin.
ut. LL. Nec refert, quòd, cum ejusmodi pactio aut solutio 7
 cum meretrice antè perpetratam turpitudinem inita nullam
 vim ipso jure ab initio habeat, ac proinde utrique contrahen-
 tium integrum sit à pacto & promissione (esto id, quod defa-
 cto solutum est, in poenam turpitudinis à dante commissæ re-
 peti nequeat) recedere. *L. generaliter. & L. si stipulor. ff. de*
V. O. consequenter videatur talis conventio ex postfacto non
 posse convalescere, præsertim quòd in *L. si flagitii. 123. ff. de*
V. O. apertè caveatur, ne quidem stipulationem flagitij jam
 acti causâ celebratam subsistere, adeoque promissionem ob
 rem turpem non valere, etiam posteaquam res turpis opere
 est impleta. Respondeo enim negando priorem consequen-
 tiam, eò quòd ejusmodi promissio post facti turpis præstatio-
 nem confirmetur quasi in vim contractûs innominati, qui antè
 terminis nudi manentis consensûs nequidem in promissione
 illicitæ actionem vel efficacem obligationem parit. Ad *L. si*
flagitii. ff. de V. O. reponi potest, illam procedere in ejusmo- 8
 di actibus, quinon modò ex sua natura sunt illiciti, verum e-
 iam in foro exteriori puniuntur, in quibus promissum præ-
 mium nequidem post turpitudinem perpetratam ideò peti po-
 test, quòd, cum leges ejusmodi actus, propter quos pactio
 fit, meritò puniant, non possint dici talem pactionem appro-
 bare,

bare, ne quis lucrum & poenam consequatur ex eo, unde ipsi
 9 poena imponitur. text. & Interpp. in *L. mercalem. Cod. h.t.* puta
 v. g. in adulterina, incestuosa, aut aliis nefariis fornicationi-
 bus, licet enim & ejusmodi mulieres pretium acceptum post
 rem turpem peractam æquè ac publicæ meretrices in foro con-
 scientiæ retinere possint, eò quòd sit eadem, si non major ra-
 tio, quia scilicet copia, quam illæ corporis sui fecerunt, multò
 majoris valoris sit, quàm publicæ meretricis *Molin. dict. disput.*
 94. *vers. de occulta fornicaria.* asserens contrariam sententi-
 am improbabilem esse, non tamen in foro externo audirentur
 promissum pretium exigentes. Covarruv. *ad d. cap. pec-*
catum. part. 2. §. 2. vers. ex his planè, ubi hanc sententiam proba-
 tissimi juris esse astruit, quos vide.

A S S E R T I O XXXIV.

S U M M A R I A.

1. *Conditio furtiva neque ex vero, neque ex quasi contractu nasci-*
tur.
2. *Furto commisso quatuor competunt remedia juris.*
3. *Rei vindicatio non tantum contra furem datur, sed etiam contra ter-*
tium bonæ fidei possessorem, esto rem in publico emerit.
4. *Neque hac in re distinctio facienda est Christianos inter & Judæos.*

1 **P**Riores jam explicatas tres conditiones, videlicet indebiti,
 ob causam datorum, & ob turpem causam sequitur nunc
 quarta, de qua nobis etiam hoc capite sermo sit, nimirum *con-*
ditio furtiva toto cælo à tribus prioribus distincta, quòd illæ
 non quidem ex vero seu propriè dicto, sed tamen ex quasi sal-
 tem contractu seu ex tacita conventionione, adeoque ex tacito
 consensu oriantur, eò quòd nascantur extra id, quòd inter par-
 tes expressè actum est, cum ex adverso in omni vero contractu
 id agatur inter contrahentes, ut unus alteri obligetur, ac pro-
 inde

ide obligatio non proveniat extra id, sed ex eo ipso, quod artes intendunt, imò etiam expressè agunt, conditio verò furtiva, quemadmodum ex vero contractu nequaquam profiscitur, ita nec ullus quasi contractus in ea juxta communem D. sententiam propterea intelligi potest, quòd Interpretes assim velint eam ex ipso furto nasci (prout in latiori significatione aliquando actio furti vocatur *L. 9. ff. de in litem jurand.* *L. 14. §. 16. L. 71. ff. de furt.*) adeoque in ea non modò definit verus ac apertus, sed etiam tacitus, seu fictus, ac licitus consensus ad quasi contractus substantiam requisitus: atque ut hæc actio plenius intelligatur, scias imprimis, furto commissio quatuor juris remedia seu actiones competere, quarum quædam sunt de re ipsa, quæ furto ablata fuit, repetenda, quarum de furto ipso maleficii coercendi gratiâ. Dere ipsa ad eam repetendam tres sunt actiones domino rei furtivæ propositæ, nimirum actio ad exhibendum, rei vindicatio & conditio furtiva, quarum prior est præparatoria ad rei vindicationem omnibus concessa, qui in rem acturi sunt, ut res exhibitæ tertio locò designari seu oculis subijci, & designata si ipsius actoris fuerit, ab eo vindicari possit. *L. 3. §. 1. ff. ad exhibendum. L. si in rem. ff. de rei vindicat.* Rei vindicatio, veluti realis ac proinde adversus omnes & quacunque ex causa possessores prodita non modò competit contra ipsum furem, sed etiam conveniri potest quilibet alius possessor, esto vel maxime bonam fidem habeat, & fortè rem ablatam vel in publico foro, aut à publica stationaria emerit, adeò ut eam quoque non constitutò pretiò (receptis tamen sumptibus in ipsam rem furtivam, v. g. in pecoris sustentationem factis) priori Domino redlere cogatur, sibi proinde imputaturus, quòd, sicuti Imperatores in *L. 2. Cod. de furt.* rescribunt, cautius non fuerit mercatus. *L. mater tua. 3. & L. si mancipium. 23. Cod. de rei vind.* cum quibus juris textibus etiam convenit Criminal. constitut. Caroli V. Imperatoris die *Peinliche Hals Gerichts-Ordnung. art. 23.*

L

&

¶ *segg.* nisi quis fortè rem furtivam modico pretiò & eo nomine emerit, ut domino eandem restitueret, quo casu non solum in foro interno, seu conscientia, sed etiam exteriori dominum ad ejus pretii restitutionem actione negotiorum gestorum compellendum existimant. Covarr. *ad cap. peccatum. part. 3. in princ. n. ult. de R. J. in 6.* & Ludov. Molin. *de J. & J. tract. 1. disp. 721. in princ.* Neque est hac in parte distinctio facienda, seu emptor sit Christianus, seu Judæus, quem scilicet etiam Recessus Imperij nolunt in hoc melioris conditionis esse, quàm Christianum, sicuti patet ex ordinat. Polit. Caroli V. in Comitibus Augustanis *de anno 1548. rubr. von Juden / und ihrem Bucher.* circa fin. quam renovavit, & poenâ arbitrariâ in Judæos fraudulentos, ac scienter rem alienam furtivam ementes statutâ auxit Rudolphus II. in Comitibus Francofurti anno 1577. celebratis. *rubr. von Juden und ihrem Bucher. §. daß auch die Juden.* Vide tradita Clariss. Dni Arnold. Rath. *Illustr. quest. assert. 63. 64.* ubi Judæos siti inextinguibili & hydropè nullis curanda herbis tanquam corvos voraces luposque insatiabiles præ Christianis, quos taliter emungunt, nullo favore dignos judicat, atque sic provincias & regiones, quæ iis carent, felices pronuntiat, laudatque constitutiones Bavaricas *Landes und Policey Ordnung lib. 5. tit. 1. art. 1.*

A S S E R T I O XXXV.

S U M M A R I A.

1. Definitur *condictio furtiva.*
2. Explicatio definitionis, & reprobatio Hottomanni *asserentis conditionem hanc esse actionem Pratoriam.*
3. Cui detur *condictio furtiva?*
4. *Condictio hac quo sensu soli domino dicatur competere?*
5. *Nec fur, nec ipsius hæres questionem domini condicenti referre possit.*

1. *Creditori jus vel possessionem in re furtiva habenti datur conditio quadam incerti, non item commodatario vel conductori.*

Tertia est actio furti poenalis ad duplum, vel quadruplum, vel Domino, vel etiam alij competens, cujus interest rem aliam esse §. 13. *Inst. de obligat. qua ex delict.* L. 85. ff. de furt. quæ tamen huc non spectat. Quarta nomine rei furtivæ ablatæ prodita dicitur conditio furtiva, quæ est actio personalis, civilis, quâ Dominus intendit rem furto ablatam sibi dari oportere. §. sic itaque. *Inst. de act. & L. actionum.* 25. ff. de O. & A. Dixi actionem esse civilem, reprobata dissensionis Hottomanni sententiâ, qui ad jam dict. §. si itaque. *Inst. de act.* tradit eam esse Prætoriam, eò quòd conditio furtiva à civilibus actionibus degeneret, & pleræque leges sub hoc titulo extantes ex libris Juratorum ad edictum desumptæ sint, consequenter ea non civilis, sed prætoria censenda sit, cum tamen & aliæ quoque civiles actiones in multis à reliquis degenerent, nec tamen eò minus sint & mancant civiles, quod ipsum maxime patet in mutuo. L. singularia. 15. ff. si certum petatur. ubi etiam fit relatio ad Edictum perpetuum, ex quo tamen nemo rectè inferet, conditionem certi ex mutuo non Civilem, sed Prætoriam actionem esse. Sequuntur verba in definitione hujus actionis: *quâ dominus intendit rem furto ablatam sibi dari oportere.* Illi enim, qui Dominus non est, hæc actio minimè accommodatur. L. 1. ff. b. t. nec creditori, nec commodatario, quibus pignus vel commodatum surreptum est, non competit, quia domini non sunt. d. L. 1. ff. b. t. pari ratione si Dominus rei furtivæ factò suo vel testatoris veluti rem furtivam alteri legantis, defierit dominus esse, amplius ei conditio non datur. L. 10. §. fin. ff. b. t. secus verò, si dominium sine suo vel testatoris facto amiserit, puta v. g. si ab eo, cum quo rem substractam habuit communem, ad divisionem provocatus debuit à communione recedere, adeoque dominium, quod pro

indiviso habuit, amittere. *L. & Ideo. 12. ff. b. t.* differentia ratio in eo consistit, quod in priori casu dominus sibi imputare debeat, cur factio suo & ultro dominium amiserit, quod tamen ad hanc actionem exercendam est necessarium, id vero in priori casu seu etiam in alienatione necessaria dici nequit, maxime, quod alienatio necessaria in multis nomine alienationis non comprehendatur. *L. alienationes. 13. ff. famil. herciscund.* Quin nec ei quoque conditio furtiva datur, qui tempore furti commissi dominium rei furtivæ non habuit, sed illud demum postea acquisivit. *L. 11. ff. b. t.* tempus enim commissi furti inspiciendum est. *L. si procuratorem. 8. in princ. ff. mandati.* & initium cuiusque rei attendendum. *L. 1. §. quod si rem. & §. si servus. 30. ff. depositi.* Ant. Faber in *L. 10. §. 2. L. 4. 11. & L. 12. ff. de condition. furt.* Deinde quod dici solet, & in dict. *L. 1. ff. b. t.* aperte confirmatur, conditionem furtivam soli Domino competere, hunc imprimis sensum habet, ut removeantur ab hac actione ij, quibus actio furti datur ex hac sola & præcisa causa, quod eorum ex alia ratione quam dominij intersit, rem furto ablatam non esse, qualis est v. g. conductor & commodatarius. *§. furti autem. Inst. de obl. qua ex delict.* *L. fin. Cod. de furt. L. 71. §. 1. ff. de furt.* minime vero ideo, quasi qui conditione furtiva experitur, necesse habeat dominium probare (neque enim furi conceditur quaestionem dominii referre, licet e contra permissum est ei, qui tanquam possessor rei venditæ convenitur, ac proinde actore non probante absolvi debet, esto nec ipse quidquam probaverit. *§. retinenda. Inst. de inter d. & L. fin. Cod. de rei vend.*) sed saltem ex causa dominij agere, & dicere se dominum esse, quod & tunc præsumitur esse verum, quoad ipsius furis, imò & hæredis præjudicium, qui non debet hac in parte melioris conditionis esse, aut ex illius persona conditio obligationis mutari, text. & Interpp in *L. 2. §. 2. ff. de V. O.* atque hæc sententia, quod nec hæres ipsius furis quaestionem dominij ipsi con-

con-

condicenti *reserere* possit, clarè etiam probatur non tantum in ipsa ordinat. Carol. V. *art. 207.* sed vel maximè jam antè in *L. 2. de vi bonor. rapt.* ubi cavetur, actionem vi bonorum raptorum requidem quoad hoc in hæredem competere, in quo ex deuncti rapina locupletatus est, *quia*, inquit Ictus, *Prator putavit sufficere conditionem furtivam.* Quæ ratio si non falsa, altem dura & iniqua foret, si actor in conditione furtiva onere probandi dominii contra hæredem gravaretur, à quo tamen in actione vi bonorum raptorum procul dubio foret immunis, sicuti rectè & subtiliter advertit Bachov. in *Chiliad. error.* Ant. Faber. *decad. 78. error. 1.* & dissent. Ant. Fabr. merito refutat. Deinde quod dictum conditionem furtivam soli domino competere, accipiendum est de conditione certi, etenim rectè Wilsenb. ad *ff. lib. 13. disput. 26. thes. 3.* cum communis DD. sententia ad conciliationem legum prima fronte consonantium distinguunt duplicem conditionem certi & incerti, quæ posterior datur ad id, quod interest, & ideo incerta dicitur prodita creditori jus vel possessionem in re furtiva habenti. *L. 12. §. fin. ff. h. t. & L. 22. ff. de pign.* non item commodatario vel conductori, qui nullum jus reale vel possessionem habent: licet enim hoc text. in *L. fin. Cod. de furt.* per verba: *non tantum in rem sed & pœnam furti* vincere & commodatario & conductori suffragari videantur, ceteriùs tamen ea intelliguntur de actione ad exhibendum, eò quod aliàs hæc conditio ex eadem ratione, & deberet competere ipsi conductori, & ita ferme eluderentur leges, quæ conditionem furtivam soli domino dari affirmant, dissent. Clariss. Dno. de Bassis *decis. 28. n. 9.* ubi propterea etiam commodatario conditionem incerti furtivam tribuit, alii actionem in factum, vel officium Judicis huic malunt tribuere. Vide me *ib. 4. Inst. tit. 1. q. 17. object. 2.* Dixi etiam *ad rem furtivam ablata*, nam ad eam hanc conditionem videlicet certi competere constat ex *L. in re furtiva. ff. h. t.* unde & nomen accepit,

Caput III. De Conditione ob turpem causam,
modò de re mobili intelligatur, quia in re immobili explosa
Veterum sententiâ furtum fieri non potest, cùm contrectari seu
amoveri nequeat. §. *furtum. Inst. de oblig. quæ ex delict.* & *L. ve-*
rum. 25. ff. de furt. ibi: verum est, quod plerique probant, furti a furto
agi non posse.

ASSERTIO XXXVI.

SUMMARIA.

1. Verba sibi dari oportere in definitione posita videntur & rationi juris, & ipsi rei veritati repugnare.
2. Explicatur opinio Glossæ.
3. In quam, quidquid dicamus, incidere & recidere cogimur.
4. In quem finem detur conditio hac adversus furem?
5. Conditio furtiva tantum competit adversus ipsum furem, & ejus heredem.
6. Casus, quibus pistor ratione framenti à fure bona fide empti non convenitur.
7. Theologi tertium rei furtivæ ex titulo lucrativo possessorem ad pretium ex ejus venditione acquisitum & in utilitatem conversum Dominum restituendum condemnant; nos nec omnino ab ipsis recedimus, nec omnino accedimus.
8. Pistor ex frumento à fure bona fide acquisito conficiens panes convenitur tanquam specificans actionem in factum, est contra communissimam Theologorum.
9. D. Arnold. Rath hoc inter Theologos, & Jurisperitos dissidium distinctione inter forum externum & internum componit.

Sequuntur postrema verba sibi dari oportere, quæ, cùm verbum dare in jure nostro verbis tradere & restituere opponatur, & dominii translationem inducat. §. *sic itaque. Inst. de act. L. ubi autem. 75. §. fin. ff. de V. O.* videntur non modò rationi juris, sed ipsi quoque rei veritati repugnare, & quasi implicantiam in terminis, seu apertam contradictionem propterea importare, quòd sicuti contraria, imò contradictoria sunt

int, aliquem unius ejusdemque rei dominum esse & non esse, a nec sinè aperta contradicçãoe fieri possit, ut in actorem, qui anc actionem instituit, ipsius rei furtivæ dominium transfe-
tur, cùm, quòd fur dominium non habeat, & consequenter ec id possit transferre. *L. nemo plus. ff. de R. J.* tum quòd actor m antea dominus sit; adeóque dominus fieri amplius neque-
: *d. §. sic itaque. Inst. de act. §. sed si rem. 10. Inst. de legat.* Nec
ifficultatem solvit, si quis cum Justiniano *injam d. §. sic itaque.*
espondeat, odiò furum id comparatum esse adversùs stricti
ris rationem, ut pluribus actionibus teneantur, non enim
otest odium furum facere, ut vel res furtiva, quæ jam antè est
storis, magis ejus fieri possit, vel ut fur condiçãoe furtiva
onventus dominium rei furtivæ, quod ipse non habuit, trans-
erat in actorem contra apertam juris regulam. *d. L. nemo. 54.*
: *de R. J.* cùm furtum non sit modus acquirendi vel amittendi
ominii. Res hæc, ut verum fatear, varias Interpretum dispu-
ationes & explicationes peperit; & cum Gloss. in *L. cum qui* 2
4. *§. qualis. 16. ff. de furt.* nonnulli audacter, & simpliciter pu-
ant, quòd condição furtiva non sit ad dandum, sed ad resti-
uendum, cui opinioni vehementer refragatur, quòd ita ex-
eptio non sit futura de regula, contra mentem & expressa
ustiniani verba, qui posteaquam præmiserat per condições
on posse quem intendere, *rem suam sibi dari oportere*, statim
xcipit condiçãoem furtivam, adeóque in ea jam dictam in-
entionem seu petitionem rei propriæ sibi dandæ admitti evi-
enter supponit: quare simplicior & faciliior quidem videtur
intentia Joan. Fabr. Jas. & Angeli in *d. §. sic itaque. Inst. de act.*
ùm hæc sit natura condiçãoum, non ut intententur ad dan-
um, & placuerit tamen condiçãoem dari contra furem, ne-
essariò eam sub hac ipsa formula concedendam fuisse, præser-
im cùm sæpè de æstimatione restituenda tractetur, quæ ipsa
rique est res verè aliena, non propria actoris. Sed profectò 3
uidquid moveamus vel tractemus, incidere & recidere ferè
CO-

cogimur in paulò antè relatam opinionem Gloss. quòd conditio hæc verbis quidem concepta sit ad dandum, sed effectu & re ipsa ad restituendum: quò facit text. in *L. scire. 29. ff. de V. O.* ubi licet teste Jcto non possim stipulari hominem seu servum meum surreptum *mibi dari*, nihilominus tamen rectè stipulor, *quòd ex causa conditionis mibi dari oportet*. Ex quo necessario sequitur, verbum *dare* in formula ipsa conditionis contra furem (ubi quidem de re ipsa adhuc extante sermo est) im-

4 propriè & abusivè usurpari, etsi interim detur conditio adversus furem in eum finem, ut effectibus illis, v. g. ut ad ipsum veluti fictione juris quasi Dominum periculum ipsius rei furtivæ pertineat, quos aliæ conditiones habent, locus fieri possit, atque in hoc videtur considerandum odium furis, cujus meminit Justinianus in *d. §. sic itaque. Inst. de act.* & quidem ex hac non contemnenda ratione, quòd, cùm alienam rem surripiens hoc agat, quantum quidem potest, ut ejus dominium sibi acquirat, & verè sibi acquireret, si furtum esset modus acquirendi dominii, igitur quantumvis fur ex defectu potestatis non fiat Dominus rei furtivæ, nullam tamen querelæ occasionem habet, si ea actione conveniatur, quâ conveniri posset, si ejus voluntas habuisset effectum, atqui eo casu nemo dubitaret, quin ipsa conditio ad verè dandum posset conveniri, quia videlicet ex turpi & injusta causa, nec absque scelere alienæ rei dominium habere cepisset, meritò ergò conditio tenetur, quæ furtiva dicitur, ob hoc solum, quia Dominus fur fieri voluit. Clariss. D. Wittmont *hic. n. 19.* & antè ipsum Laudatiss. D. Rath. *de actionibus. n. 203.* Quamvis verò paulò antè dictum sit, rei vindicationem dari adversus quemcunque possessorem, conditio tamen furtiva tantum competit adversus ipsum furem & ejus hæredem. *§. fin. Inst. de oblig. quæ ex delict.* & *L. si pro fure. 7. §. fin. cum L. seq. ff. b. t.* cujus differentia ratio præterquam ex eo juris fundamento desumatur, quòd rei vindicatio sit actio realis, conditio verò actio in personam.

inde.

ndéque solummodò adversùs eum competat, qui auctori ex aliqua causa obligatus est. §. 1. *Inst. de act.* præterea nimis durum & iniquum foret, tertium bonæ fidei possessorem rei sine suo facto & culpa jam extinctæ & bonæ fidei à se comparatæ estimationem restituere, & simul pretiò pro comparanda foret expositò carcere debere. Hinc nec pistor, si frumentum à iure bonæ fidei emptum rursus alteri vendidit, aut id ipsum apud eum sine ejus facto & prævisione interiit, nec qui panem inde confectum emit, ulla planè actione à priori Domino potest conveniri, esto etiam notabile aliquod lucrum ex tali iterum vendito frumento pistor reportaverit, quoniam illud ex sua negotiatione & opera potius, quàm ex re prioris Domini habere intelligatur. *L. venditor ex hereditate. vers. quoniam noram. ff. de hered. & act. vend.* licet aliud obtinere videatur, 7
i res furtiva tertio possessori ex titulo lucrativo obvenit, tunc enim Theologi passim volunt, pretium ex ejus venditione acquisitum & in utilitatem conversum, domino rei furtivæ restituendum esse. Didacus Covarr. *ad cap. peccatum. part. in princ. n. 3. de R. J. in 6.* & R. P. Laymann. *lib. 3. Theol. moral. tract. 4. cap. 17. n. 25.* quibus ego quoque propter textus apertum in *L. si eum servum. 23. ff. de reb. cred.* assentior videntem, sed eorum fundamentum nequaquam probo, quod si moti malè putant bonæ fidei possessorem etiam fructus consumptos, ex quibus locupletior factus est, restituere tenei, quod in judicio singulari seu in rei vindicatione verum non esse patet ex *L. sed & loci. 4. §. post litem. ff. fin. regund. & L. 4. §. ma. ff. de usucap.* Quòd si verò pistor frumentum à fure bonæ fidei acquisitum pensendo absumpsisset, licet nec tum teneatur 8
condiçione furtiva ex ratione paulò antè insinuata, nec rei vindicatione (cùm frumentum furtò ablatum non amplius possideat, nec dolò malò desierit possidere. text. & Interpp. in *L. fin. autem. §. 1. ff. de rei vind.* aliud namque est frumentum, & aliud panis inde coctus, adeoque nova species inde confe-

Sta, & pistori tanquam specificanti acquisita. §. *cum ex aliena. Inst. de rer. divis.*) rectè tamen convenietur tanquam specificans, seu qui materiam alienam in novam suam speciem convertit, actione in factum, quâ omnes tenentur, quorum factio res à domino recessit. *L. in rem. 23. §. 4. & seqq. ff. de rei vind.* licet è contra teste Molinâ *de J. & J. tract. 2. disp. 721.* & Card. Lugo *tom. 1. disp. 17. sect. 1. n. 19.* Layman. *lib. 3. Theol. moral. tract. 4. n. 25.* cum Julio Claro ad §. *furtum. n. 26.* communissimè Theologi dissentiant, & bonæ fidei possessorem nec ex consumptionis facto, nec ex ulla ejusmodi culpa ad restitutionem aliquam adstringant, eò quòd consumptio, inquirunt, ejus rei, vel negligens custodia non sit actio injusta, cum conficiens, seu specificans se bona fide gerat erga illam tanquam rem suam, quod licet & ego jure naturali spectato admittam, jus tamen civile adversatur, & eum, qui bona etiam fide rem alienam consumit, ex ejusmodi facto, quo domino rem suam aufert, ad pretij æstimationem, non quidem ex Legge Aquilia veluti culpam aliquam desiderante, sed actione in factum eo nomine prodita obligavit *juxta text. paulo ante cit.* qua de causa & lanionem, qui emptas oves furtivas mactavit, ad earum pretium solvendum, ex *L. si & me & Titium. 32. ff. si cert. petas. rectè conventum,* & de jure à Scabinis Lipsiensibus condemnatum fuisse, refert Modestinus. *Pistor. part. 4. quest. 156.* vide tradita Clariss. D. Arnold. Rath. *quest. illustr. assert. 68. & seqq.* & hæc cum ita scribo, video quòd hic iste per 49. annos Antecessor juris in hac Universitate meritissimus, Jctus suo tempore nulli in puncto juris secundus ingens hoc, ut vocat, inter Theologos, & Jurisperitos dissidium distinctione inter forum externum, & internum componat *disput. de interdictis. parerg. 2.*

ASSER.

A S S E R T I O XXXVII.

S U M M A R I A.

1. Ostenditur, quæ sit utilitas conditionis furtivæ?
2. Affertur opinio Ant. Fabri circa æstimationem quanti plurimi in conditione hac receptam,
3. Sed reprobatur.

Quòd si nunc regeras, cùm conditio furtiva tantùm detur contra furem & ejus hæredem, cur igitur præter rei vindicationem veluti adversus omnem possessorem proditam, ac proinde in hoc plenior leges etiam conditionem furtivam nomine ipsius rei recuperandæ quasi frustra introduxerint, aut cui bono fuerit, Domino rei talem conditionem instituire? Respondeo causam hujus introductæ actionis tam ex parte furis, quàm etiam ipsius Domini satis magnam esse, & quidem imprimis ex parte furis non modò, ut in odium eum pluribus actionibus teneatur (sicuti loquitur Imperator in d. §. sic itaque Inst. de act. præsertim quòd hæc actio, licet non iuris, facti tamen infamiam contineat. text. & Interpp. in L. cessat. ff. de O. & A.) sed etiam, ut magis & plenius conveniatur, ex qua posteriori ratione etiam intelligitur causa hujus introductæ actionis ex parte Domini, quòd is scilicet per conditionem furtivam æstimationem rei à fure & ejus hærede consequi possit, ubicunque tandem & apud quemcunque res furtiva extiterit: aut forsan planè etiam interierit, idque, quia iur citra omnem quoque hominis interpellationem statim à tempore commissi delicti in perpetua mora esse intelligatur, atque ideo non solùm perpetuetur mora, & consequenter etiam conditio furtiva, sed & quanti res ipsa plurimi fuerit, in condemnationem deducatur. L. 8. §. 1. & L. fin. ff. h. t. cùm ex adverso, ut fur ejusque hæres rei vindicatione conveniantur, necesse sit, eos rem defacto aut verè, aut saltem fictè possidere

fidere vel detinere. *L. fin. ff. de R. V. & §. fin. Inst. de oblig. quæ ex delict.* nec proinde possit mora furis facere, ut contra eum rei vindicatio perpetuetur, nisi fortè ea fuerit per litis contestationem iudicio inclusa. *L. item si. 1 §. in fin. ff. de R. V.* aut fur ob factam alienationem dolò desierit possidere, ad quod solum ipsum furtum nequaquam sufficit, quoniam licet fur ab initio dolum commiserit, rem ipsam furando, potest tamen ejusdem possessionem ex postfacto sine dolo amittere.

² Nititur quidem hic more solito contra torrentem subtil. Ant. Faber. tam *lib. 16. comest. cap. 11. quàm in tract. de error. pragmat. decad. 81. error. 11.* etiam dictam sententiam de æstimatione quanti plurimi in conditione hac non modò à Veteribus, sed etiam à Neotericis unanimi quasi suffragio receptam damnans existimat, id quod in *L. 8. §. 1. ff. b. t.* statuitur, quoad æstimationem faciendam *id temporis spectandum, quo res unquam plurimi fuit.* ita ex *L. 2. §. 3. ff. de privat. delict.* accipiendum esse, ut res furtiva non pluris æstimetur, quàm quanti plurimi fuit à die litis contestatæ ad diem usque, quo restituatur, eò quòd conditio ex causa furtiva, sicuti loquitur ibidem Ulp. *non expediatur retrorsum judicij accipiendi tempus.* Verùm hoc Fabri commentum, ut eum solidè confutat Clariss. D. Arnold. Rath. *quæst. Illustr. assert. 70. & menti. & verbis J.Cti in d. L. 8. ff. b. t.* repugnat, ubi hæc redditur ratio, cur fur teneatur quanti plurimi, quia in perpetua sit mora, perpetua scilicet, jam inde à tempore commissi delicti, quemadmodum expressè traditur in *L. fin. ff. eod.* nec suffragatur Fabro malè tortus Ulp. in *d. L. 2. §. 3. ff. de privat. delict.* quoniam tempus judicij *accipiendi* non est tempus litis contestatæ (siquidem hoc tempus *accepti* judicij dicatur, nec verisimile sit, J.Ctum futurum pro præterito posuisse) sed tempus obligationis natæ seu delicti commissi, ex quo scilicet fur statim in iudicium vocari, & ad id accipiendum compelli potest, idque vel contendit oppositio ibidem facta inter *L. Aquiliam*

quiliam & condiçãoem furtivam, quod videlicet in illa æstimatione expediat retrorsum tempus delicti commissi, condição vero furtiva tantum complectatur computationem à tempore iudicii accipiendi, seu commissi furti, adeo, ut in re furtiva æstimanda singula momenta, & non tantum tempora furti commissi, litis contestatæ, aut rei iudicatæ & etiam peremptoriatæ (quemadmodum Cuiacium sentire Faber refert) spectari oporteat, neque potest Ant. Faber ullam probabilem differentie rationem adferre, cur ex *L. cum furti. 9. ff. de in litem urand.* res statim à tempore delicti commissi in ipsa actione furti, & non similiter in condiçãoe furtiva æstimetur.

ASSERTIO XXXVIII. SUMMARIÆ.

1. *Dabitur, quatenus seu quousque condição furtiva adversus heredem competat?*
2. *Propositur sententia Jacob. Cuiacii.*
3. *Qua rejecta statuitur condiçãoem hanc, casu, quo unus solus hæres est, adversus eum transire in solidum, si plures, pro parte hereditaria.*
4. *5. Dissolvitur aliqua obiectio, & probatur condiçãoem furtivam non ex delicto, sed occasione delicti competere.*
5. *Argumenta Cuiacii levioris sunt momenti, & magna disparitas patris ob furtum filij, & hæredis propter furtum defuncti.*
6. *Explicatur mens Statuti cuiusdam Bavarici in der erklärten Landes Freyheit part. 4. art. 5.*
7. *Condição triticaria unde sic dicta?*
8. *In quo differant condição certi & triticaria?*

Certum igitur est, condiçãoem furtivam etiam adversus heredem furis dari, sed non æquè expeditum, quatenus, cu quousque adversus eum competat, an solummodo, quatenus ex defuncti furto est locupletatus, an verò in solidum si videlicet unus duntaxat hæres est, vel si existunt plures, in omnes ut univeros simul, adeoque in singulos pro parte hereditaria;

reitaria; cùm ex L. 12. tabularum æs alienum inter hæredes ipso jure dividatur. *L. cætera. ff. famil. hercisc. & L. 1. ff. si cert. petat.*) licet fortè nullum ad eum lucrum ex furto ipso pervenerit, sed res furtò ablata apud furem perierit, vel aliàs ab eo fuerit inutiliter consumpta: Et quidem quòd conditio furtiva eatenus duntaxat adversus hæredem detur, quatenus hic ex defuncti delicto est locupletatus, vult cum quibusdam aliis Jacob. Cuiac. *lib. 7. obser. 37. & ad lib. 11. quest. Papiniani in L. 5. ff. rer. amot. motustum per text. in L. 9. in fin. & L. 10. in princ. ff. de tutel. & rat. distrab.* ubi expressè cavetur, quòd actiones furti, damni, injuriæ, conditio adversus tutorem quidem dentur, sed morte ejusdem finiantur. Adde quòd ex *L. 3. §. ex furtis. ff. de pecul.* expressè statuatur, patrem ex furto filij in solidum non constringi, sed tantum, quatenus peculium est locupletatum, ex quo infert aliàs accuratissimus iste juris Interpres, neque adversus hæredem conditionem furtivam in solidum competere, cùm in coeteris eadem causa & conditio patris, quæ ipsius hæredis esse soleat, & in eo præfertim, quòd sicuti hæres ex defuncti maleficio, ita pater ex delicto filij actione poenali non conveniatur, & vice versa, quemadmodum hæres post condemnationem vel litis contestationem tenetur ex omnibus causis defuncti, pariter & ipse pater ex delicto filii. *L. etsi condemnatus. 3 §. ff. de noxal. act. & vit. L. 3. §. idem scribit. ff. de pecul.* Enimverò his & similibus aliis non attentis contraria & communis DD. sententia verissima est per text. in *L. 9. ff. h. t.* ubi aperte cavetur, conditio-
 nem furtivam non modò pro parte, quæ ad hæredem pervenit, sed in solidum (siquidem, sicut paulò antè dictum, unus solus hæres est) aliàs pro parte hæreditaria, adversus eum transire, ut proinde non immeritò quis mirari possit, virum doctissimum contrariam sententiam sequi: etenim quis probare queat, quod ipse Cujacius comminiscitur, jam cit. text. intelligendum & restringendum esse ad casum, quo lis cum fure fuit
 con-

contestata, cum neque litis contestata ulla mentio fiat, neque secundum hanc divinationem aliud statuendum sit in actione furti, & omnibus aliis ex delicto, esto etiam ad meram poenam competentibus, quoniam & ex per litis contestationem semel iudicio inclusæ adversus hæredem in solidum transmittantur. *L. un. Cod. ex delict. defunct. L. nemo. & L. pœnal. 164. ff. de R.* ut taceam hac divinatione supposita nullam in *d. L. 9. ff. b. t.* de hujus actionis in hæredem transmissione dubitandi rationem fuisse. Accedit, quod in *L. 7. §. fin. ff. b. t.* aperte dicatur hæc actio in hæredem dari, esto ad eum nil pervenerit, si videat furtivus v. g. servus perierit vivo fure, neque enim quidquam potuit tali casu ad hæredem pervenire. Quin & juris ratio sententiam hanc evidenter confirmat, quod fur perpetuo non refurtiva moram facere intelligatur. *d. L. 8. §. 1. ff. b. t.* usque adeo, ut non referat, quod paratus sit conductionem excipere, & per Dominum rei steterit rem furtivam condicere, postmodum verò res ipsa perempta sit. *L. fin. ff. jam d. t.* nisi tamen fur rem obtulerit, vel obligationem a se antea contractam per novationem transtulerit in alium. *jam d. L. 8. in prim. um L. seq. & L. 2. Cod. eod.* atqui mora hic effectus est, ut obligationem perpetuet, non tantum debitoris, sed & hæredum, et successorum, esto res amissa & perempta sit. *L. si ex legati. 23. §. L. si servum. 91. §. sequitur. 3. ff. de V. O.* doctè Jacob. Wittenbach. ad *Institut. disput. 41. thes. 28.* ibi: finge, fur surripuit rem dignam trecentis: tres hæredes reliquit, ad primum ex ea 20. solum pervenerunt, istenebitur conductione furtiva non tantum in 20, & quatenus ad eum pervenit, sed in solidum, id est, 100. pro parte hæreditaria. Neque refragatur, quod ad solidum hoc posterius fundamentum retorquendum dici posse videatur, verum quidem esse & rationi juris consentaneum, quod mora tam hæredum, quam ipsius debitoris obligationem perpetuet, dummodò versetur in obligatione, quæ ex conventionem descendit, cujus scilicet conditionem ex persona

sona hæredis mutari non posse certum est, secus verò, si obligatio & actio ex delicto nascatur (qualem & ipsam condictio-
nem furtivam esse multi putant evinci ex *L. 10. §. 2. ff. de compensat. & L. si quis. 13. in fin. ff. de positi.*) quæ proinde ex natura
sua non debeat transire in hæredem, qui nil deliquit. *L. un. Cod. ex delict. defunct.* *L. non solum. §. hac actio. in fin. ff. de alienat. jud. mutand. caus.* *& §. 1. Inst. de perpet. & tempor. act.* Respon-
deo enim, quòd licet condictio furtiva occasione delicti com-
petat, propterea scilicet, quòd non possit ei esse locus, nisi fur-
tò admissò, minimè tamen dici possit, sicuti nec actio ex con-
tractu bonæ fidei propter dolum commissum prodita verè &
propriè ex delicto competere, quemadmodum ipse text. (ut ut
cum pro contraria & sua opinione inevitabilem esse censeat
Clariss. D. de Bassis. *decis. 28. n. 11. in fine*) insinuat in *d. L. 10. §. 2. ff. de compens.* Sed est actio extraordinaria & irregularis
speciali odiò furum contra naturam condictio-
num & communem juris rationem absque sufficienti & præexistenti mate-
ria (sicuti DD. nostri loquuntur, quam tamen actiones ex deli-
cto habent) ex ipso jure seu solæ legis potestate introducta, quâ
ad similitudinem actionis ex vero vel quasi contractu descen-
dentis intendimus quid nobis *dari oportere*, ita tamen, ut Do-
mino rei furtò ablatae ad instar cujusdam rei vindicationis detur
extra duos effectus juris speciales supra traditos. Bacchov.
tract. de actionib. disput. 4. thes. 21. contra Anton. Fabr. *decad. 78. error. 1.* Et profectò, si condictio furtiva ex ipso delicto
nasceretur, non posset defendi differentia inter eam & actionem
furti ex ipso delicto natam, & ex *L. 15. ff. b. t.* in eo consistens,
quòd servus ex suo furto antea commissio post manumissionem
actione quidem furti, non verò etiam condictio furtiva pos-
sit conveniri, cum omnis actio ex delicto competens servum
jam manumissum sequatur, secus si actiones non ex delictis, sed
ex conventionem vel alia ex causa descendant. *L. 1. & 2. Cod. ne
servus pro suo*, ut nil dicam ipsam quoque rationem, ex qua J C-
tus

tus in *L. 7. §. 2. ff. h. t.* dicit conditionem hanc adversus hæredem furis transire, nempe *quia rei habet persecutionem*, si ex delicto nasceretur, propterea falsam fore, quod actiones ex delicto natæ non transeant adversus hæredem, licet meram rei persecutionem contineant, sed ad hanc transmissionem impediendam hoc solum sufficiat, quod actiones ex delicto competant. text. & Interp. in *L. quia. 7. ff. de alienat. judic. mutand. caus.* Ad Jacob. Cujac. & Ant. Fabr. argumenta respondere brevitatis causâ propterea supersedeo, quod per se sint levioris momenti, & hac in parte longè dispar ratio patris ob furtum filii, & hæredis propter defuncti furtum hac actione conventi, utpote quæ contra solum furem & ejus hæredem detur, adeo, ut nequidem competat adversus eum, cujus ope & consiliô furtum factum est, siquidem rem ipsam non abstulerit. §. *interd. Inst. de oblig. quæ ex delict.* Statuunt quidem 7 Jura Bavarica in *der erklärten Lands- Freyheit. part. 4. art. 5.* ut fure poenâ mortis plexo bonâ ejusdem, quæ furtiva non sunt, uxori, libaris, creditoribus seu hæredibus relinquuntur, sed mens constitutionis tantum fuit, ut jus confiscandi impediretur, non verò conditio hæc adversus hæredes denegaretur, adeoque hac in parte derogaretur juri communi, præsertim, quod sub verbo creditorum, vulgò *der Glaubigern* quibus bona relinqui præcipit, etiam comprehendatur Dominus respectu damni furto illati, ac proinde verum creditum efficientis. Antequam pedem ultra moveam, meminisse hîc oportet conditionis Triticaræ, quam Pandectæ speciali etiam titulo ornârunt, dicitur aliis à Triticio Prætor, ut sentit Accursius, Duarenus, Donellus, aliis cum Cujacio à tritico, quasi tritici nomine comprehendantur omnes opes. Bartolus eam deducit à Monacho quodam Triticio Religionis Minoritarum, quibus non licet tangere pecuniam. Sed sunt hæc & similia apud Wisenb. ad *Pandect. lib. 13. disp. 26. tb. 7.* ægræ deliria mentis, & quartanæ somnia febri, verosimilius videtur

conjectura Vigl. Zuichemi *praelect. ad rubr. ff. si certum petat.* ita dictam hanc actionem à primis Edicti verbis, quod sic fuit conceptum: *Triticum, oleum, frumentum si petatur*, quò re-
 9 ferendum parergum Alciati *lib. 2. parerg. 50.* differunt condi-
 ctio certi, & conditio triticaria, quò illà petantur omnes res
 certæ, & pecunia numerata, non res incertæ, hanc verò petun-
 tur omnes res, certæ, & incertæ, non tamen pecunia nume-
 rata. *L. 1. ff. de condict. triticar.* Est hæc actio prætorialis, per-
 sonalis, arbitraria, & generalis, utpote quæ cum omnibus reli-
 quis conditionum speciebus concurrit. *L. 1. ff. b. t.* Lauter-
 bach. *ibidem §. 1 & §. 4.* ubi ait, ex suffragio Bachovii specia-
 lem hujus conditionis usum latere. Unde etiam specialem
 hujus actionis discussionem Pandectistis relinquo.

ASSERTIO XXXIX.

SUMMARIA.

1. Transito ad conditiones generales.
2. Explicatur natura conditionis ex lege.
3. Quando hac conditio locum habeat?
4. Afferuntur varia conditionis ex lege exempla.
5. Ex causa primipilari, si primipilus ipse non solvendo sit, ipsius debi-
 tores statim etiam ante tempus ad solvendum compelli possunt.
6. In qua causa etiam mulieres pro maritis, & liberi pro suis parentibus
 in subsidium obligantur.
7. Quis hodie supersit primipili usus?
8. Ex L. diffamari. Cod. de ingenu. manumiss. conditionem ex Lege non
 concedimus.
9. An Lex actionem, vel tantum officium Judicis introducat, unde cog-
 noscendum?

Post conditiones has speciales ordine in Codice servato ad
 generales finaliter progredior, quarum una est, quæ dicitur
conditio ex lege, altera *conditio sine vel injusta causa*,
 quod

quod ut melius & plenius intelligatur, inprimis sciri debet, juris nostri auctores modis omnibus studuisse, necui deesset actio contra eum, quem sibi obligatum habet, ideoque non solum de unoquoque negotio proposita erant olim actiones, sed & cujusque nomen in judicio fuit exprimendum, veluti *ex empto, ex stipulatione, ex testamento*. unde dubitabatur, dum nova lege obligatio esset introducta, quo actionis genere esset utendum, & quæ actio in judicio exprimi deberet? Respondet autem Jctus Paulus in *L. un. ff. b. t. si obligatio lege nova inducta sit, nec cautum sit, quo genere actionis experiamur, ex lege agendum esse*. Et merito, quemadmodum enim novis emergentibus casibus, quibus Lex XII. tabularum non prospexerat (neque enim vel illa vel alia lex ita scribi potuit, ut omnes casus quandoque incidentes comprehenderentur. *L. neque leges. cum L. seq. ff. de LL.*) novas obligationes & actiones pro communi omnium utilitate introduci necesse fuit, ut exigere quisque id posset, quod sibi deberetur, ita novas leges ferri oportuit, quæ novas eas obligationes & actiones inducerent, & ex quibus proinde agendum esset, quoties legibus cautum non reperiretur, quo alio genere actionis foret experiendum: unde enim, nisi ex lege ipsa jus & nomen actionis sumeretur. Frantzk. in *commentar. ad ff. b. t. n. 2. § 3*. Novæ autem leges hic intelliguntur omnes, quotquot secutæ sunt leges 12. Tabularum, quæ sola vetus lex dicitur, & jus antiquum, imò antiquissimum. *L. tutelæ. 7. ff. de capit. minut. L. fin. ff. de regul. Cato. § L. 1. cum seqq. ff. de hered. petit.* est verò sic lex 12. tabularum nominata, quod esset prima, quæ certo jure constituta sit à Romanis. Donell. ad *hunc tit. n. 13*. Rectè autem Jctus in *d. L. un. ff. b. t.* addit, *tunc ex lege agendum*, id est, *jus & nomen actionis sumendum esse, si nova ejusmodi lege obligationem introducente non sit cautum, quo genere actionis experiamur*, quia tum lex ipsa dicat, quo genere actionis uti oporteat, ea legis autoritas facit, ut illa ipsa actione sit agendum

dum, nec quidquam causæ est, cur generale nomen *condictionis ex lege* retineamus, quando specialius aliud habemus nomen, est enim omnis actio tantò certior, & accommodatior, quantò est specialior: finge enim aliqua lege aut constitutione inductam esse novam speciem contractûs, cur dicatur agendum esse conditione ex lege, cum agi possit ex ipso contractu, cujus rei exemplum Bart. adfert ex constitutione Zenoniana, qua putat jus & contractum emphyteuticum antè incognitum inventum & introductum esse. §. *adeo. Inst. de locat. & L. 1. Cod. de jur. emphyt.* itaque non conditione hac ex lege Zenonis agendum existimat, sed ex ipso contractu emphyteutico, qui nova ea Zenoniana lege introductus est, & specialis contractûs nomen accepit, sicuti Bart. contra Accurs. & alios Interp. disputat apud Anton. Fabr. in suo *rationali ad L. un. ff. de condict. ex leg.* quin imò licet lex nova nullum novum & specialem induxerit contractum, si tamen nova ea lex certum & v.g. ipsius auctoris nomen habeat, hoc ipsum auctoris nomen ipsi quoque actioni accommodatur, quemadmodum accidit in actione Legis Aquilæ & conditione Triticaria, quæ proinde generalem hanc conditionem ex lege non admittunt, nisi fortè auctor Legis de pluribus & diversis rebus statuerit, adeoque non possint à nomine auctoris plures distingui actiones, quæ de causa proponitur ex *L. Julia. in L. si postularverit. 27. §. penult. & ult. cum L. seq. ff. ad L. Jul. de adult.* conditio ex lege ad consequendam æstimationem servorum, qui ob domini postea absoluti adulterium torti in ipsis tormentis perierunt. cit. Hugo. Donell. *u. 15.* Igitur conditio ex lege tunc locum habet, quando per legem civilem obligatio aliqua immediate de novo inducitur, nec lege ipsa exprimitur aliud nomen actionis. Hujus exempla plurima quidem hinc inde in jure nostro obtingunt, ut videre etiam est apud Wisenbach. ad *ff. b. t. disput. 26. thes. 6.* ex quibus ex usu magis videntur esse sequentia: Et primum, frequentissimùmque petitur ex *L. si quis ar-*
gen-

gentum. §. fin. autem. Cod. de donat. ubi scilicet Imperator Justinianus contra juris antiqui dispositionem, quæ nullam ex nudo pacto actionem concedebat, statuit ex donatione etiam nudò pactò facta efficacem actionem competere, quam donatarius instituens dicitur agere condiçione ex Lege videlicet jam proximè citata. Similiter salarium Advocato utcunque nudò pacto promissum, parit hodie de jure quoque scripto efficacem obligationem, ac proinde actionem, seu condiçionem ex *L. un. in fin. Cod. de suffrag.* sic tertium exemplum desumi solet. ex *L. omnimodo. 30. Cod. de inoff. testament.* qua agitur ad supplementum legitimæ in vicem querelæ inofficiosi testamenti, præsertim antequam ex *Novell. 135. cap. 3.* legitima fuit titulò institutionis relinquenda, esto alii simpliciter tanquam ex præsumpta disponentis voluntate actionem ex testamento, alii verò hodie petitionem hæreditatis concedant. Eadem condiçio datur ex vulgata *L. hac edictali. Cod. de secund. nupt.* ad rescindendas liberalitates immodicas, quas conjux binubus in posteriorem conjugem ac præjudicium liberorum prioris matrimonii contulerit. Item ex multorum sententia ex *L. 2. Cod. de rescind. vendit.* ad retractandam venditionem ex causa læsionis ultra dimidium, nisi justum pretium ipse deceptor suppleverit. Et denique ex *L. fin. Cod. de acqu. possess.* ad avocandam, vel ut alii volunt, retinendam possessionem interversam ab eo, cujus corpore possidemus. Potissimum autè & præ reliquis notandum condiçionis ex Lege exemplum extat in *L. 1. Cod. b. t.* ubi videlicet cautum est, quòd licet aliàs debitum antè tempus solutioni præstitutum exigi nequeat. *L. si manda vero. 22. §. 1. ff. mandati.* aliud tamen obtineat in causa primipilari, ex qua scilicet, si primipilus ipse non solvendo sit, ipsius debitores statim etiam antè tempus favore fisci ad solvendum compelli possunt, nulla tamen alia actione, quam condiçione ex Lege ob novū videlicet & statim efficacem obligationis genus in *d. L. 1. Cod. b. t.* propter publicam utilita-

tem idèò inductum, quòd à militari annona primipilariis, seu ut alii volunt, primipilis veluti legionum centurionibus commissæ totius exercitûs robur ac nervus, adeoque summa Reipublicæ salus dependeret. Jac. Cujac. ad *L. 3. Cod. de primipil.* Covarr. *lib. 1. variar. resolut. cap. 16. n. 7.* Paul. Christina. *decis. Belgic. lib. 8. decis. 115. n. 9.* Atque ex hoc eodem Reipublicæ favore id in hac primipilari causa contra receptam alias juris rationem specialiter quoque statutum est, quòd, esto alioquin nec filius pro patre, nec uxor pro marito teneatur, quemadmodum rubricæ Codicis *ne filius pro patre, item ne uxor pro marito* clarè ostendunt, in hac tamen ipsa causa mulieres pro maritis in subsidium obligentur, scilicet *tum demum*, verba sunt Imperatorum in *L. 4. Cod. in quib. caus. pign. tacitè contrah. ad hoc periculum mulieris patrimonium respiciat, si universis viri facultatibus exhaustis nil residuum inveniat.* Quin imò ex hac una causa liberi pro suis parentibus obligantur, esto eorum hæreditates repudiaverint. *L. 4. Cod. de primipil.* & certè quis hodie primipili usus superesse possit, ex quo uxores pro maritis, & liberi pro parentibus tenerentur, non immeritò investigabis? fortè ejus nomine venient commissarii annonæ militari præfecti, nec tantum, ut appellari solet, Generalis & supremus, verum & inferiores, eique substituti, vulgò *General/ und andere Proviant Commissari*, quorum negligentia validissimi exercitûs robur aliquando perire potest, ac solet, maximè cum nec olim in exercitu unus tantum fuerit primipilus, sed singuli in singulis legionibus. Covarr. *d. lib. 1. observ. 16. n. 7.* quod aliis tamen magis adhuc considerandum relinquo. Ut verò hæc conditio locum habeat, requiritur vera obligatio, ex qua causa rectè contra Blaer. in *Repetit. L. diffamari. Cod. de ingenu. manumiss.* Bocer. *Class. 3. disput. 21. th. 5.* concludes, in casu *d. L. diffamari. Cod. cit. tit.* hanc conditionem non competere, quia ex illa lege diffamator non obligatur ad aliquid præstandum, sed tantum officium

Judi.

Judicis imploratur, ut injusto diffamanti terminus ad agendum præfigatur, aut perpetuum silentium imponatur. Bacchov. ad Treutler. *volum. 1. disput. 23. th. 1.* an verò lex obligationem & actionem introducat, an verò tantum Judicis officij implorationem concedat? Illud non tam ex verbis, an videlicet ad partem, an verò ad Judicem dirigantur, sed potius ex mente legislatoris dijudicandum est. Wefenb. *b. t. n. 3.* Bacchov. *lit. G.* ubi in fine addit, hac in re postquam magistratus cognoscunt, effectu tantum non interesse.

ASSERTIO XL.

SUMMARIA.

1. Omnia jura, quæ per condiçionem ex L. petuntur, sunt perpetua seu durant usque ad 30. annos.
2. De Jure Canonico ex pacto nudo datur condiçtio ex Canone.
3. Condiçtio ex lege generalis est.
4. Quenam nomine ejusmodi legum, ex quibus proposita condiçtio conceditur, hodie in Imperio Romano intelligantur?
5. Afferuntur differentia inter modernos Imperii Principes & Veteres Prætores.
6. Intellectus L. 1. 2. & 3. & L. quoties. 21. ff. de præscript. verb.
7. Condiçtio sine causa quandoque sola competit, quandoque cum aliis condiçtionibus specialibus concurrir.
8. 9. 10. Ponuntur tres casus, quibus condiçtio sine causa sola competit.
11. Quid sit condiçtio ex injusta causa.

Observandum hic est, jura ea omnia, quæ per *condiçionem* ex L. petuntur, esse perpetua, id est, usque ad 30. annos durare, quia sunt actiones civiles, quæ non nisi trigessimò demum annò perimuntur. L. sicut. 3. Cod. de præscript. 30. ann. unde fit, ut quamvis querelæ inofficiosi testamenti spatiò quinquennii præscribatur, & dici soleat actionem in alterius locum subrogatam sapere naturam ejus, in cujus locum subrogata est.

est. *L. si cum, 10. §. qui injuriarum. ff. si quis cautionib.* conditio tamen ex *d. L. omnimodo. 30. Cod. de inoff. testam.* ad supplementum legitimæ prodita non nisi 30. annis finiatur, sicuti contra Bart. non modò reliqui fere omnes sentiunt, sed & eo jure in foro utimur. text. & DD. in *L. 3. Cod. de præsript. 30. anno.* Pand. Reht. tit. 36. art. 12. Item licet restitutionum omnium in integrum petendarum jus quadrienniò concludatur. *L. fin. Cod. de tempor. reslit. in integr.* conditio tamen ex cit. *L. 2. Cod. de rescind. vend.* ex hypothesi ad venditionem rescindendam competens, esto proponatur per viam restitutionis in integrum, usque ad 30. annos extenditur. Anton. Fab. in suo *rationali. hic in fin.* sic quia consuetudo jus facit, & civile non scriptum, adeoque perpetuum, inde conditio indeveniens ex moribus est perpetua, ut hodie datur ex 2 pacto nudo de consuetudine, & etiam ex Jure Canonico ex quocunque pacto, quomodocunque nudo conditio ex Canone, ut constanter sentio contra Fachinuum ejusque sequaces. Vide tradita Schrader, in *commentar. ad L. un. ff. b. t. n. 87.*

3 89. 90. Generalitatem verò hujus conditionis ipsa res per se ostendit, eò quòd competat ex quibuscunque obligationibus, & super quibuscunque præstationibus, quas quæcunque & diversissimæ leges introducunt, sicuti præter exempla paulò antè relata etiam constat ex *L. fin. §. licentia. 10. Cod. de jur. deliberand.* ubi, si hæres inventarium conficiens non omnia in eo scripsit, ad duplum ejus, quòd celavit, conveniri potest, & quidem, sicuti notant Interpretes *condictione ex L.* cum nulla actio

4 alia ejus nomine in idem sit prodita. Hodie autem in Imperio Romano nomine ejusmodi legum, ex quibus proposita conditio conceditur, intelligi in primis possunt, Constitutio pacis publicæ, Pignorationis, & maxime anno 1570. promulgata de arrestis Imperij, super quibus processus in Camera Imperiali quotidie informatur, juxta ordinationes Cameræ *part. 2. tit. 9. art. 25.* quibus etiam accedunt non modò conditio ex moribus propter retractum gentilitium, verum & constitutio

tiones Bavaricar & aliarum provinciarum, in casibus, ubi novo jure vel statuto aliquid decernitur, indeque vocatur condiçtio ex statuto, nulla ratione enim moderni Imperii Principes cum veteribus Prætoribus, adeoque eorum constitutiones cum antiquis Prætorum Edictis comparari possunt, nec proinde ipsorum constitutionibus propria ratio & perpetuitas hujus condiçtionis denegari, nam Imperij nostri Principes respectivè possunt in suo territorio, quod Imperator in Imperio, quem suò modò repræsentant, indeque jura condunt etiam juribus Cæsareis contraria, atque in judicando etiam in Camera attendenda. Andre. Knich. *de sublim. territor. jur. cap. 1. n. 64. item 216. Schrader. de feud. part. 2. sect. 10. n. 26. & seqq.* Illud denique videtur adhuc adversari, quòd in *L. 1. 2. § 3. & L. quoties. 21. ff. de præscript. verb.* aperte caveatur, quoties deficit nomen actionis, toties recurrendum esse ad actionem in factum, quæ ideo dicitur subsidiaria, ut proinde dici non debeat, vel possit, quòd ejusmodi casibus, quibus nomen actionis deficit, locum habeat *condiçtio ex lege.* ut huic dubio etiam satisfiat, cum distinctione respondeo, & quidem actionis nomine deficiente in quibusdam casibus locus est actioni præscriptis verbis, quibusdam verò condiçtioni ex lege, & aliis ipsi actioni in factum. Præscriptis verbis agitur, quoties obligatio ex jure gentium descendit. Condiçtioni verò ex lege locus est, cum lex ipsa sumpta strictè, adeoque pro jure civili obligationem introduxit, actio autem in factum procedit, cum obligatio ex jure Prætório introducitur, atque ideo secundum tria obligationum ex diversis jurium generibus tria quoque erunt genera, actionem scilicet præscriptis verbis, condiçtionem ex lege, & actionem in factum Prætoriam. Ratio autem cur actio in factum non dicatur condiçtio ex lege, propterea expedita est, quòd Prætores potestatem condendæ legis non habuerint. Licet postmodum Edicta à Juliano collata auctoritatem legis ab Hadriano Imperatore acceperint,


- ita tamen, ut, sicuti ex jure nostro certum est, naturam quodammodo originis retinent, eo quod Hadrianus Imp. potius auctoritatem eorum perpetuam fecerit, quam ut revera auctoritatem & potestatem juris iis voluerit tribuere. Videtradita DD. in §. *Prætorum. Inst. de jur. naturali. Gent. & civili.*
- 7 Altera conditio generalis, videlicet *si sine causa* appellari solita locum obtinet, cum aliquid sine causa est apud alterum, etiam si forte ab initio non fuerit apud ipsum sine justa causa. *L. nil refert. 4. ff. b. t.* quæ actio, quia etiam cum aliis conditionibus specialibus concurrere potest, fit, ut in ea idem accidat, quod in titulo *pro suo*, qui sicuti partim generalis & cum aliis titulis concurrens, & partim specialis est, atque in duobus potissimum casibus solus usucapionem perficit, puta in rudi gemma aliena bona fide in littore maris inventa, & in rei suæ seu propriæ usucapione, quam quis nescit ab alio jam usucaptam esse. Gloss. in *L. 1. & 2. ff. pro suo. L. peregræ. 44. ff. de acq. possess. & Vasq. lib. 2. controuv. illustr. cap. 68. n. 2. & s.* ita conditio sine causa, videlicet justa (quemadmodum subintelligitur) & conditionem indebiti, dati ob turpem causam, & dati causa non secuta comprehendit, sicut tamen, ut & sola in quibusdam casibus procedat, & primo quidem, si repetatur chirographum, scilicet jam facta solutione. *L. 2. Cod. b. t.* nam si repeteretur ob non secutam pecuniæ numerationem, quæ in datione chirographi sequi sperabatur, nil impedit, quò minus etiam conditio causa dati non secuta competat ad chirographum tale repetendum.
- 9 Alter casus est, si posteaquam conductor & v. g. sartor aut fullo vestimentorum (quæ sibi lavanda, pollicenda, sarcienda locata, & deinde culpa illius furtò subtrahæ erant) æstimationem solvit, ea postmodum locator seu Dominus recipiat, tunc enim, si videlicet (quemadmodum in dubio præsumitur) solvit tanquam pretium suæ culpæ in contractu locationis præstandæ, cum solutum id pretium incipiat ex postfacto apud locatorem esse sine causa, meritò per hanc actionem

repetetur. text. in *L. 2. ff. b. t.* secus si solum esset tanquam pretium rei petita, nam cum hoc casu aestimatio faciat emptionem, poterit conductor ipsa vestimenta ex empto petere cessante hac condictioe propterea, quod ejusmodi pretium censeretur apud locatorem non esse sine causa, sed ex titulo contracta ab eo venditionis, merito proinde ab illo retinerendum. Ant. Faber in d. *L. 2. ff. b. t.* quamvis interim præter hanc condictioem sine causa in paulo antè relato fullonis vel sartoris casu etiam competat actio ex conducto ad pretium illud repetendum, quæ cum sit bonæ fidei, datur ad omnia, quæ aut ex illo contractu, aut in consequentiam contractus ex bona fide præstari necesse est. §. *in bonæ fidei. Inst. de action.* esto quoque de iis nec dictum quoddam, nec cogitatum sit. *L. in bonæ fidei. 8. ff. de eo quod cert. loc.* non item condictio indebiti, eo quod negari nequeat, quin solutionis tempore verum debitum fuerit, à qua condictioe indebiti proposita condictio sine causa clarè & maximè differt, quoties de jure delicti per judicis sententiam pronuntiatum est, quod quis, quamvis tunc vult solum tanquam indebitum condicere; hoc ipso impugnetur judicatum, quandoquidem indebitum esse contendat, quod judex deberi pronuntiavit, verum ille, qui condictioem sine causa exercet, non dicit indebitum fuisse solutionis tempore (quod unicum in condictioe indebiti præcisè spectandum est) sed hoc tantum contendit, esse rem hodie sine causa penes eum, quod utique verum esse potest, etiamsi & judicati & solutionis tempore fuerit verè debita, sicut in d. *L. 2. ff. b. t.* manifestè apparet; condictio itaque indebiti respicit tempus præteritum factæ solutionis; condictio autem sine causa tempus præsens propositæ actionis, nil ergò prohibet etiam post rem de pretio solvendo judicatam dare fulloni ac sartori ad repetendum pretium ejusmodi condictioem sine causa, veluti quæ nullò modò ipsum judicatum impugnet non magis, quam actio ex conducto, per quam similiter ejusmodi pretium re-

peti posse paulo antè dixi, aut etiam per contrarium iudicium commodati in specie *L. rem mihi. 21. ff. commodat.* aut exceptiones, quæ dicuntur opponi posse etiam post sententiam & in executione iudicati, quando videlicet tales sunt, ut non impugnent iudicatum, quales sunt exceptiones solutionis, compensationis, & competentiz. *L. si cum militi. 16. §. 1. ff. de compens.* *L. Neseñnius. 41. §. fin. & L. 49. ff. de re iudicat.* Tertius casus solius hîc proditæ conditionis sine causa refertur in *L. 3. §. 1. ff. b. t.* si videlicet mulier avunculo suo bona fide nuptura dedit ipsi dotem, & nuptiæ postmodum ex detecto impedimento non sequuntur; licet enim in contrarium dici posset, cum ob turpem causam dantis & accipientis pecunia numeratur, cessare conditionem, quia in pari delicto potior sit causa possessoris. *L. penult. ff. de condict. ob turp. caus.* atqui turpes sunt & illicitæ nuptiæ inter avunculum & sororis filiam veluti ipsi filiæ locò conjunctam. *§. fratris autem. Inst. de nupt.* ergo si sororis filia avunculo nuptura dedit ei dotem, quamvis postea non nupserit, dicendum videtur propterea cessare conditionem, quod in eo utriusque turpitudine versetur? Respondeo tamen matrimonii & dotis causam semper honestam esse & favorabilem ob admixtam Reipublicæ utilitatem. *L. 1. ff. solut. matrim.* atqui in proposito casu sororis filia avunculo nupta dotem ei dedit non stupri, sed matrimonii gratiâ, adeoque non ob turpem, sed ob honestam causam, dicendum igitur est nuptiis ex juris impossibilitate, quæ facti impossibilitati solet æquiparari. *L. filius. 14. cum L. precedenti ff. de condit. Inst.* non secutis locum esse actioni huic seu conditioni sine causa. Licet si alieni nummi mutuò dentur, ipsi mutuanti antè consumptionem præter hanc actionem etiam competat conditio causa dati non secutâ, ut *vel possessio nummorum reddatur*, sicuti loquitur Ictus in *L. indebiti. §. 1. ff. de condict. indeb.* quemadmodum & in aliis casibus, & in specie si malæ fidei possessor fructus consumpsit, tenetur quidem etiam conditione

sine

finè causa. *L. 4. Cod. b. t.* sed insuper quoque condiçione furtiva tanquam fur conveniri potest; imò conjunx conjugio constante matrimonio amovens præter hanc condiçionem finè causa *L. 25. ff. de rer. amot.* etiam tenetur rei vindicatione, si res adhuc extiterit, vel si fuerit consumpta, generali actione in factum. arg. *L. in rem. 23. §. 5. ff. de rei vindicat.* nisi forte dicatur, quòd si ejusmodi rem amotam postea alteri vendiderit, pretium pro ea receptum sola hac condiçione finè causa ab altero conjuge repeti possit, præsertim quòd à condiçione hac, veluti actione personali ex ipsa rei amotione adversus se semel prodita per rei ejusmodi alienationem non potuerit sese liberare. jam d. *L. 25. ff. de act. rer. amot.* Tertia & postrema generalis condiçtio videlicet ex injusta causa est actio personalis, quaid quis repetit, quod ex injusta causa extortum fuit. puta, v. g. cum stipulatio per vim est extorta. *L. 7. ff. de condiç. ob turp. & injust. caus.* ubi causa in significatione propria accipitur, id est, pro causa præterita, sicuti patet ex jam allato stipulationis extortæ exemplo, repetitur autem hac condiçione non solum, quod solutum fuit, sed etiam agitur ad fructus perceptos & consumptos à mala fidei possessore. d. *L. 7. extantes autem vindicantur. L. 3. Cod. b. t.* estque hujus condiçionis & prioris promiscuus usus. Nam & quod habetur finè causa, censetur ex injusta causa haberi, & ex adverso; quod ex injusta causa possidetur, intelligitur possideri finè causa.



PARERGA

I.

Si defacto judici aliter liqueat, quàm ex actis & probatis constat, non judicabit secundum scientiam privatam, ne ex suo unius testimonio ferat sententiam. *L. 9. §. 1. Cod. de testib. neque pronuntiabit secundum acta & probata, ne polluat conscientiam. L. filius. 15. ff. de condit. institut.*

II.

Potest utrinque justè litigari (etiam bellari) id est bona fide, multa enim & in jure, & in facto fugere homines solent, speciali autem & positiva justitiæ acceptione lis non potest esse utrinque justa. Hug. Grot. *de iur. belli & pac. cap. 23. n. 13.*

III.

Athenis puero cuidam, quod laminam auream, quæ Dianæ corona deciderat, sustulisset, in judicium adducto iudices crepundia, talos, & eandem laminam obtulerunt, cum verò sumpsisset laminam, tanquam sacrilegum puniverunt. *Ælian. lib. 5. histor. cap. 16.* temerarium hoc judicium non laudamus, vel probamus.

IV.

Cùm de proprietate jumenti quaereretur, levibus utrinque argumentis & testibus, ideoque difficili conjectura veritatis, Galba apud Sueton. *cap. 7. in fin.* dicitur decrevisse, ut jumentum ad locum, ubi adaquari solebat, duceretur capite involuto, atque ibidem revelato, ejus esse, ad quem sponte sua à potu se recepisset. Hoc judicium etsi caret legibus, non caret omni ratione.

V. Cùm

IV.

Cum bos ad pastum ductus in praterendo Caio braxatori aliquid de cerevisia, quam refrigerationi debita in atrio suo proposuisset, hausisset, & is de hoc hausto apud oppidi praesidem quereretur, distinxit ille, an bos sedendo, vel stando haustum fecerit, ita ut priori casu hausti aestimationem, non posteriori adjudicaret. Lepidè, si non legitime.

VI.

Gravissima est inter Doctores controversia, an Clerici quoad causas temporales sint lege divina Evangelica à potestate Laicali Principum exempti, vel solum lege positiva humana? posterius nobis cum Cardin. Bellarmin. *de Cler. cap. 28.* videtur verius.

VII.

Quod Clerici in ordine ad immunitatem Ecclesiasticam localem seu jus sacri asyli sint deterioris conditionis, quam laici, atque sic eo non fruuntur etiam in delictis per se exceptis, videtur nobis cum Jacob. Pignatelli nulla posse sufficiens ratio assignari.

VIII.

Qui ad rationem homicidii proditoris requirunt specificè qualitatem amicitiae, ita ut inimicum ex industria & insidiis adempta omni iustae defensionis ratione occidens adhuc hoc sacro jure asyli gaudeat, fruaturque, refutantur nostrò iudicio non parum per R. P. Hypol. Grasse. Theol. Societ. Jes. in libro satis magno, quem inscrib. *anatomie necis proditor.* & loquuntur contra statuta Bavarica Malefic. Process. Ordnung. tit. 2. art. 10.

IX.

Qui famis extrema necessitate urgente esculenta, & poculenta aufert, furti reatum non videtur incurrere, ratione peccata ex jure naturali, quod rerum divisione est antiquius, & superius, tenetur tamen, si fieri potest, ad restitutionem.

X. Fur-

X.

Furti quoque nec manifesti ille tenetur, qui rem alienam inventam sustulit, non redditurus suo Domino; alias & si testetur publicè de contrario, & re inventa Dominus rei vel hæres ejus nusquam appareat, retinebit eam sine furti macula, nec tenebitur in pauperes distribuere. arg. *L. fin. Cod. de rei vind.*

XI.

Testamentum metu extortum ipso jure non subsistere, tradunt inter Civilistas potissimum Jaf. & ex Hispan. Vasq. *lib. 2. §. 17. n. 4.* ubi post longam disceptationem tandem concludit, contrariam opinionem sibi ridendam potius, quam confutandam esse. Verùm licet hæc opinio magnam sapiat æquitatem, videtur nobis tamen apertò Imperatoris Alexandri rescriptò refelli in *L. 1. Cod. si quis aliquem testat.* Sed eritne hæredibus ab intestato venientibus nullò juris remediò cautum adversus eum, qui testatorem ad se instituendum coëgit? existimat equidem esse Bartol. in *L. fin. n. 2. ff. si quis aliquem testat.* cum multis aliis, qui etiam testamentum ipso jure subsistere contendunt, quod licet magnum temperamentum ad corrigendum contrariæ sententiæ contineat, erit tamen obtinere satis difficile contra fiscum.

XII.

Si testamentum est imperfectum ex defectu solennitatum, ac proinde hæreditas hæredi ab intestato adjudicata, hic ad solutionem legatorum obligatus non est, nec peccavit mortaliter (imò nequidem venialiter) hæres ab intestato hæreditatem talem petendo, licet hoc velit P. Ludovic. Molin. *de just. & jur. tom. 1. tract. 2. disput. 81. n. 17. 18. 22.*

XIII.

Si rem dignam 16. vendidisti pro 10. florenis, adhuc non es læsus ultra dimidium justî pretii, sed si nec 8. florenos accepisti, si es emptor, tunc es læsus ultra dimidium justî pretii, si res tibi tradita ne quidem 8. florenos valeat. Alias enim cum saltem mediam partem expositi pretii in recepta recepisti, te
ultra

ultra dimidium non fuisse laesum ipsa rei evidentia demonstrat.

XIV.

Si quis testamentum faciens hæredibus prius nuncupatis, ultra locuturus, testaturus, vel legaturus obmutuit, totum testamentum corrumpit, veluti ratione voluntatis imperfectum, & censetur talis magis cepisse, quam fecisse vel perfecisse. *L. 2 §. ff. qui testament. facere.*

XV.

Jus civile requirit septem testes ad testamentum, & quidem de solennitate, seu substantia, sacri Canones solam præsentiam Parochi & duorum testium, & ut probabilius censemus, hos solum de probatione, ita cum R. P. Engl. ad *cap. cum esset. n. 14. de testam. contra Covarruv. & communem.*

XVI.

Hæres depositarii vel commodatarii, quidquid dicat Bacchi. & Tulden. rem depositam vel commodatam, etsi bona fide & iusto titulo pro hærede eam habeant, tamen præscribere non possunt ex defectu possessionis.

XVII.

Etsi Ludovi. Molin. *tom. 2. de just. & jur. disput. 299.* Card. de Lug. *eodem tract. tom. 2. disput. 25. sect. 1. n. 1.* existiment, etiam boves, equos, & oves materiam mutui esse, & sicut ovum unum mutuo rectè accipitur, ita & unam ovem, censemus tamen hoc Jcto in *L. 2. §. 1. ff. de reb. cred.* adversari. Nec est quæstio de nomine, ut cit. Lugo sibi persuadet, an negotium, quo 10. boves accipis, postea alios similes restitu-
gurus, sit mutuum, vel contractus innominatus.

XVIII.

Caius ventrem instituit, & ita ordinavit, si uxor prægnans masculum pariat, & is in pupillari ætate decedat, Caius sit substitutus, si feminam pariat, providit ei de legitima, post fata mariti uxor prægnans moritur, & exfecto ventre masculus extrahitur, qui intra pubertatem moritur. Et quamvis falsum sit,

inò falsissimum, eam peperisse, cui filius mortuæ exsecus est, tamen substituto locum facimus.

XIX.

Matrimonium triplex est, legitimum, quod consensu legitimo inter personas non impeditas contrahitur, & proinde etiam inter infideles est. Ratum, quod de præsentis contrahitur inter fideles habens rationem sacramenti sine copula. Consummatum, quod accedente corporis usu perficitur. Triplex hoc matrimonium est indissolubile ex jure naturali & Divino.

XX.

Primum tamen suo modo per conversionem unius ad fidem est dissolubile. *cap. gaudemus. de divorciis.* Alterum per dispensationem S. Pontificis & professionem Religiosam. *cap. ex publico. cap. ex parte. de convers. conjug.* matrimonium tamen inter fideles consummatum nullo casu. Sanch. *de matrim. lib. 2. disput. 13. n. 1. & seqq. & disput. 14. n. 2.*

XXI.

Si votum paupertatis recipit magis & minus in ratione status Religiosi, cur non etiam votum castitatis, atque sic consequenter Equites Ordinum Militarium S. Jacob. Caltræ, Alcantaræ in Hispania, qui profitentur castitatem conjugalem, quidni verè Religiosos cum Sperello dixeris? concedimus esse personas propriè Ecclesiasticas, prius in sensu proprio non aulinus defendere.

XXII.

Quod si debitor intra 30. & plures annos pignus non luerit, an postmodum id facere possit, & pignoratitiam actionem instituere, summæ difficultatis esse existimatur: intrepide nos tamen asserimus, juri luendi pignoris seu actioni pignoratitiæ tam jure Canonico, quam civili antè factam debiti solutionem præscribere non posse.

XXIII.

Usuram nauticam tanquam periculi suscepti pretium æquè justam

justam esse existimamus, quam sit ea, quæ ratione lucri cessantis aut damni emergentis à mutuuario exigitur. contra Nava-
rr. *cap. 23. n. 81. Sot. de just. & iur. lib. 6. quest. 4. art. 2.*

XXIV.

Juramentum perhorrescentiæ non malè describitur, quòd sit actus jurisdictionis contentiosæ, quo quis cum obtestatione nominis divini religiosè enuntiat, sese non calumpniæ causâ, sed ex desperatione justitiæ non obtinendæ planè rejicere judicem vel Consiliarium, cætera competentem, quem suspectum esse vel probare nequit, vel ejus rei causam allegare non audet.

XXV.

Contractus est conventio cum causa seu negotio ex se apto producere obligationem & actionem, pactum est conventio sinè causa, seu negotio ex se apto producere obligationem, sed non actionem.

XXVI.

Etsi conjuges possint se invicem in iisdem unistabulis atque solennitatibus instituere, hoc tamen ad alios non pertinet. Joan. del Castil. *Rer. quotidian. cap. 18. n. 8.* frustra dissentiente.

XXVII.

Etsi quis coram inferioribus Imperii Principibus & Statibus possit facere testamentum sinè omni teste & solennitate, non tamen hoc ipso infertur, quòd ad instar Supremi Principis ipsi etiam sinè omni teste & solennitate testari possint.

XXVIII.

Perpicuè probatur in Legibus, mercedem locationis non modò in certo numero seu pretio, sed etiam in alia re fungibili, quæ certâ mensurâ, vel pondere constat, consistere posse. Quidquid Accursius, alique Interpretes obstrepant.

XXIX.

Si vestigal indicatur pro carnibus venalibus, carnis appellatione lardum non continetur. Si pro frumento, frumenti appellatione non continetur farina. Sub vino, non continetur

tur uvæ, non acetum. Sub carbonibus non lignum. Appellatione lanæ non continetur linum, non pili. Si pro animalibus pontem transcutibus, non continetur avis.

XXX.

Edilictum Edictum interpretatione Jctorum porrigitur ad alias res mobiles, & immobiles vitiosas. An ergo si fundum pestibilem, id est, herbas lethiferas habentem, vel carnes vitiosas emit imprudens, utili actione redhibitoria exposiri potest venditor? Ita planè.

XXXI.

Ad codicillum 5. testes requiri solum probationis causa, communiorem ait esse sententiam R. P. Haunoldus *de jussit. & Jur. tract. 7. cap. 1. n. 201.* atque sic codicillos nuda voluntate infirmari tradit sequenti *n. 215.* sed sequelam nulli suademus.

Quin imò ipse Imperator Justinianus per solam revocationem coram testibus factam non aliter priorem voluntatem in tabulis legitimis testamentariis infirmari statuit, quàm si insuper decennium elapsum fuerit.

XXXII.

Sed ex quo tempore illud decennium currere incipit, & tempore conditi testamenti, an verò à tempore revocationis? hoc posterius affirmat Wesenb. *Consil. 88. n. 15.* Jacob. Menoch. *consil. 144.* sed prior sententia uti communior, & receptior, ita verbis & menti Imperatoris est convenientior. Francisc. de Barzi *de success. testament. lib. 10. tit. 1. n. 13.*

XXXIII.

Quo præsupposito in questionem quoque trahitur, si testes isti non sint specialiter rogati, sed fortuito adsint, an talis revocatio valeat? affirmant primo intuitu posterius ferè omnes, sed contrarium rectius alii scribunt cum Wesenb. *consil. 88. n. 16.* ibi: *quidem specialiter ad revocationem audiendam rogatos.*

XXXIV.

Transactio etiam ex capite lationis ultra dimidium justipre-

pretii non rescinditur, si læsio intra terminos æstimationis rei controversæ consistat, secus autem, si æstimationem rei petita ultra duplum excesserit, Francisc. Conam, *lib. 9. cap. 7.* & hoc etiam juxta Bavaricas constitutiones.

XXXV.

Quod monasterium, si accepta certa portione renuntiavit locò sui professi futura hereditati paternæ, ex capite enormis læsionis restituatur in integrum, est communis Interpretum sententia, negatur tamen longè rectius cum Henrico Canis, quondam celebri Universitatis nostræ Professore.

XXXVI.

In locatione ad longum tempus facta dominium transferri in conductorem uno ferè ore tradunt Juris Interpretes cum P. Molina, P. Haunold. Cardinal. Mantica, contrarium tamen est longè verius.

XXXVII.

Quod fœmina per masculum semel exclusa semper exclusa maneat in feudo, volunt esse sententiam communem & canonizatam, quam tamen non sequimur, ne à Carpz. *part. 3. constitut. 38. defin. 15. n. 7.* dicamur, repertò nunc triticò velle glandibus vesci.

XXXVIII.

Exceptio non numeratæ pecuniæ competit per biennium, non plùs ultra; sed quid si debitor post biennium probare velit, pecuniam sibi non esse numeratam, eritne audiendus? affirmat communis Interpretum sententia cum Carpz. Maxio, rectius tamen in puncto juris negatur.

XXXIX.

Quod mala fides antecessoris non solum noceat successorì universali in præscriptione longi temporis, sed etiam longissimi, tradit etiam Clariss. D. Arnold. Rath. *de præscript. cap. 2. assert. 58.* atque in casu gravissimo secutam hoc nostram Inclytam Facultatem, sed vix ac ne vix quidem in hoc

puncto possumus sequi virum hunc alias a nobis tanti aestimatum.

XL.

Quamvis in plerisque locis homines mulieribus assurgant, in via Eis cedant, has sedibus præponant: quamvis videantur gravibus comparari personis, ut invitata ad prandium pro his mitti debeat, imò videantur æquiparari personis Excelis, ita ut contra neglectum in hisce alicubi Eis concedatur Officium Judicis. Guiliel. Benedict. in *cap. Raynitiis. rubr.*

habens duas filias. n. 19. & seqq. Nos tamen tam celeriter assentiri non possumus.

Omnia ad Majorem DEI, Deiparaque Virginis Gloriam,



ODE

ODE GRATULATORIA.

Quam

Perilluſtris ac Generoſus Dominus

D. JOANNES EMMANUEL

NICOLAUS L. B. de Benzenau, &c.

Juris Utriuſque Studioſus

Nobili & Doctiſſimo Domino Defendenti

Honoris ergo accinit.

Dum neces Bellona ferox minatur,
Et plagas, diris populans ruinis,
Implet omnes, atque minas, furore
Percita ſpirat.

Palladis, Conrade, Tibi ſacrata

Arma jam dudum placuere, teque

Jam probat fortem Pugilem triumphus

Bis repetitus.

At ſatis nondum eſt, renovare doctas

Nunc juvat pugnas Themidis, triumphus

Scilicet major nequit eſſe, dicis,

Ter repetita.

Nec, Pugil fortiſſime, falleris; nam

Facta te dudum tua reddidit

Iungier ſacris, meritum, perita

Tempora lauris.

Per:

Perilluſtris ac Generoſus Dominus

**D. JOANNES JOACHIMUS WIL-
HELMUS FRANCISCUS IGNATIUS
JOSEPHUS L.B. de Weichs &c. Phil. Stud.**

Eidem Nobili & Doctiſſimo Domino Defendenti

Honoris ergo aggratuletur.

ERgo ades & noſtris tandem cupidiffima votis
Illa dies, quâ Palladio ſub numine ſacro
Conſcendi tibi docta datur Conrade Palaſtra.
Hic dabis, Aſtræâ, maneat quæ præmia, Palma,
Pugnantem duce, quem juris vocat arbitra virtus.
Quare age; quid dubitas? aude te credere pugnae
O generoſe Pugil! vinces; nam vincere novit,
Qui novit pugnare. Cadet, non enſibus uſus
Nec telis, hostis; cadet æquâ lege Themistoſ.
Vênit, 10 vidit Conradus, vicit 10 hostem!
Ergo Heliconiades noſtro date carmen Achilli,
Atque triumphali circumdate tempora lauro.
Fœnâque quâ Titan oriensque, cadensque retorquet,
Et quâ non notos populos, urbésque pruinis
Aeternis Helice damnat, quâ diſſipat Auſter
Ferventes ſabuli cumulos, Fama eyechat arma,
Et laudes, Nomenque tuum ſuper æthera tollat.
His Largam annorum Meſſem vos addite celi.

*Eidem Nobili & Doctiſſimo Dno. altera jam vides in arc-
nam juridicam deſcendentem.*

HAud tenuitrotos Bambergica fama triumphos
Quos tibi Ariſtotelis publica pugna tulit.

Vix-

Vixque Moguntinā rediisti Victor arenā
Justiniano Marte trophæa ferens.
Et rursus Pugil Anglipoli nova prælia tentas?
Prælia Palladio ter subeunda foro?
Sic est: causa tibi dum iusta stat, ipsa supernis
Se Sociam præbet sedibus Alma Themis:
Hos enses igitur, quos Baldi cura laborque
Exacuit, docta stringere perge manu.
His incurre hostes Pugil expertissime: vince,
Quem nullo victum tempore Fama refert.

Ita Honoris ergo aggratatur.

Prænobilis, Generosus, & Clarissimus Dominus
PAULUS BONAVENTURA ab UNERTL
Juris Utriusque Licentiat.

Eidem Nobili, ac Doctissimo Dno. Defendenti.

ERgo iterum, CONRADUS, ades, rursusque Minervæ
Strenue docta Pugil bella movere paras?
Bis jam pugnavisti, Victor palmasque tulisti,
Bis Pallas circum tempora feta dedit.
Te BAMBERGA sophum laudat, MOGUNTIA *Juris*
Contractu palmas te retulisse probat.
Ex quibus amborum tibi nunc *Condictio* surgit,
Ut perfecta simul sint tria juncta tibi.
Perfici enim nunquam perfecta scientia possit,
Tritum est) sed monstres præmia luce palam.
Apprecor ex animo trinos, CONRADE triumphos,
Quos pariter plausus PATRIA NOSTRA dabit!
Quando te reducem multâ cum laude videbit,
Spes Matris, functi nomen, honosque Patris.
Ultima bella tibi, meta hæc, finisque laborum,
Hæc tibi MAGNIFICUS, pugna TRIUMPHUS erit.

Accinit in vera amicitia testimonium Fidelis Amicus.

Prænobilis ac Generos. Dominus
CHRISTOPHORUS ANTONIUS ADAMUS
MICHAEL de Franckenœ J. U. Stud.

Q

Nob.

Nob. & Doctiss. Domina Defendenti.

Altera vix ætas rediit, qua sacra Trophæa
Struxisti Themidi, meritos geminare Triumphos
Est animus. Certare placet, dum torridus ær
Æstuat, accendit generosus nominis ardor
Jamque triumphantis rursus te, demetis arte
Ipse tibi laurum, virtus rediviva tuetur.
Jam te vincentem vincit simul, atque triumphum
Quæcunque hora dedit confictus, conspicit hora;
Vilus doctrina es Musas animare, novosque
Anglipoli tecum soles inducere Pindo.

Ita amoris ergo accinuit.

Prænob. & Generosus Dominus

JOSEPHUS MAXIMILIANUS BERNARDUS

WEINGÄRTLER ab Haybach Juris Utriusque Stud.

Martiali Agonista famam, & Lauream.

Huc huc Fama vola toti notissima mundo,
Grandia quæ superis nomina ferre soles.
Eja æge, laurigeras hodie conscende quadrigas,
Est pugil invictus quem super astra feras.
Te petit Anglipolis tot partis inclyta lauris;
Sedes Musarum Semper amata Deæ:
Hæc tibi Laurorum messem, laudumque propinat,
Immittas falcem, non aliena capis.
Ingenio, calamo, virtute, labore parata est
Gloria, vis testes? Jura, Themisque volunt.
Ecce bipartitis lectissima turba catervis,
Invictum pugilem, belligerumque vocat.
Miscentur linguæ, doctissima jurgia, pugnam
Instaurant Grandes, docta caterva, Viri.
En ut magnanimos mens maxima surgat in ausus
CONRADI, nullo succutienda metu.
Fulmina contemnit miles sub tegmine Lauri,
Hoc sub Præsidio victor ab hoste redit:

Famæ

Fama igitur Lauros offer, da mille coronas,
Undique CONRADUS victor ab ore sonet.
Debiti honoris & amoris Causa Canit.

Prænob. & Generos. Dominus

JOANNES MICHAEL GUILIELMUS PREY

de Straskirchen, & Pittenstorff Metaphr. & Inst. Imp. Stud.

Eidem Nobili & Doctissimo Dno. Defendenti.

L Aurigeras repetitus honor CONRADE Columnas
Eriget, at pugili symbola digna suo.
Eloquar, an taceam? vix transiit ultima messis,
Quod se defensam viderat alma Themis.
Nec mirum, quod docta tibi Moguntia Laurum
Cessent intonito, vincere Gnarus eras.
Rursum hodie mirandus ades fortissime Victor?
Define sollicitos, ejice corde metus.
Quin audax subeas suæ certamina pugne,
Buccina jam reboat, prælia sæva parat.
Non timeas pugnam, vastos certabis honores,
Quos meret Ingenium, Laus, Pietasque tua.
Gratulor abruptum, spero CONRADE triumphum,
Nec fallor, meritis Laurea certa tuis.

*Ita specialis Conscientia singularis honoris & amoris ergo
gratulatur*

Reverendus & Clarissimus Dominus

FRANCISCUS IGNATIUS BESTLEN

Presbyter, Sacrorum Canonum Licentiat.

Eidem Nobili & Doctissimo Domino Defendenti.

State! quò mentem titubante sole
Barbitò mulces agitatus Orpheus,
Quòve se flectent nimum secundo
Carmina cantu?

Ergo Fœcundas iterare palmas,
Hancque festivis Variante Musa
Laudibus fas est celebrare lucem, ac
promere plausus?

Q²

Pro-

Promat ; insurgit velut arbor alto
Fama CONRADI ; micat inter omnes
Palladis Natos velut inter ignes

Phœbus apertos ;

Vix triumphalem generosa metam
Fixerat Mogüntia ; vix opacis
Laudibus fortis dedit occupatos

Pallas honores ,

En novum rursus subiturus hostem
Inter illustres Themidis calores
Aspera n Musas vocat in palæstram

Vincere certus.

Vicit ! ad Summas Heliconis Oras
Pallas inclamat , sociâque dextrâ
Spondet æternas , Jove sic probante

Præscia lauros.

Ita Amoris ergo gratulatur

Prænob. & Generos. Dominus

PETRUS PHILIPPUS JOSEPHUS de LUEGER

Philosophiæ Stud.

Nobili, ac Doctissimo Dno. Defendenti.

IO! Pæana sonet lætos tua buccina cantus,
Et reboënt terno strepitantia tympana plausu.
En ! qui docta palâm jam ter certare paratus
Castrâ petit , celebres sibi bellaturus honores ?
Est Hic , ne dubita , de quo sperare trophæum
Magnanimum poteris certò : confide sub illo ,
Tanta cui pietas , studium , doctrinâque tanta ,
Dixero nec nimium , nulli virtute secundum
Si voco : quid multis ? paucis nunc omnia dicam :
Ars Æqui, atque *Boni* est : est trinâque regula Juris
Cum sit præ reliquis , qui *vivere* novit *Honestè*,
Ledere qui nescit *quemquam* , sincerus in omnes

Qui

Qui fuit, est, & erit; qui dat *tribuendo cuique*
Quod sibi debetur, quis plus ex Jure requirat?
Ita specialis amoris ergo aggratularur

Rev. D.

BENEDICTUS MAYR Presbyter J. U. Candidatus
& Benefic. ad D. Mauritium Ingolstadii.

Eidem Nobili & Doctissimo D. Defendenti.

ERgo iterum nova tela petis, nova bella faceffis
Palladis ingenuæ? quæ pax? sic bella reposcis?
Pugnando repetis vires, & fortior instas
Hercule, multiplici nunquam violandus ab hoste.
Annus vix abiit, quo te Moguntia vidit
Heroem, obstupuitque hoc plenum Pallade pectus.
Palladis ergo Themisque fuit celebrare triumphis,
Et te laurigeris Victorem ornare coronis.
Sed nondum satis est largos habuisse Triumphos,
Ma ora exspectas virtutum præmia, fixum
Hinc animo miscere iterum certamen arenâ.
Ergo age, bifrontistua dona cacuminis' affer
Musarum Montana cohors, fac tempora lambat
Victoris, pariatque æternos laurus honores.

Honoris & Amoris ergo aggratularur

Rev. D.

FRANCISCUS JOSEPHUS KLEIN Presbyter,
J. U. Stud.

Eidem Nobili ac Doctissimo Dno Defendenti.

CUI CONRADE diem dicis, *Condictio* quod sit
Thesibus & pugnae meta scopusque tuæ?
Litibus involvis lites quid more forensis
Accipitris victo jam ter ab hoste redux?
Scilicet Astrææ lauros condicis agendo
Quas dudum meritis debuit illa tuis.

Ita singularis observantia ergo accinnis

D. MATTHIAS HORMANN

Juris Utriusque Candidatus.

Q

Eidem

Eidem Nobili ac Doctissimo Domino Descendenti.

Ergone juridica rursum certabis arena?
Jam bis Palladio victor ab hoste redux?
Ergoneurit adhuc pugnae infatiabilis ardor?
Te nempe alme pugil terna trophaea manent.
Macte animo! certamen adi, bellantur honores,
Doctrina & pietas, quos meruere tua.
Tela repercuties generoso pectore, quamvis
Te totus contra mundus in arma ruat.
Nam quis non certum poterit sperare triumphum
De te! quitanto sub Duce bella geris:
I, propera victor, Themidis sacra jura tuere,
Et novus in Patria, Tribonianus age.

Amoris & honoris ergo aggratur

D. JOANNES WILHELMUS GRUEBER

J. U. Studiosus.

Eidem Nobili ac Doctissimo Domino Descendenti.

Ultima caelestium terras Astra reliquit,
Castalij cecinit gloria, Naso, Chori.
Belligeri fugiens, abiit Dea, praelia Martis
Ferreaque, & titulo saecula digna suo.
En! jam festivo (faustum mens ergo triumphum
Praecinit) in terras haec pede Diva redit.
Pacificaque gerit (manet haec sacra gloria Lauri
Victorem) Virgo splendidaserta manu.
Sed quid Diva venis? fugisti tristia pridem
Praelia, cumque suis ferrea saecula malis.
Nunc etiam iratis Mavors certamina dextris
Miscet, & effuso terracruore fluit.
At scio, quem maneat, Victorem haec laurea: nempe
Quae pro Justitia bella geruntur, amas.
En Pugil hostiles contra non Marte, sed Arte
Pro Themidis sacro pugnat honore dolos.

Non

Non ferro hic certat, sed lingua: sanguine nullo
Stant bella hæc, istum laurea digna decet.
Ergo Pugil quin bella moves, quæ gloria, terris
Cum lauro hanc iterum restituisse Deam?

Debiti honoris ergò accinuit

Rev. D.

JOANNES JACOBUS PÄMER

J. U. Studiosus.

Eidem Nobili, ac Doctissimo Dno Defendenti.

IRato pelago carbasa tradere,
Dum noctis facies incubat horrida
Alto, ventorum mota furoribus
Dum spumas Thetis egerit.
Hoc optus, hic labor est, qui magis perculit
Ingentes animos, astra ruentia.
Quàm si magnanimos, casus & opprimat
Altæ calicolum domus.
Te non dissimili credere carulo
Audax non dubitas, per mare turbidum
Per ventos rapidos pandere carbasa
Audes Ingenii Tui.

En alis validis acrior ingruit
Eurus, mox Austri turbo, procellæque.
Dum Scyllæ scopulos cautior effugis
In Syrtim magis incidis.

Tu casus quid ad hos, tanta pericula?
Rides oppositas Impavidus minas,
(Sed fictas potius) pectore strenuo
Cunctos excipis impetus.

Nec mirum, haud perit hoc naufragus æquore,
Tanto navigij Præside tutior.

Qui

Qui virtutis adit , quique scientiæ
Remis littora Gloriæ.

Ita accinit

D. FRANCISCUS XAVERIUS VOLPERTUS
ZECH Phil. Stud.

Eidem Nobili, & Doctissimo D. Defendenti.

Quis clangor aures percutit? an tubæ
Lætis pererrant plausibus æthera?
Auræ reclamant, suaviterque
Echo resibilat in cavernis.
An fors subactis Roma superbiens
Sceptris triumphat? nùm novus Hercules
Monstrô triformi Regna Ditis
Exspolians, petit astra Victor?
Nosco, Tonantis Filia, jam tuos
Astræa currus; solvite nubila,
Qui mutuata fulgurantes
Luce globos regitis, Ministri!
Adest caballo Cynthus insidens,
Qui pedit undas Castalis ungulâ,
Adsunt eburnis in quadrigis
Pierides cytharis canentes.
Tunc Laureatis Tigribus advolat
Victrice nexus tempora virgine
Heros, madentes Glorioso
Alma genas Themis imbre siccât.
Quis Hic? togatæ Palladis Inclytus
Pugil, Quiritum Jura sacerrima
Qui scit tueri, & quod solutum est
Immerito, reparare læsis.
Ergo Supremam, Gloria quam parat,
Conscende Sedem, Sydera nutibus

Tuls

Tuis regantur, Terra plaudat
Et Thetys, Iò sonet, Triumphe !

In Debitæ observantæ tesseraM Cecinit
D. FRANC. AUG. ANT. SITL
J. U. Stud.

Eidem Nobili ac Doctissimo Dno Defendenti.

Insurge miles, collige lanceas,
Ad bella rursus Te Dea provocat,
Parat sagittas sæviores,
Juridicam parat illa stragem.
Resiste fortis, vulnera non time,
Omnes recedent, si tua prælia
Videntque lauros, quæis amictus
Impenetrabilis à Moguntâ;
Hæc si videbunt non tibi vulnera,
Sed gloriosamnectere Lauream
Petent, sagittas avocare
Inque fugam variare pugnam.

Ita honoris & amoris ergo accinit

D. PHILIPPUS MICHAEL FRANCISCUS
STUBENRAUCH SS. Theologiæ & SS. Canon. Studiosus.

Eidem Nobili & Doctissimo Domino Defendenti.

Ferte citi, procul hinc bibuli sitientia Martis
Arma, quibus diram placat in ore sitim.
Non amat hostilis tentoria sæva Minervæ
Hic Pugil, Aoniæ Palladis ora placent.
Est incerta nimis, quam spondet, gloria, Mavors,
Caræque, quam proprio sanguine miles emit,
Est incerta nimis, nec semper emenda cruore,
Invida cum palmas mors rapit antè tuas.

R

Sæpè

Sæpè senex, magnis Juvenis qui viribus hosti
 Restiterat, tripedem, præmia digna capit.
 Mille alios, tenuit quos belli infana libido,
 Sors inimica atram lambere cogit humum.
 Hic, dum Juridicâ Victor decertat arenâ
 Strenuus, imbellinon gerit arma manu.
 Sed, dum Romani Sanctissima jura tuetur
 Imperij, sola robur in arte locat.
 Nunc his, nunc illis parat obvius ire Sagittis,
 Et dat in adversos tela reflexa Viros.
 Quis jam Pierias adeò gustaverit undas,
 Laudibus ut meritis TE super astra vekat.
 Non huic ruricolæ sunt tam facunda Thaliæ
 Guttura, nec modulis ista cicuta canit.
 Alma Themis justo trutinet tua munere facta,
 Détque inter Superos TE radiare Deos.

Debit a Moris ergò aCCInVIt

D. JOSEPHUS CLEMENS MARIA HOCHENBUR-
 GER, Philosophiæ & Instit. Imper. Studiosus.



Bayerische
 Staatsbibliothek
 München

Largon 10.

figura ista thesauri pignori tam in civile, q̄ in canonico etiam. Et
 in viles p̄ se sufficere.

in pignori. octal. i. l. i. §. si quis veltigal. ibi: tamen placuit competere
 eis in rem actionem adversus quemvis possessorē.

octal. 2. l. i. §. 3. §. de superficiebus, ibi: et si no cā cognita ei, qui s̄ ad
 modicum tempus dūrit superficie in rem actio competit.

3. In canon. in clem. i. de reb. eccl. si alienand. ibi: verum precipue ad tra-
 ditiones, vel etiam reditus, aut fructus venditiones ad tempus modicum,
 faciendas secularibus nullatenus s̄ contenti. q̄ i q̄tatis, si a longis
 temporibus s̄nt traditiones, etiam si h̄ q̄s requirant solennitates, quæ alias
 requiruntur ad alienationes. q̄.

§. octal. In Bavar. tit. 21. tit. 6. ubi si liberati s̄nt a longis temporibus et laude-
 mialibus s̄nt hominibus transmissi, et tunc de h̄m. ad illud p̄tuler. 4. 3.
 ponit diffin. inter p̄s cō et Bavar. tñ h̄ q̄ de p̄s cō sufficit. Bavar.
 a longis temporibus adhuc, ut hominibus transmissi, de p̄s tñ Bavarie
 suffraganeas laudemij præstatis.



